

**BOSNA I HERCEGOVINA  
FEDERACIJA BOSNE I HERCEGOVINE  
AGENCIJA ZA REVIZIJU PRIVATIZACIJE U FBiH**

**IZVJEŠTAJ  
O RADU AGENCIJE ZA REVIZIJU PRIVATIZACIJE  
U FEDERACIJI BOSNE I HERCEGOVINE  
ZA PERIOD 01.01. – 31.12.2024. GODINE**

**Sarajevo, mart/ožujak 2025. godine**

---

## SADRŽAJ

---

|                                                          |           |
|----------------------------------------------------------|-----------|
| <b>1. UVOD .....</b>                                     | <b>3</b>  |
| <b>2. NADLEŽNOST AGENCIJE .....</b>                      | <b>4</b>  |
| <b>3. RUKOVOĐENJE I ORGANIZACIJA AGENCIJE .....</b>      | <b>5</b>  |
| <b>4. STRATEŠKI CILJEVI .....</b>                        | <b>7</b>  |
| <b>5. KADROVSKO POPUNJAVANJE .....</b>                   | <b>7</b>  |
| <b>7. REALIZACIJA PLANSKIH AKTIVNOSTI AGENCIJE .....</b> | <b>13</b> |
| <b>8. RAD NA REVIZIJI .....</b>                          | <b>14</b> |
| Faze i planirani tok revizije .....                      | 14        |
| <b>9. FAKTORI USPJEHA RADA I RIZICI .....</b>            | <b>66</b> |
| <b>10. ZAKLJUČAK .....</b>                               | <b>68</b> |

---

Na osnovu člana 6. stav (3) tačka c.) Uredbe o osnovama organizacije i načinu poslovanja Agencije za reviziju privatizacije u Federaciji Bosne i Hercegovine („Službene novine Federacije BiH“, br. 16/14; 58/14; 75/14, 20/15 i 93/19), direktor Agencije za reviziju privatizacije Vladi Federacija Bosne i Hercegovine podnosi:

## **IZVJEŠTAJ O RADU**

### **Agencije za reviziju privatizacije u Federaciji Bosne i Hercegovine za 2024. godinu**

#### **1. UVOD**

Agencija za reviziju privatizacije u Federaciji Bosne i Hercegovine (u daljem tekstu: Agencija) djeluje kao samostalna institucija u Federaciji Bosne i Hercegovine, čija je djelatnost propisana odredbama člana 7. Zakona o reviziji privatizacije državnog kapitala u privrednim društvima i bankama („Službene novine Federacije BiH“, broj 55/12) u daljem tekstu (Zakon).

Na osnovu Zakona, Agencija je dužna dostaviti Parlamentu Federacije Bosne i Hercegovine najkasnije do 30. marta tekuće godine Izvještaj o izvršenju programa rada za prethodnu godinu.

Također, Agencija je dužna najmanje jedanput godišnje Vladi Federacije Bosne i Hercegovine podnijeti izvještaj o vršenju povjerenih javnih ovlaštenja i svakih šest mjeseci putem Vlade Federacije Bosne i Hercegovine informirati Parlamentarno povjerenstvo FBiH, Parlament FBiH o izvršenim revizijama privatizacije državnog kapitala privrednih društava i banaka u FBiH.

Na osnovu Uredbe o osnovama organizacije i načinu poslovanja Agencije direktor ima dužnost Vladi Federacije Bosne i Hercegovine podnositi izvještaj o radu Agencije jednom godišnje.

Na osnovu Zakona, Agencija će provoditi reviziju u skladu sa odredbama ovog zakona i Zakona o reviziji institucija u Federaciji Bosne i Hercegovine („Službene novine Federacije BiH“, br.22/06).

Agencija ima svojstvo pravnog lica.

Sjedište Agencije je u Sarajevu, Ulica Ustanička 11.

Organizacija, upravljanje i rukovođenje Agencijom uređuje se Uredbom i drugim općim aktima Agencije, u skladu sa Zakonom.

U okviru svoje nadležnosti Agencija ima javna ovlaštenja za donošenje pojedinačnih upravnih akata u skladu sa Zakonom o upravnom postupku („Službene novine Federacije BiH“, br. 2/98 i 48/99). Osnove organizacije i način poslovanja Agencije uređuje Vlada Federacije Bosne i Hercegovine podzakonskim aktima.

---

Na osnovu naprijed navedenog, Vlada Federacije Bosne i Hercegovine donijela je Uredbu o osnovama organizacije i načinu poslovanja Agencije.

Na osnovu Uredbe, direktor, zaposlenici i zastupnici Agencije ne smiju primati nikakve novčane ili druge darove, ako bi to moglo uticati na njihovu objektivnost u obavljanju poslova za Agenciju.

Zakon o državnoj službi u Federaciji BiH ne odnosi se na zaposlene u Agenciji.

Ako prava i obaveze zaposlenih iz radnih odnosa nisu regulisani Zakonom i Uredbom, primjenjuje se Zakon o radu Federacije BiH.

Ostvarenje planiranih zadataka izvršit će se u skladu sa Zakonom, a oni se odnose na zaštitu prava građana utvrđenih Ustavom Federacije Bosne i Hercegovine državne svojine u procesu privatizacije u Federaciji Bosne i Hercegovine i javnog interesa zaštićenih vrednota, ukupnog pravnog poretka, javnog morala te postizanja ciljeva propisanih odredbama člana 4. Zakona o reviziji privatizacije na način da se utvrdi je li u postupku privatizacije došlo do povrede odredbi Zakona o privatizaciji.

U tom smislu, jasno je određena vizija, misija i ciljevi djelovanja Agencije.

**Vizija Agencije** je djelotvorno izvršiti reviziju privatizacije u Federaciji Bosne i Hercegovine na efikasan i efektivan način te doprinjeti povećanju opšteg i zajedničkog dobra provjerom zakonitosti u procesu privatizacije državne svojine.

**Misija Agencije** je osigurati da se na profesionalan i učinkovit način te u skladu sa međunarodno priznatim standardima revizije i najboljim praksama u EU provede revizija privatizacije kako bi se utvrdio naknadni proces ispitivanja i ocjene ispravnosti procesa privatizacije privrednih društava i banaka u Federaciji BiH.

**Cilj Agencije** je osigurati da se na učinkovit način ispita i ocijeni da li je proces privatizacije izvršen na odgovarajući način i u skladu sa zakonskim procedurama te da li je nakon izvršene privatizacije u privrednim društvima i bankama došlo do povrede ugovorenih prava i obaveza.

**Uloga Agencije** je omogućiti javnosti da na transparentan način prezentira cjelokupan presjek izvršene privatizacije u cjelokupnom obimu te da da doprinos razvoju BiH društva kroz uspostavu provjere procesa privatizacije i utvrdi nepravilnosti prilikom istih, a isto tako prezentira i one privatizacije koje su uspješno provedene.

## **2. NADLEŽNOST AGENCIJE**

Svjesni svih izazova koji stoje pred Agencijom, a koji se kreću od nedovoljnih kadrovskih kapaciteta do otežanog sprovođenja Zakona i ispunjavanja obaveza, možemo konstatovati da je ostvaren napredak u ispunjavanju većine obaveza koje stoje pred Agencijom.

---

Revizija privatizacije državnog kapitala u privrednim društvima i bankama provodi se sa ciljem zaštite prava građana utvrđenih Ustavom Federacije BiH državne svojine u procesu privatizacije u FBiH i javnog interesa.

Revizija privatizacije tretirat će i stvari i prava sa pripadajućim kapitalom privrednih društava (privatiziranih i ne privatiziranih) koja nisu pod kontrolom te nisu bila uključena u aktivni podbilans, a nalaze se na teritoriji država nastalih raspadom bivše Socijalističke Federativne Republike Jugoslavije, potraživanja i obaveze prema pravnim licima iz država nastalih raspadom bivše Socijalističke Federativne Republike Jugoslavije.

Revizija privatizacije državnog kapitala u privrednim društvima i bankama uključivat će i raspolaganje novčanim sredstvima ostvarenim prodajom privrednih društava i banaka.

Revizija privatizacije, prema Zakonu, provodi se u privrednim društvima i bankama čiji je državni kapital privatiziran ili se privatizuje u skladu sa odredbama Okvirnog Zakona o privatizaciji preduzeća i banaka u BiH („Službeni glasnik BiH“, br. 14/98, 12/99, 14/00, 16/02 i 88/05), Zakonu o privatizaciji preduzeća („Službene novine Federacije BiH“, BR. 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), Zakona o privatizaciji banaka („Službene novine Federacije BiH“, br. 12/98, 29/00, 37/01 i 33/02), Zakona o početnom bilansu stanja preduzeća i banaka („Službene novine Federacije BiH“, br. 12/98, 40/99, 47/06, 38/08 i 65/09) i Zakona o vlasničko – pravnim odnosima („Službene novine Federacije BiH“, br. 6/98 i 29/03).

Revizija pretvorbe vlasništva provodit će se i u privrednim društvima gdje je pretvorba izvršena prije donošenja Zakona o privatizaciji preduzeća.

Postupci revizije privatizacije određeni su INTOSAI – revizijskim standardima te Kodeksom profesionalne etike revizora i drugim propisima koji uređuju pravila i metodologiju rada Agencije.

### **3. RUKOVOĐENJE I ORGANIZACIJA AGENCIJE**

Organizacija, upravljanje i rukovođenje Agencijom uređuje se Uredbom Vlade Federacije Bosne i Hercegovine, Statutom i drugim općim aktima u skladu sa Zakonom.

Ovlasti direktora, poslovi stručnih službi i ostala pitanja vezana uz organizaciju, upravljanje i rukovođenje radom Agencije, detaljno su razrađeni pravilnicima i drugim aktima kao što je unutrašnja organizacija i sistematizacija radnih mjesta i druga pitanja koja se odnose na radne odnose i funkcionisanje Agencijom.

---

## **Rukovođenje**

Direktor Agencije za reviziju privatizacije predstavlja i zastupa Agenciju, rukovodi radom Agencije i odgovoran je za njen rad.

Nadzor nad povjerenim javnim ovlaštenjima iz člana 8. Zakona vrši Vlada Federacije Bosne i Hercegovine.

## **Organizacija**

Za obavljanje poslova i zadataka iz nadležnosti Agencije, obrazovane su osnovne organizacione jedinice:

- Sektor za reviziju privrednih društava i banaka;
- Sektor za pravne i opšte poslove, finansijsko – računovodstvene poslove i ljudske resurse.

### **Sektor za reviziju privrednih društava i banaka**

U oblasti revizije privatizacije privrednih društava obavljaju se poslovi naknadnog procesa ispitivanja i ocjena ispravnosti procesa privatizacije privrednih društava koji obuhvata: postupke i pismena Vlade Federacije Bosne i Hercegovine, Agencije za privatizaciju, Federalnog ministarstva finansija, Komisije za vrijednosne papire i Registra vrijednosnih papira, kao i odluke i postupke drugih organa Federacije Bosne i Hercegovine i kantona; procedure u pripremi i provedbi privatizacije privrednih društava, dokumente (poslovne i knjigovodstvene isprave), poslovne knjige i računovodstvene finansijske izvještaje; zaključene ugovore o privatizaciji i vjerodostojnu dokumentaciju o izvršavanju ugovorenih obaveza, promjenu obavljanja djelatnosti privrednih društava suprotno uvjetima iz ugovora o prodaji; promjenu imena ili prestanak rada privrednog društva suprotno ugovoru o privatizaciji.

U oblasti revizije privatizacije banaka obavljaju se poslovi naknadnog procesa ispitivanja i ocjena ispravnosti procesa privatizacije banaka koji obuhvata: postupke i pismena Vlade Federacije Bosne i Hercegovine, Agencije za privatizaciju, Agencije za bankarstvo, Federalnog ministarstva finansija, Jedinice za privatizaciju banaka, Komisije za vrijednosne papire i Registra vrijednosnih papira, kao i odluke i postupke.

### **Sektor za pravne i opšte poslove, finansijsko – računovodstvene poslove i ljudske resurse**

Djelokrug Sektora obuhvata praćenje primjene zakona, podzakonskih akata i drugih propisa i općih akata koji se odnose na finansijsko, računovodstveno, kancelarijsko i arhivsko poslovanje Agencije, vođenje finansijsko – računovodstvenih poslova: izrada finansijskih planova i izvještaja, prikupljanje, sastavljanje, obrada evidencija i kontrola knjigovodstvenih isprava, vođenje poslovnih knjiga, popis imovine i obaveza, poslovi

---

planiranja i izvještavanja kroz pripremu periodičnih i godišnjeg obračuna, obračun plaća i drugih naknada zaposlenika, usklađivanje normativnih i drugih pravnih i administrativnih akata Agencije sa zakonskim propisima, učešća u pripremi općih i pojedinačnih akata vezanih za unutrašnju organizaciju i sistematizaciju poslova i radnih zadataka, usklađivanje unutrašnje organizacije Agencije sa zakonskim propisima i Odlukama i zaključcima Vlade Federacije Bosne i Hercegovine, preraspodjelu poslova i radnih zadataka, kadrovsko osposobljavanje.

#### 4. STRATEŠKI CILJEVI

Agencija je u okviru svojih zakonskih ovlasti i obaveza djelotvornog i brzog izvršavanja povjerenih joj zadataka, utvrdila tri ključna strateška cilja koja će joj pomoći u realizaciji ostvarenja njezinih ciljeva:

| Strateški ciljevi                                                                                                                                                                                                      |                                                                                                                                                                                                                                                                                     |                                                                                                                                                                                                                                                             |
|------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------|
| Uposliti revizorsko i administrativno osoblje koje ispunjava uslove za obavljanje poslova iz njene nadležnosti, u skladu sa posebnim uslovima utvrđenim Pravilnikom o unutrašnjoj organizaciji radnih mjesta Agencije. | Izvršiti profesionalno i odgovorno proces revizije privatizacije privrednih društava i banaka za navedenu godinu spram finansijskih sredstava i raspoloživosti ljudskih resursa, a u skladu sa Zakonom o reviziji privatizacije državnog kapitala u privrednim društvima i bankama. | U toku revizije privatizacije, a u skladu sa zakonskim obavezama, izvještavati Vladu Federacije Bosne i Hercegovine, Parlament Federacije BiH i cjelokupnu javnost o procesima revizije u vidu izvještaja (polugodišnjih, godišnjih i završnog izvještaja). |

#### 5. KADROVSKO POPUNJAVANJE

U Agenciji je u toku 2024. godine, bilo zaposleno 6 (šest) revizora.

Takođe, u Agenciji su zaposlena 2 (dva) zaposlenika u administraciji i to: Stručni saradnika za normativno-pravne poslove, opće poslove i radne odnose i Stručni saradnika za računovodstveno-materijalne poslove.

Kada se ima u vidu složenost poslova unutar same Agencije i njenog primarnog zadatka, tj. reviziji privatizacije koja sa sobom povlači svakolike odgovornosti i obaveze kao i sam interes javnosti, nameće se uistinu potreba za povećanjem personala koji bi doprinio lakšem i učinkovitijem radu same Agencije, međutim, Agencija je bila i u ovo

---

izvještajnoj godini ograničena budžetskim okvirom koji joj nije omogućavao da uposli više radnika koji bi radili na revizijama privatizacije u većem obimu. Nadamo se da će se u narednom periodu iznaći način da se povećaju finansijska sredstva Agenciji i da ćemo biti u prilici da uposlimo dodatne revizore.

## **6. SREDSTVA ZA RAD I FINANSIJE**

Sredstva za rad Agencije za reviziju privatizacije u Federaciji Bosne i Hercegovine u 2024. godini osigurana su u Budžetu Federacije Bosne i Hercegovine, a u skladu sa članom 1. Zakona o budžetu FBiH. Usvajanjem Budžeta za 2024. godinu – Ukazom o proglašenju Budžeta za 2024.godinu, („Sl.novine Federacije BiH“, br.7/24) od 26.01.2024.godine, Agenciji su obezbjeđena sredstva i stvoreni uslovi za pravilno i zakonito vođenje materijalnog i finansijskog poslovanja u skladu sa zakonskom regulativom za budžetske korisnike.

U 2024. godini Agenciji su za potrebe realizacije planiranih poslova i zadataka odobrena sredstva u Budžetu u iznosu od KM 607.794.

Odobrena novčana sredstva su se u 2024. godini koristila racionalno u skladu sa operativnim planovima po mjesecima, zavisno od planiranih mjesečnih troškova. Svi finansijski izvještaji za 2024. godinu sastavljeni su u skladu sa odredbama Zakona o budžetima Federacije BiH („Sl.novine Federacije BiH br.102/13, 9/14, 13/14, 8/15, 91/15, 102/15,104/16, 5/18, 11/19 i 99/19 i 25a/22), Uredbom o računovodstvu budžeta u FBiH, („Sl.novine Federacije BiH“, br.34/14 i 66/23). Planovi su sačinjeni na osnovu planiranog obima i dinamike rada Agencije u procesu revizije privatizacije u FBiH, pri čemu smo bili krajnje fiskalno odgovorni u dijelu realnog i svrsishodnog planiranja budžetskih sredstava, kako bismo dali svoj doprinos u realizaciji uravnoteženja budžeta u uslovima oporavka domaće privrede.

U toku 2024. godine Agencija se u okviru svog računovodstva i finansija u cijelosti pridržavala svojih obaveza i rokova prilikom sačinjavanja dokumenata koji se dostavljaju u određene Sektore u Federalno ministarstvo finansija, poštujući pri tome zakonsku regulativu kojom je regulisano trezorsko poslovanje.

U skladu sa članom 15. Zakona o budžetima u Federacije Bosne i Hercegovine, („Službene novine Federacije BiH“, br.102/13, 9/14, 13/14, 8/15, 91/15, 102/15,104/16, 5/18, 11/19 i 99/19 i 25a/22) Federalno ministarstvo finansija je u februaru 2024.godine dostavilo Instrukciju br. 1 prema kojoj smo bili u obavezi dostaviti zahtjeve za sredstvima iz Budžeta za period 2025-2027 godina. Takođe je u julu 2024. godine Federalno ministarstvo finansija dostavilo Instrukciju br. 2, za izradu Budžeta Federacije BiH za 2025 – 2027.godinu. Sve potrebne finansijske zahtjeve smo dostavili Federalnom ministarstvu finansija putem informacijskog sistema za planiranje i upravljanje budžetom (BPMIS), te u printanoj verziji u zadanim rokovima. Iznos ukupnog zahtjeva za svaku godinu smo prilagodili okviru date početne granice

---

rashoda, a broj zaposlenih smo prilagodili ograničenju u broju zaposlenih. U zahtjevima smo takođe dali detaljno obrazloženje svih analitičkih pozicija, rukovodeći se pri tome činjenicom da svako neodgovorno planiranje utroška sredstava i nadzora nad trošenjem sredstava dovode do stvaranja prekomjerne potrošnje.

U računovodstvu Agencije su uredno, ažurno i tačno vođene sve pomoćne knjige kao analitičke knjigovodstvene evidencije i to :

- Pomoćne knjige za unos podataka u informacioni sistem Trezora,
- Pomoćne knjige propisane Pravilnikom o knjigovodstvu budžeta u FBiH.

Evidentiranje transakcija po osnovu promjena stalnih sredstava, zaliha, obaveza i blagajničkog poslovanja vršeno je na način da su se u Federalni trezor slali podaci vrijedonosno, a u Agenciji su te promjene evidentirane u skladu sa propisima o knjigovodstvu. Propisani obrasci za knjiženje u Glavnoj knjizi trezora su dostavljani na vrijeme, tj. sve transakcije (poslovne promjene) su evidentirane u pomoćnim knjigama Agencije odmah po nastanku i prosljeđene u Trezor radi knjiženja i to do sredine aprila 2024. godine. Pri tome je najmanje jednom mjesečno uvidom u analitičke kartice vršena kontrola provedenih knjiženja.

U periodu od 15.04.2024. godine do 19.04.2024. godine je održana obuka za unos podataka u trezorsku aplikaciju u Federalnom ministarstvu finansija, čime je na budžetske korisnike prebačen dio poslova vezanih za unos i knjiženje u aplikacijama Trezora kao što su: Modul AP-Unos faktura, modul PO – Unos narudžbenica, modul GL-Glavna knjiga, pretraživanje i izrada svih vrsta izvještaja po navedenim modulima. Za korištenje aplikacija (ISFU; BPMIS) je uspostavljena VPN veza sa Federalnim ministarstvom finansija.

S obzirom na centralizovan obračun plaća, finansijsko – računovodstveni sektor je u 2024. godini Službi zajedničkih poslova FBiH uredno i u predviđenim rokovima dostavljao sve neophodne podatke za obračun plaće, a u pomoćnoj knjizi za obračun plaća su osigurani podaci o prisutnosti zaposlenih na radu, podaci o ostalim naknadama i administrativnim zabranama. Poreznoj upravi i Zavodu za statistiku u zakonskom roku su dostavljani neophodni obrasci vezani za plaću (obrazac MIP-1023, obrazac GIP-1022, specifikacija plaće, mjesečni statistički izvještaj o plaćama i godišnji izvještaj o plaćama) i to putem aplikacija kao što su NPIS (aplikacija porezne uprave) i elektronski putem (obraci u excelu Zavoda za statistiku).

Sve knjigovodstvene isprave u Agenciji za ovaj period izvještavanja su pregledane od strane stručnog saradnika za računovodstveno – materijalne poslove, te je utvrđeno da su iste vjerodostojne, tj. da odražavaju nastali poslovni događaj. Posebno je obraćena pažnja na ažurnost, tj. da se ove isprave u što kraćem roku proknjiže u aplikacijama u Federalnom ministarstvu finansija, pri čemu su propisani obrasci za knjiženje uredno popunjeni i u papirnoj formi, potpisani od strane ovlaštene osobe, te zajedno sa originalnim dokumenata odloženi u arhivu Agencije. U toku 2024. godine smo sedmično i mjesečno izrađivali razne vrste izvještaja radi kontrole pojedinačnih

---

knjiženja, konta i uvida u izmirenje svih stvorenih obaveza za ovaj period, te podatke o raspoloživim sredstvima.

Prema odredbama Zakona o budžetima u Federaciji Bosne i Hercegovine, Pravilnika o finansijskom izvještavanju i godišnjem obračunu budžeta u Federaciji Bosne i Hercegovine, Zakona o računovodstvu i reviziji Federacije BiH, Agencija kao budžetski korisnik je obavezna provesti godišnji popis kao obaveznu predbilansnu radnju, tako da smo našim internim aktom, tj. Odlukom o popisu br.01-11-1-445/24 od 05.12.2024. godine utvrdili postupak provođenja popisa imovine i obaveza za 2024. godinu (određivanje komisija, način i rokovi popisa, način usklađivanja knjigovodstvenog stanja sa stvarnim stanjem). Izvještaj Komisije o godišnjem popisu je usvojen Odlukom o usvajanju Izvještaja Komisije za popis za 2024.godinu broj:01-11-1-445-3/24 od 21.02.2025. godine. Krajem decembra 2024. godine i početkom januara 2025. godine smo takođe izvršili kontrolu tačnosti i pravilnosti unosa podataka, a sve u cilju usklađivanja analitičke knjigovodstvene evidencije u pomoćnim knjigama sa odgovarajućim sintetičkim kontima glavne knjige prema odredbama Zakona o računovodstvu i reviziji u FBiH („Službene novine Federacije BiH“, broj: 83/09 i 15/21) i pripreme godišnjih računovodstvenih izvještaja i periodičnih izvještaja za period 01.01-31.12. 2024.godine. Izvršena je i kontrola usaglašenosti pojedinih konta, odnosno grupe konta sa analitičkim kontnim planom za budžet i budžetske korisnike, a sve u cilju da finansijski izvještaji pruže tačne i potpune podatke, tj. da na fer i istinit način prikažu stanje imovine, obaveza i izvora sredstava. Godišnji izvještaji su podnešeni u skladu sa članom 19. Pravilnika o finansijskom izvještavanju i godišnjem obračunu budžeta u Federaciji Bosne i Hercegovine („Službene novine Federacije Bosne i Hercegovine“, br. 69/14,14/15,4/16 19/18 i 3/21 i 97/23).

Posebno smo obratili pažnju na blagajničko poslovanje, tj izvršili smo kontrolu evidentiranja i izvršavanja transakcija u blagajni, a sve u skladu sa Uredbom o uslovima i načinu plaćanja gotovim novcem („Službene novine Federacije BiH“, broj 72/15),Uredbom o blagajničkom poslovanju („Službene novine Federacije BiH“,broj 26/16), Uputstvom o blagajničkom poslovanju („Službene novine Federacije BiH“,br. 44/17 i 101/21) i Računovodstvenim politikama za federalne budžetske korisnike i Trezor („Službene novine Federacije BiH“,broj 58/16).

Godišnji računovodstveni izvještaji i periodični finansijski izvještaji za period 01.01-31.12.2024. godine su sačinjeni na obrascima koji su propisani Pravilnikom o finansijskom izvještavanju i godišnjem obračunu budžeta u Federaciji Bosne i Hercegovine („Sl.novine Federacije BiH“, br.69/14, 4/15, 4/16, 19/18, 3/21 i 97/23) i dostavljeni Finansijsko – informatičkoj Agenciji (FIA)-Sarajevo, Federalnom ministarstvu finansija i Uredu za reviziju FBiH u rokovima propisanim navedenim Pravilnikom.

Federalnom ministarstvu finansija su u propisanim rokovima dostavljeni mjesečni operativni planovi, tromjesečni planovi, te godišnji operativni plan za 2024. godinu. Ovi planovi su usklađeni sa finansijskim planom za 2024. godinu i planom javnih nabavki

---

za 2024. godinu, te je praćeno njihovo izvršavanje kako bi se u slučaju potrebe dali prijedlozi za eventualne izmjene i dopune istih.

Iz odobrenih budžetskih sredstava za 2024. godinu, Agencija je izmirivala obaveze za plaće i naknade troškova zaposlenih, izdatke za materijal, sitan inventar i usluge, te izdatke za nabavku i održavanje stalnih sredstava, a u cilju realizacije plana rada i radnih zadataka. U 2024. godini utrošena budžetska sredstva iznose 602.458 KM i to prema sljedećem pregledu:

|                                                  |    |         |
|--------------------------------------------------|----|---------|
| - 6111 Bruto plaće i naknade plaća               | KM | 485.057 |
| - 6112 Naknade troškova zaposlenih               | KM | 33.953  |
| - 6121 Doprinosi poslodavca                      | KM | 50.931  |
| - 6131 Putni troškovi                            | KM | 18      |
| - 6132 Izdaci za energiju                        | KM | 4.265   |
| - 6133 Izdaci za komunikaciju i komunalne usluge | KM | 6.122   |
| - 6134 Nabavka materijala i sitnog inventara     | KM | 2.641   |
| - 6135 Izdaci za usluge prevoza i goriva         | KM | 2.533   |
| - 6137 Izdaci za tekuće održavanje               | KM | 954     |
| - 6138 Izdaci osiguranja i bankarskih usluga     | KM | 540     |
| - 6139 Ugovorene i druge posebne usluge          | KM | 10.173  |
| - 8213 Nabavka opreme                            | KM | 5.271   |

Utrošena budžetska sredstva u 2024. godini iznose 99,12% od ukupno odobrenih budžetskih sredstava za 2024. godinu.

Održavanje stalnih sredstava je vršeno u skladu sa zakonskim propisima. U 2024. godini su provedena dva postupka javne nabavke i isporuke opreme putem direktnog sporazuma i to:

Nabavka kompjutera Ugovor o nabavci broj: 04-14-2-379-3/24 od 10.10.2024. godine;

Nabavka uređaja za ostvarivanje VPN veze sa Federalnim ministarstvom finansija- Ugovor o nabavci broj: 04-14-2-285-6/24 od 22.08.2024. godine.

Nabavka se odnosila na stalna sredstva neophodna za rad i funkcionisanje Agencije. Ostvareni izdaci za nabavku stalnih sredstava u odnosu na planirane ostvareni su 87,85% u odnosu na planirane. Amortizacija stalnih sredstava za 2024. godinu obračunata je u skladu sa propisima, tj. članom 17.stav 4. Uredbe o računovodstvu budžeta u FBiH i članom 12. stav 6. Pravilnika o knjigovodstvu budžeta u FBiH, pri čemu smo primjenili stope iz Nomenklature sredstava za amortizaciju (Sl.list broj: 5/95) koje su obavezne za budžetske korisnike.

---

Plaće i naknade troškova zaposlenih su isplaćivane prema dinamici zapošljavanja. Troškovi zaposlenih su se sastojali od neto plaće za redovan rad, naknada za bolovanje, godišnji odmor i druga plaćena odsustva, naknada kao što su prevoz sa posla i na posao, topli obrok, regres, te doprinosi.

Plaće zaposlenika su isplaćivane u skladu sa Pravilnikom o plaćama i drugim primanjima zaposlenika broj: 01-14-42/2014 od 19.06.2014. godine, a koji je usvojila Vlada FBiH. Ostvarene plaće u odnosu na planirane su bile veće zbog povećanja prosječne neto plaće Federacije, a koja je osnovica za obračun plaća u Agenciji prema gore navedenom Pravilniku. Razlika plaća je izmirena preraspodjelom sa pojedinih pozicija u okviru odobrenih budžetskih sredstava za 2024. godinu.

U 2024. godini Agencija nije imala nikakvih isplata koje se odnose na rad u komisijama, a nije imala ni ugovore o djelu po bilo kojem osnovu. Izvještaj o naknadama komisijama je redovno (svaka tri mjeseca) podnošen u Glavni operativni centar u Federalnom ministarstvu finansija.

Sve obaveze Agencije u 2024. godini bile su kratkoročne. Na dan 31.12.2024. godine Agencija je imala obaveze u iznosu od KM 50.300. Od toga KM 48.974 se odnosi na obaveze prema radnicima za mjesec decembar, KM 1.194 se odnosi na obaveze prema dobavljačima za izvršene usluge, a KM 132 na ostale kratkoročne obaveze. Obaveze prema dobavljačima su usaglašene putem izvod otvorenih stavki na dan 31.12.2024.godine i nije bilo nikakvih odstupanja. Sve obaveze evidentirane u poslovnim knjigama na dan 31.12.2024.godine su izmirene u januaru 2025. godine.

Agencija u 2024.godini nije imala potraživanja.

Svi drugi izdaci i troškovi vezani za poslovanje Agencije u 2024. godini su svedeni na minimum. Prilikom izdavanja putnih naloga i odobravanja dnevnica postupalo se racionalno i u skladu sa zakonom, a službeno vozilo je korišteno u skladu sa potrebama Agencije.

Ugovore koje smo sklopili sa dobavljačima, a koji se odnose na pružanje usluga smo ispoštovali u cijelosti u ovom periodu.

Odobrena budžetska sredstva prema Finansijskom planu za 2024. godinu su planirana za 11 zaposlenih. Agencija je u periodu od januara do decembra imala (9) devet zaposlenih.

Računovodstveno – finansijski sektor se aktivno uključio i u izvršavanje zadataka i aktivnosti koje ovaj sektor treba poduzeti u cilju postizanja što boljih rezultata u realizaciji Opšteg plana borbe protiv korupcije. Nakon izvršene analize svih internih akata iz oblasti tekućih izdataka kao što su putni troškovi, reprezentacija, telefonski troškovi i sl. ustanovljeno je da su usklađeni sa propisima višeg reda.

Zaposlenicima je u 2024. godini omogućeno pohađanje seminara radi kontinuiranog stručnog usavršavanja i informisanja u skladu sa Pravilnikom o obrazovanju i usavršavanju zaposlenih Agencije za reviziju privatizacije u FBiH, broj : 01-02-83/15

---

od 11.03.2015. godine, kako bi se kontinuiranim praćenjem propisa iz oblasti računovodstva i finansija, radnih odnosa i javnih nabavki te ostalih pravnih propisa osigurala njihova blagovremena primjena i stvorili što bolji uslovi za rad Agencije. Agencija je takođe u 2024. godini izvršila pretplatu na službena glasila i stručnu literaturu, a u cilju što bolje informisanosti zaposlenih u primjeni zakonskih okvira za uspješno poslovanje kao budžetskog korisnika.

U nastojanju da se implementira Zakon o finansijskom upravljanju i kontroli u javnom sektoru u Federaciji Bosne i Hercegovine, Agencija je poduzela određene aktivnosti s ciljem uspostave, provođenja i razvoja sistema FUK-a. Pored imenovanog koordinatora koji je u 2024. godini prisustvovao prezentacijama i obukama koje je provodilo Federalno ministarstvo finansija tj. CHJ Ministarstva finansija i trezora BiH, sve organizacione jedinice i svi zaposleni su uključeni u ovaj proces. Svrha uspostavljanja sistema FUK-a je definisanje odgovornosti i nadležnosti svih lica u organizaciji donošenjem internih propisa u skladu sa važećom regulativom, obezbjeđenje ažurnih i tačnih informacija, efektivna komunikacija na svim nivoima Agencije te upravljanje rizicima koji su neizbježni u svakodnevnom poslovanju, tj. preduzimanje radnji kojima će ti rizici biti izbjegnuti ili svedeni na prihvatljiv nivo, a opet sve u cilju unapređenja rada i poslovanja Agencije, kao korisnika budžetskih sredstava. U 2024. godini napravljen je registar rizika, kao jedan od koraka u implementaciji FUK-a. Godišnji izvještaj (GI-FUK) za 2024. godinu je u zakonskom roku dostavljen Centralnoj harmonizacijskoj jedinici Ministarstva finansija i trezora BiH, a isti je dostavljen i kroz aplikaciju PFIC do 28.02.2025. godine.

Agencija je u 2024. godini imala samo 2 (dva) zaposlenika u administraciji i to: Stručnog saradnika za pravne i opšte poslove i Stručnog saradnika za računovodstveno – materijalne poslove koji obavljaju i poslove koji nisu u njihovom opisu radnih zadataka. Zbog toga je neophodno u narednom periodu izvršiti prijem dodatnog administrativnog osoblja kako bi Agencija obavljala svoje zadatke brže i efikasnije.

U radu Agencije do dana podnošenja ovog izvještaja za 2024. godinu nije bilo događaja koji bi mogli uticati na stanje imovine i na rashode izvještajnog perioda. Izvještaj u potpunosti odražava tačno i istinito računovodstveno – finansijsko poslovanje Agencije.

## **7. REALIZACIJA PLANSKIH AKTIVNOSTI AGENCIJE**

### **PLAN RADA ZA 2024. GODINU**

Odlukom Vlade Federacije Bosne i Hercegovine V. broj: 291/2024 od 27.02.2024. godine, usvojen je Plan rada za 2024. godinu, kojim je planirano 14 (četnaest) privrednih društava, koje treba revidirati.

---

Zbog većeg broja zahtjeva, upućenih Agenciji za reviziju privatizacije u toku 2024. godine, za reviziju privatizacije privrednih društava koje nisu bile planirane već usvojenim Planom rada za 2024. godinu, Agencija je imala potrebu da sačini izmjene i dopune Plana rada za 2024. godinu. Odlukom V. broj: 1721/2024 od 19.11.2024. godine, Vlada Federacije BiH je na 43. sjednici usvojila Izmjene i dopune Plana rada Agencije za reviziju privatizacije u FBiH za 2024. Godinu.

Agencija je u toku 2024. godine sve svoje obaveze izvršavala u rokovima i proces rada se odvijao izvrsnom dinamikom.

Bitno je napomenuti da je Agencija za izvještajnu godinu uprkos nedostatku revizorskog osoblja i otežanih uslova rada uspjela da otvori sve planom obuhvaćene revizije privatizacije privrednih društava.

Takođe, za prošlu godinu, Agencija je realizirala sve zakonski definisane obaveze i na vrijeme podnosila sve izvještaje kako Vladi Federacije BiH, tako i Parlamentu Federacije BiH i ostalim institucijama od značaja za Federaciju BiH.

## **8. RAD NA REVIZIJI**

### **Faze i planirani tok revizije**

Postupci revizije privatizacije započinju prikupljanjem dokumentacije potrebne za proces revizije. Kako su u postupcima privatizacije, osim privrednih društava i banaka koja su bila predmet privatizacije, izravno ili neizravno sudjelovale i brojne pravne i fizičke osobe te tijela državne uprave, kao i osobe s javnim ovlastima, tako se i dokumentacija za provedbu revizije prikupljala kod svih navedenih subjekata. Najveći dio podataka i dokumenata pribavio se kod Federalne Agencije za privatizaciju i kantonalnih agencija za privatizaciju, Agencije za bankarstvo, zatim kod privrednih društava kod kojih se obavljala revizija, te od ostalih relevantnih institucija i organa koji su učestvovali u procesima privatizacije.

Najvažniji podaci i dokumenti u privrednim društvima kao i u organima i institucijama za privatizaciju na osnovu kojih se obavljala revizija su:

- knjigovodstvena vrijednost državnog kapitala prema početnom bilansu stanja privrednih društava i banaka,
- promjene koje su nastale na kapitalu kao i druge materijalno značajne promjene na imovini i obavezama, od dana utvrđivanja početnog bilansa stanja do dana privatizacije i od dana privatizacije do dana završetka revizije,
- vrijednost i način raspolaganja imovinom iz pasivnog podbilansa od strane privrednog društva i drugih subjekata,
- ispunjavanje ugovornih obaveza od strane kupca definiranih ugovorom o prodaji državnog kapitala,

- 
- 
- da li su od dana pokretanja do okončanja procesa privatizacije aktivnosti nadležnih nositelja procesa privatizacije i kupca bile u skladu sa važećim propisima.

Također je u procesu revizije privatizacije pored navedenih dokumenata tražena i sljedeća dokumentacija:

- dokumentacija o pretvorbi vlasništva u privrednim društvima gdje je pretvorba izvršena prije donošenja Zakona o privatizaciji preduzeća;
- odluka organa upravljanja o pretvorbi sa svim obaveznim priložima;
- rješenja ili suglasnosti Agencija (Agencija za privatizaciju),
- zapisnik s osnivačke skupštine,
- statut (sa svim izmjenama i dopunama, s datumima primjene izmjena i dopuna),
- rješenja suda o upisu u sudski registar,
- podaci o dionicama (broj, nominalna vrijednost, serija, vrsta, rod) ili udjelima,
- ugovori o kupnji dionica, odnosno udjela na osnovu kojih je izvršen upis u knjigu dionica ili u knjigu udjela,
- podaci o sticanju vlastitih dionica (odluke skupštine, ugovori ili drugi dokumenti na osnovu kojih su stečene vlastite dionice),
- ugovori o prijenosu dionica, odnosno udjela na temelju kojih su evidentirane
- promjene u knjizi dionica ili knjizi udjela,
- dokumentacija o dokapitalizaciji (ugovori, odluke skupštine, virmanski nalozi o uplatama gotovine, procjena vrijednosti imovine koja se unosi),
- dokumentacija o pretvaranju potraživanja u udjel (odluka, pravno utemeljenje potraživanja, ugovor o pretvaranju potraživanja u ulog i mišljenje komercijalne revizije),
- knjiga dionica ili knjiga udjela sa svim promjenama,
- popis članova uprave, upravnih i nadzornih odbora, s datumima imenovanja i razrješenjima,
- ugovori o prodaji nekretnina, zajedno s odlukama nadležnih tijela,
- podaci o zahtjevima prijašnjih vlasnika za povrat imovine koja se nalazi u imovini društva,
- izvještaji revizorskih kuća i interne revizije,
- analitička evidencija dugotrajne imovine za sve godine od pretvorbe, uključujući podatke o smanjenju vrijednosti i amortizaciji,
- analitička evidencija kupaca i dobavljača za sve godine od pretvorbe,
- popis privrednih društava u kojima je društvo nastalo pretvorbom ili većinski vlasnik ima vlasnički ili suvlasnički udjel, te dokumenti, evidencije i finansijski izvještaji potrebni za provedbu revizije osnivanja i revizije poslovanja za sva navedena privredna društva i banke.

U tekstu koji slijedi, prikazan je pregled izvršenih revizija privrednih društava u toku 2024. godine, te njihova faza realizacije:

---

## 1. SOLANA D.D. TUZLA

Na osnovu odredbi Zakona o reviziji privatizacije državnog kapitala u privrednim društvima i bankama ("Službene novine Federacije BiH", br. 55/12), Zakona o reviziji institucija u Federaciji Bosne i Hercegovine ("Službene novine Federacije BiH", br. 22/06) i Rješenjem broj: 01-02-1-1101/24 od 09..01.2024. godine, obavljena je revizija privatizacije privrednog društva "SODASO" Holding, FABRIKA SOLI" d.d. Tuzla

Postupak revizije pretvorbe i privatizacije izvršili su ovlašteni revizori Agencije za reviziju privatizacije u Federaciji Bosne i Hercegovine, u skladu sa Zakonom o reviziji privatizacije u Federaciji Bosne i Hercegovine, te Zakonom o reviziji institucija u F BiH. Postupak revizije proveden je u skladu sa revizorskim standardima Međunarodne organizacije vrhovnih revizijskih institucija – INTOSAI ("Službene novine Federacije BiH", br. 30/11 i 62/14) i Etičkim kodeksom profesionalne etike revizora.

Na osnovu provedenog postupka revizije pretvorbe i privatizacije privrednog društva „Fabrika soli Tuzla“ d.d. Tuzla, sačinjen je Nacrt izvještaja o izvršenoj reviziji pretvorbe i privatizacije broj 02-15-1-105-15/24 od 25.07.2024. godine koji je dostavljen društvu „Fabrika soli Tuzla“ d.d. Tuzla, na Komentar/Očitovanje.

Agencija za reviziju privatizacije u Federaciji Bosne i Hercegovine u ostavljenom roku zaprimila je očitovanje Uprave „Fabrika soli Tuzla“ d.d. Tuzla. Aktom br. 03-03-1927/24 od 08.08.2024. godine. Uprava društva je obavijestila Agenciju da nema primjedbi na dostavljeni Nacrt izvještaja, nakon čega je Agencija sačinila konačan Izvještaj o izvršenoj pretvorbi i privatizaciji „Fabrika soli Tuzla“ d.d. Tuzla br. 02-15-1-105-17/24 od 28.08.2024. godine, a koji čini sastavni dio ovog Rješenja.

Revizijom su obuhvaćeni dokumenti, odluke, poslovne knjige, ugovori i akti na osnovu kojih je obavljena pretvorba i privatizacija, radi provjere da li je pretvorba i privatizacija provedena u skladu sa odredbama Zakona o privatizaciji preduzeća ("Sl. Novine F BiH", br. 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), i drugim posebnim propisima.

Na osnovu prikupljene i analizirane dokumentacije u ovoj reviziji, utvrđeno je sljedeće:

1. Program privatizacije društva "SODASO" Holding, FABRIKA SOLI" d.d. Tuzla, sačinjen je u skladu sa odredbama članova od 8. do 18. Uredbe o metodologiji za pripremu programa i izradu početnog bilansa stanja preduzeća za privatizaciju (Sl. Novine Federacije BiH, br. 10/98, 26/98, 49/99, 40/00).
2. Procedure, dokumenti, poslovne knjige i računovodstveno finansijski izvještaji korišteni u toku pripreme Početnog bilansa za privatizaciju "SODASO" Holding, FABRIKA SOLI" d.d. Tuzla su u skladu sa Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99).

---

Početni bilans stanja preduzeća na dan 31.12.1999. godine prema našem mišljenju prikazuje istinito i objektivno stanje po svim bitnim pitanjima imovine, kapitala i obaveza. Sačinjen je aktivni, pasivni i neutralni podbilans.

3. Agencija za privatizaciju u Federaciji Bosne i Hercegovine izdala je Rješenjem br. 01-02-4366/2000 od 27.09.2000. godine o odobravanju programa privatizacije i Početnog bilansa stanja na dan 31.12.1999. godine. Pored iznosa ukupnog kapitala i strukture istog u izreci je navedeno da se dio državnog kapitala nominalne vrijednosti 14.897.708,00 KM koji čini 29,39 % ukupnog temeljnog kapitala poduzeća „SODASO“ Holding, FABRIKA SOLI" dioničko društvo u mješovitoj svojini sa p.o. sa sjedištem u Tuzli, prodaje u postupku velike privatizacije prodajom dionica metodom javne ponude dionica.

4. Javni poziv za upis dionica objavljen 05.06.2001 godine, te upis dionica po prvom pozivu u drugom krugu izvršen je u skladu sa Pravilnikom o prodaji imovine i dionica ili udjela preduzeća (Sl. novine Federacije BiH, br.19/98, 15/99, 32/99 i 36/99).

## **2. „UNIS“ TVORNICA POGONSKO KOČIONIH SISTEMA P.O. PROZOR – RAMA**

Rješenjem Agencije za reviziju privatizacije u FBiH broj: 01-02-1-102/24 od 09.01.2024. godine pokrenut je postupak revizije privatizacije društva „UNIS“ Tvorica pogonsko kočionih sistema p.o. Prozor-Rama. Nakon provedenog postupka revizije, na osnovu utvrđenih činjenica i prikupljenih dokaza, pripremljen je Izvještaj o izvršenoj reviziji broj: 02-15-1-107-21/24 od 24.05.2024. godine.

Utvrđuje se da postupak privatizacije društva „UNIS“ Tvorica pogonsko kočionih sistema p.o. Prozor-Rama nije proveden u skladu sa zakonom i drugim propisima.

Postupkom revizije privatizacije društva „UNIS“ Tvorica pogonsko kočionih sistema p.o. Prozor-Rama, novi naziv „RAMA-WERK“ d.o.o. Prozor-Rama je utvrđeno da je u toku postupka privatizacije došlo do sljedeće povrede propisa:

I Kupac nije izvršio obavezu investiranja u privredno društvo „UNIS“ Tvorica pogonsko kočionih sistema Prozor-Rama kako je predviđeno članom 5.1. Ugovora o kupoprodaji br. 12-21-207/05 od 23.05.2005. godine u iznosu od 6.938.306,00 KM, u roku od tri godine u skladu sa planom investicija po dinamici ulaganja po godinama:

- U I godini 963.146,00 KM,
- U II godini 2.523.020,00 KM,
- U III godini 3.452.040,00 KM.

Kupac nije izvršio obavezu zapošljavanja 60 radnika predviđeno članom 5. Ugovora o kupoprodaji u društvo i to:

- U I godini 25 radnika,

- 
- U II godini 22 radnika,
  - U III godini 13 radnika.

Agencija za privatizaciju HNK je, nakon kontrole izvršenja ugovorenih obaveza Zapisnikom br. 12-21-214/06 od 14.06.2006. godine, konstatovala da je u roku za izvršenje obaveza za prvu poslovnu godinu Kupac izvršio investicijska ulaganja u ukupnom iznosu od 824.488,00 KM, što je za 138.757,41 KM manje od ugovorenog. U navedenom periodu Kupac je zaposlio 5 radnika, i obavezao se zaposliti preostalih 20 radnika do 01.07.2006. godine. Nakon kontrole izvršenja obaveza za drugu poslovnu godinu Agencija je Zapisnikom br. 12-21-179/07 od 01.06.2007. godine utvrdila da Kupac nije izvršio obavezu investiranja i zapošljavanja za drugu poslovnu godinu, nakon čega su, na zahtjev Kupca, Agencija i Kupac zaključili Aneks br. 1. kojim je rok za izvršenje obaveza investiranja i zapošljavanja produžen do 31.12.2007. godine. Agencija je nakon kontrole izvršene 20.05.2008. godine Zapisnikom br. 19-21-292/08 konstatovala da Kupac nije izvršio obavezu investiranja i zapošljavanja za drugu poslovnu godinu. Na ponovni zahtjev Kupca, Agencija i Kupac su zaključili Aneks br. 2. kojim su rokovi za izvršenje obaveza investiranja i zapošljavanja za drugu poslovnu godinu produženi do 23.08.2008. godine. Zapisnikom Agencije br. 19-21-591/08 od 23.09.2008. godine konstatovano je da Kupac nije u potpunosti izvršio obaveze investiranja i zapošljavanja ni u naknadno određenim rokovima.

Revizijom privatizacije je utvrđeno da Kupac nije izvršio obaveze iz Ugovora o kupoprodaji u ugovorenim rokovima, osim djelimično u prvoj poslovnoj godini u kojoj je izvršio investicijska ulaganja u rekonstrukciju građevinskih objekata, opreme i drugih ulaganja u ukupnom iznosu od 824.488,00 KM. Agencija je provedenih kontrola izvršenja ugovornih obaveza utvrdila da je kupac do posljednje kontrole izvršene 23.09.2008. godine zaposlio 29 radnika, a ne 60 kako je bilo ugovoreno.

II Kupac je postupio u suprotnosti sa odredbom člana 4. Ugovora kojom je ugovoreno da: Kupac nema pravo otuđiti niti staviti teret (hipoteku) na nekretnine poduzeća dok potpuno ne realizira Poslovni plan, odnosno obveze preuzete Ugovorom, na način da je Kupac bez saglasnosti Agencije za privatizaciju HNK sa „HYPO ALPE ADRIA BANK“ d.d. Mostar zaključio Ugovor o dugoročnom kreditu sa valutnom klauzulom, partija broj: 6037003016 od 13.03.2006. godine u iznosu od 400.000,00 KM.

Rješenjem Općinskog suda u Mostaru broj: 07 56 Zzp 006513 06 od 15.03.2006. godine, zasnovano je založno pravo u korist banke uknjižbom na nekretninama založnog dužnika „RAMA-WERK“ d.o.o. Prozor-Rama upisanim u PL br. 215 k.o. Prozor-Rama.

Agencija za privatizaciju HNK je Kupcu ponudila sporazumni raskid ugovora o kojem se Kupac nije očitovao, nakon čega je Agencija nadležnom sudu podnijela tužbu za raskid kupoprodajnog ugovora i isplatu ugovorne kazne. Općinski sud u Mostaru je donio presudu broj: 58 0 P 049163 08 P od 12.11.2010. godine kojom je utvrđeno da se Ugovor o kupoprodaji dionica preduzeća „UNIS“ Tvornica kočionih sistema Prozor-Rama raskida i

---

vraća u državno vlasništvo 100% dionica temeljnog kapitala preduzeća. Presudom je Kupac obavezan, da na ime neispunjenja Ugovorom preuzetih obaveza, naknadi Agenciji ugovornu kaznu shodno članu 6.1. i 6.2. Ugovora u iznosu od 1.250.442,80 KM.

Općinski sud u Mostaru je donio Rješenje broj: 58 0 St 197318 18 St od 28.05.2018. godine radi utvrđivanja uvjeta za otvaranja stečajnog postupka nad pravnom osobom „RAMA-WERK“ d.o.o. Prozor-Rama, („UNIS“ Tvornica pogonsko-kočionih sistema Prozor-Rama). Nakon provednog postupka sud je Rješenjem br. 58 0 St 197318 18 St od 17.05.2019. godine odbio prijedlog za otvaranje stečaja. Rješenjem suda br. Tt-458/19 od 09.07.2019. godine privredno društvo „RAMA-WERK“ d.o.o. Prozor Rama je brisano iz sudskog registra.

### **3. „GORAŽDEPUTEVI“ D.D. GORAŽDE**

Rješenjem Agencije za reviziju privatizacije u FBiH broj: 01-02-1-103/24 od 09.01.2024. godine pokrenut je postupak revizije privatizacije društva „Goraždeputevi“ d.d. Goražde. Nakon provedenog postupka revizije, na osnovu utvrđenih činjenica i prikupljenih dokaza, pripremljen je Nacrt Izvještaja o izvršenoj reviziji broj: 02-15-1-106-34/24 od 16.05.2024. godine.

Utvrđuje se da u privrednom društvu „Goraždeputevi“ d.d. Goražde nije vršena prethodna vlasnička transformacija.

Utvrđuje se da postupak privatizacije privrednog društva „Goraždeputevi“ d.d. Goražde nije proveden u skladu sa zakonima i drugim propisima. Konačan izvještaj o reviziji čini sastavni dio ovog rješenja.

Postupajući u skladu sa odredbama člana 16. Zakona o reviziji privatizacije u Federaciji BiH, Agencija za reviziju privatizacije u Federaciji BiH je privrednom društvu „Goraždeputevi“ d.d. Goražde dostavila Nacrt izvještaja o izvršenoj reviziji pretvorbe i privatizacije na komentar/očitovanje, koje je navedeno pravno lice bilo dužno dostaviti u roku od 15 dana od dana prijema Nacrta izvještaja.

Agenciji za reviziju privatizacije je dostavljen komentar dana 03.06.2024. godine broj: 72/24, koji je uvršten u konačan Izvještaj broj: 02-15-1-106-38/24 od 03.06.2024. godine.

Shodno Programu privatizacije i dostavljenoj dokumentaciji utvrđeno je da privredno društvo „Goraždeputevi“ d.d. Goražde nije vršilo prethodnu vlasničku transformaciju u skladu sa odredbama Zakona o društvenom kapitalu („Sl. list R BiH“ br. 2/92) i Zakona o isplati ličnih dohodaka, sredstava za neposrednu zajedničku potrošnju i sredstava za ishranu radnika u toku rada („Sl. list SFRJ“ br. 37/90 i 84/90).

Postupkom revizije privatizacije društva „Goraždeputevi“ d.d. Goražde je utvrđeno da je u toku postupka privatizacije došlo do povrede zakona i drugih propisa:

---

I Agencija za privatizaciju je postupila suprotno članu 9. Zakona o privatizaciji Federacije BiH, kada je donijela Rješenje broj: 26-19-654/00 od 01.11.2000. godine o odobravanju programa privatizacije i početnog bilansa 6 mjeseci poslije izvršene prodaje 12.05.2000. godine, kojim je:

1. Odobren program privatizacije preduzeća d.d. „Goraždeputevi“ sa sjedištem u Goraždu. Državni/društveni kapital koji će se privatizirati u postupku Tender u velikoj privatizaciji je 2.194.967,00 KM i

2. početni bilans stanja preduzeća d.d. „Goraždeputevi“ sa stanjem na dan 31.12.1999. godine. Ukupan iznos kapitala je 2.194.967,00 KM, što predstavlja 100,0000% ukupnog kapitala.

Članom 9. Zakona o privatizaciji FBiH je propisano da je nadležna agencija za privatizaciju dužna donijeti rješenje o podnesenom programu privatizacije i početnom bilansu stanja preduzeća za privatizaciju u roku od 3 mjeseca po isteku roka za podnošenje programa privatizacije i početnog bilansa.

Članom 5. Zakona o početnom bilansu stanja propisano je da početni bilans stanja preduzeća predstavlja osnov za utvrđivanje vrijednosti preduzeća za privatizaciju i isti se priprema u roku koji je utvrđen u članu 7. Zakona o privatizaciji. Na osnovu člana 19. Uredbe o metodologiji za priremu programa i izradu početnog bilansa preduzeća za privatizaciju nadležna agencija, ukoliko je program pripremljen u skladu sa Zakonom i uredbom, donosi rješenje o odobravanju programa i dostavlja ga preduzeću. Rješenjem se naročito utvrđuje: iznos državnog kapitala koji se privatizira, način prodaje i način plaćanja.

II Kupac nije izvršio obaveze novih finansijskih ulaganja na način predviđen Ugovorom o kupoprodaji državnog kapitala preduzeća „Goraždeputevi“ d.d. broj: Ugovora broj: 26-19-187-8/00 od 12.05.2000. godine između Kantonalne agencije za privatizaciju BPK-a kao Prodavca, i Munevere Ušanović, kao ovlaštenika u ime 74 radnika d.d. „Goraždeputevi“ Goražde, kao Kupca.

Članom 3. tačkom 3. Ugovora, Kupac se obavezao da će izvršiti nova finansijska ulaganja u nabavku drobilnog postrojenja za drobljenje i separaciju kamena od 1.300.000,00 KM, u periodu od 1 godine nakon uvođenja u posjed.

Revizijom postupka privatizacije konstatovano je da kupac nije izvršio obavezu iz vlastitih sredstava, nego iz tekućih sredstava predmeta kupovine.

Izvršenom kontrolom od strane Agencije za privatizaciju u BPK Goražde dana 30.11.2005. godine, u aktu - Pregled izvršenja ugovornih obaveza od 09.12.2005. godine, konstatovano je takođe da su sva ulaganja vršena iz tekućeg poslovanja „Goraždeputevi“ d.d. Goražde, a što je suprotno tački 5.4.1. Uputstva o obavljanju kontrole izvršenja obaveza iz kupoprodajnih ugovora u postupku privatizacije u Federaciji BiH (“Sl. novine F BiH”, br. 14/03), a kasnije i članom 11. Pravilnika o

---

obavljanju kontrole izvršenja obaveza iz kupoprodajnih ugovora u postupku privatizacije u F BiH ("Sl. novine F BiH", br. 12/05), kojim je propisano da se pod investicijama podrazumijevaju sredstva koja potiču direktno od kupca, odnosno čiji izvor finansiranja nije na teret društva koje je predmet kupoprodaje.

III Aneksi Ugovora o kupoprodaji zaključeni su poslije isteka rokova za izvršenje ugovornih obaveza iz Ugovora o kupoprodaji. Aneksima nije izvršena promjena strukture ulaganja. Revizijom postupka privatizacije konstatovano je da kupac nije izvršio obavezu iz Člana 3. tačka 3. Ugovora. Rok za izvršenje obaveze bio je 12.05.2001. godine.

Na zahtjev Ortačke grupe Agencija i Kupci su zaključili Aneks 1 Ugovora o kupoprodaji 19.11.2003. godine, broj: 13-19-315/03, kojim se u članu 3. za tačku 2. i 3. Ugovora produžava rok izvršenja obaveza (prijem novih radnika i finansijska ulaganja) do 30.10.2004. godine.

Aneks 2. Ugovora o kupoprodaji, zaključen je 17.03.2005. godine broj: 13-19-98/05 kojim se u članu 3. za tačku 2. i 3. Ugovora produžava rok za finansijska ulaganja i prijem novih radnika do 31.12.2005. godine.

Kupac nije potpisao anex ugovora o kupovini sa Agencijom za privatizaciju Bosansko – podrinjskog kantona vezano za promjenu investicionog ulaganja odnosno da se ne investira u kupovinu drobilačkog postrojenja kako je to decidno navedeno u članu 3. stav 4. Ugovora o kupoprodaji.

#### **4. „KIMO“ D.O.O. ZENICA**

Na osnovu člana 14. stav 1. Zakona o reviziji privatizacije državnog kapitala u privrednim društvima i bankama („Službene novine Federacije BiH“, broj 55/12), od 27.06.2012. godine i Rješenja o pokretanju postupka revizije privatizacije „Kimo“ d.o.o. Zenica br. 01-02-1-126/24 od 30.01.2024. godin pokrenut je postupak revizije pretvorbe i privatizacije privrednog društva „Kimo“ d.o.o. Zenica. Postupak revizije privatizacije izvršili su ovlašteni revizori Agencije za reviziju privatizacije u Federaciji Bosne i Hercegovine u skladu sa Zakonom o reviziji privatizacije u Federaciji BiH, Zakonom o reviziji institucija u FBiH, INTOSAI standardima, te usvojenim Planom rada za 2024. godinu.

U preduzeću „Kimo“ d.o.o. Zenica nije bilo prethodno izvršene vlasničke transformacije, shodno Zakonu o prometu i raspolaganju društvenim kapitalom ("Službeni list SFRJ", br. 84/89 i 46/90), samim tim nije ni vršena Revizija prethodno izvršene vlasničke transformacije.

---

Utvrđuje se da je u toku postupka privatizacije preduzeća „Kimo“ d.o.o. Zenica došlo do povrede propisa. Sastavni dio Rješenja čini Izvještaj o izvršenoj reviziji pretvorbe i privatizacije „Kimo“ d.o.o. Zenica br. 02-15-1-130-31/24 od 16.05.2024. godine.

Postupak revizije proveden je u periodu od 30.01.2024 godine do 16.05.2024 godine. Revizija je obuhvatila period počev od 1991. godine, i ustanovljeno je da u Društvu nije vršena prethodna vlasnička transformacija, period privatizacije „Kimo“ d.o.o. Zenica, te period nakon privatizacije do dana završetka revizije.

Revizijom su obuhvaćeni dokumenti, odluke, poslovne knjige, ugovori i akti na temelju kojih je obavljena privatizacija, radi provjere da li je privatizacija provedena u skladu s odredbama Zakona o privatizaciji i drugim posebnim propisima.

Nakon provedenog postupka revizije pretvorbe i privatizacije „Kimo“ d.o.o. Zenica, sačinjen je Nacrt izvještaja o izvršenoj reviziji pretvorbe i privatizacije br. 02-15-1-130-26/24 od 25.04.2024. godine. Postupajući u skladu sa odredbama člana 16. Zakona o reviziji privatizacije u FBiH, Agencija za reviziju privatizacije u FBiH je dana 25.04.2024. godine Upravi društva „Kimo“ d.o.o. Zenica dostavila Nacrt izvještaja o izvršenoj reviziji pretvorbe i privatizacije, na komentar/očitovanje koje je navedeno pravno lice bilo dužno dostaviti u roku od 15 dana od dana prijema Nacrta izvještaja. Dostavljeni Nacrt je zaprimljen u Društvu. Uprava društva je u zakonom ostavljenom periodu dostavila komentar na Nacrt izvještaja.

Navodi iz dispozitiva ovog Rješenja zasnivaju se na činjeničnom stanju utvrđenom u postupku revizije i konstatovanog Izvještajem o izvršenoj reviziji pretvorbe i privatizacije državnog kapitala preduzeća „Kimo“ d.o.o. Zenica br. 02-15-1-130-31/24 od 16.05.2024. godine, i to:

1. U postupku revizije je utvrđeno da u preduzeću „Kimo“ d.o.o. Zenica nije vršena prethodna vlasnička transformacije, shodno Zakonu o prometu i raspolaganju društvenim kapitalom ("Službeni list SFRJ", br. 84/89 i 46/90).

Samim tim nije ni vršena Revizija prethodno izvršene vlasničke transformacije, te nije bilo učešća privatnog kapitala –interne dionice na dan 31.12.1997. godine u ukupnom kapitalu društva „Kimo „ d.o.o. Zenica.

2. Revizijom postupka privatizacije državnog kapitala preduzeća „Kimo“ d.o.o. Zenica, utvrđene su određene nepravilnosti i povrede propisa:

1. Početni bilans stanja sačinjen na dan 30.06.2000. godine ne prikazuje objektivno i istinito stanje imovine, kapitala i obaveza društva.

Društvo je sačinilo Program privatizacije u junu 1999. godine i početni bilans stanja na dan 30.06.2000. godine. U početnom bilansu stanja (aktivni podbilans) iskazan je ukupni kapital od 53.736,00 KM, po strukturi 100% državni. U programu privatizacije je navedeno da nisu u poslovnim knjigama Društva knjižene dodatno utvrđene obaveze po osnovu zapisnika Finansijske policije i Porezne Uprave FBiH, te samim tim nisu ni iskazane u početnom

---

bilansu stanja i to u ukupnom iznosu 5.411.248,26 KM (glanica i kamate). Za navedene obaveze koje nisu iskazane u početnom bilansu stanja precijenjena je vrijednost kapitala. U početnom bilansu stanja na dan 30.06.2000. godine podcijenjena je vrijednost građevinskih objekata (bez stambenog fonda). Iskazana je sadašnja vrijednost od 2.888.506,00 KM, umjesto 3.244.681,00 KM, a što je iskazano u Revizorskom izvještaju koji je sačinio Orecons doo Zenica iz oktobra 2001. godine u Napomeni 5. - Stalna sredstva (strana 10 izvještaja Orecons). Za utvrđenu razliku manje iskazane vrijednosti od 356.175,00 KM podcijenjen je državni kapital.

Pod tačkom 12. Programa privatizacije – Način prodaje navedeno je da kapital preduzeća iznosi 2.460.355,16 KM u aktivnom podbilansu.

Iz navedenog proizilazi da su u Programu privatizacije i Početnom bilansu stanja iskazane različite vrijednosti državnog kapitala.

Prema članu 4. Zakona o privatizaciji preduzeća (Sl. novine FBiH, br. 27/97, 8/99, 32/00, 45/00, 54/00), u pripremi za privatizaciju, preduzeća pripremaju program privatizacije i početni bilans koji se podnose na odobrenje nadležnoj Agenciji za privatizaciju. Stav 2. navedenog člana predviđa pod tačkom 5. da je početna vrijednost preduzeća obavezni sadržaj programa privatizacije. U programu koji je sačinilo društvo Kimo d.o.o. stoji da je nominalna vrijednost kapitala 2.460.355,16 KM, a u početnom bilansu 53.736,00 KM.

Upravni odbor Agencije za privatizaciju Zeničko – dobojskog kantona je Rješenjem br. 20-01-248/00 od 31.08.2000. godine usvojilo takav program privatizacije i početni bilans stanja, i ako su u ta dva dokumenta iskazane različite vrijednosti kapitala.

U članu 8. Rješenja UO Agencije br. 20-01-248/00 od 31.08.2000. godine navedeno je da nakon 6 mjeseci po stupanju na snagu Rjesenja, a prije objavljivanja javnih poziva za tender i za javnu ponudu dionica, Direktor Agencije za privatizaciju Zeničko – dobojskog kantona obavezan je da dopunskim rješenjem izvrši korekciju visine kapitala, koja je nastala kao rezultat redovnog poslovanja i nastalih promjena u tom periodu, te da će se, dopunsko rješenje smatrati sastavnim dijelom Rješenja br. 20-01-248/00.

Prema članu 6. Zakona o početnom bilansu stanja preduzeća i banaka (Sl. novine FBiH, 12/98, 40/99) Početni bilans stanja iskazan u KM, poslije prihvatanja od nadležnog organa postaje bilans stanja subjekta iz člana 2. Zakona u kome se iskazuju promjene u poslovanju.

Ukoliko od datuma pripreme početnog bilansa stanja protekne više od šest mjeseci subjekti privatizacije su obavezni da dostave korigovane početne bilanse stanja sa vrijednostima iskazanim u KM.

Početni bilans stanja predstavlja pregled stvari, prava, obaveza i kapitala preduzeća sa kojim ulazi u proces privatizacije. Aktivni podbilans stanja se sačinjava na osnovu ukupnog bilansa korigovanog za stavke iskazane u pasivnom i neutralnom podbilansu.

UO Agencije za privatizaciju gore navedenim Rješenjem usvojio je program privatizacije i početni bilans na dan 30.06.2000. godine sa različito iskazanim kapitalom u navedena dva dokumenta (program privatizacije i početni bilans), a netačnim u oba navedena

---

dokumenta, te netačno prikazanom vrijednosti imovine (građavine), kapitala i obaveza. Odluke Vlade i Skupštine Zeničko – dobojskog kantona o preuzimanju dijela duga društva uslijedile su nakon usvajanja programa privatizacije i početnog bilansa stanja i to 19.08.2002. godine, 02.10.2002. g. i 25.02.2003. godine, te UO Agencije nije mogao usvojiti početni bilans na dan 30.06.2000. godine bez iskazanih dodatnih obaveza po zapisnicima Finansijske policije i Porezne uprave, jer do tada niko nije preuzeo te obaveze, samim tim je precijenjena vrijednost državnog kapitala.

Agencija za privatizaciju nakon isteka od 6 mjeseci od usvajanja početnog bilansa stanja i programa privatizacije, tj. Rješenja br. 20-01-248/00 od 31.08.2000. godine, a prije raspisivanja Javnog poziva za prodaju državnog kapitala (javni poziv objavljen 12.04.2001.g.) nije od preduzeća zatražila korigovani početni bilans niti je isti odobraval, dakle nije izvršila dopunu gore navedenog Rješenja, čime nisu ispunjeni uslovi iz člana 8. Rješenja br. 20-01-248/00, člana 6. Zakona o početnom bilansu stanja preduzeća i banaka (Sl. novine FBiH, 12/98, 40/99) i člana 4. stav 2. tačka 5. Zakona o privatizaciji preduzeća (Sl. novine FBiH, br. 27/97, 8/99, 32/00, 45/00, 54/00).

UO Agencije je odobrio program privatizacije sa netačno iskazanim iznosom državnog/društvenog kapitala koji se privatizira što nije u skladu sa članom 19. stavom 2. tačka 1. Uredbe o metodologiji za priremu programa i izradu početnog bilansa preduzeća za privatizaciju (Sl. novine FBiH, br. 10/98), a koji glasi: Ukoliko je program pripremljen u skladu sa Zakonom i ovom Uredbom, nadležna agencija donosi rješenje o odobravanju programa i dostavlja ga preduzeću. Rješenje iz stava 1. ovog člana nadležna agencija naročito utvrđuje: 1. Iznos državnog/društvenog kapitala koji se privatizira.

Obzirom da je bilo jasno iz Programa privatizacije da obaveze nastale po Zapisnicima Finansijske policije i Porezne uprave FBiH nisu iskazane u početnom bilansu stanja u ukupnom iznosu 5.411.248,26 KM, te da samim tim nije ispravno prikazana vrijednost kapitala Društva nije ispunjen uslov iz člana 11. stav 1. tačka 1. Uredbe, a u kojoj se navodi da informacije o strukturi kapitala uključuju ukupan iznos kapitala, odnosno osnovne glavnice preduzeća, pa je u navedenom slučaju Agencija trebala postupiti u skladu sa članom 20. Uredbe, tj. Rješenjem naložiti preduzeću ispravku ili dopunu Programa, a ne isti odobriti.

Da su prikazane obaveze društva u početnom bilansu od 5.411.248,26 KM (što je društvo bilo obavezno), jasno je da je kapital na dan 30.06.2000. godine 0,00 KM, te da društvo ima akumulirani gubitak iznad visine kapitala, a član 6. Uredbe o metodologiji za priremu programa i izradu početnog bilansa preduzeća za privatizaciju (Sl. novine FBiH, br. 10/98), propisuje da ukoliko je u aktivnom podbilansu stanja preduzeća vrijednost imovine jednaka vrijednosti obaveza, tako da preduzeće nema kapitala, preduzeće priprema program privatizacije putem prodaje imovine i/ili emisije novih dionica. Emisija novih dionica može se vršiti po osnovu pribavljanja dodatnog kapitala (dokapitalizacije), ili konverzije obaveza u dionički kapital.

---

Imajući u vidu navedeno nejasno je zbog čega UO Agencije nije postupio u skladu sa članom 20. Uredbe tj. naložio preduzeću ispravku programa i početnog bilansa, te nakon toga primijenio član 6. Uredbe u smislu dokapitalizacije i konverzije obaveza u dionički kapital, već odabrao Rješenjem metod prodaje putem tendera, pogotovo imajući u vidu da je na dan 30.6.2000. godine obaveza po osnovu neto plaća prema radnicima iznosila cca 1.000.100,00 KM, obaveze prema dobavljačima 1.455.983,00 KM i obaveze prema kreditorima 1.953.202,00 KM, imajući u vidu da se emisija dionica ne može vršiti po osnovu konverzije u dionički kapital prema članu 6. Uredbe samo prema preduzećima i bankama koje su predmet privatizacije.

2. Javni poziv za prodaju državnog kapitala Kimo d.o.o. je objavljen 12.04.2001. godine.

Isti je sadržavao netačan podatak o nominalnoj vrijednosti kapitala, jer se prethodno nije sačinio korigovani početni bilans stanja, a kako smo to već u ovom dijelu Izvještaja objasnili (tačka 1.).

Na javni poziv pristigla je jedna ponuda u propisanom roku, ponuđača Prevent Sarajevo d.o.o. Visoko. Tenderska komisija je pristiglu ponudu proglasila formalno ispravnom, ali nismo našli da je ponuda vrednovana u skladu sa kriterijima u Javnom pozivu i u skladu sa članom 16. Pravilnika o postupku prodaje javnim prikupljanjem ponuda (tender) u velikoj privatizaciji (Sl. novine F BiH, br.21/00), ali su opočeli pregovori sa ponuđačem što omogućava član 17. Pravilnika. Međutim nismo našli da je tenderska komisija nakon pregovora koji su trajali duže od 12 mjeseci donijela Odluku o proglašenju pobjednika, a kako je to propisano članom 18. Pravilnika, nakon čega se potpisuje Ugovor o kupoprodaji.

3. U postupak pregovaranja uključila se pored Agencije i Vlada Zeničko – dobojskog kantona. Nismo našli ni da je Vlada ili nadležno ministarstvo privrede imenovalo određenu osobu koja će učestvovati u pregovorima, odnosno svog predstavnika.

Na zahtjev Agencije za privatizaciju ZD kantona i Vlade ZD kantona, a dok su tekli pregovori sa ponuđačem, izvršena je revizija finansijskih izvještaja društva Kimo doo na dan 30.06.2001. godine. Reviziju je obavilo Društvo za računovodstvo reviziju i konsalting Orecons doo. Prema revidiranom izvještaju na dan 30.06.2001. Pasiva iznosi 14.386.058,28 KM i sastoji se od kapitala 0,00 KM i ukupnih obaveza 14.386.058,28. Aktiva društva iznosi 14.386.058,28 i u istoj je uključen gubitak iznad visine kapitala 8.072.400,96 KM . Napominjemo da su u poslovnim knjigama društva nakon 30.6.2000. godine (datum početnog bilansa stanja), a prije ove revizije proknjižene obaveze po osnovu zapisnika Finansijske policije i porezne uprave FBiH. Ovaj revizorski izvještaj dostavljen je društvu 01.11.2001.g.(detaljan pregled bilansa dat u dijelu Izvještaj 4.1. str.24-27).

Vlada Zeničko-dobojskog kantona je na osnovu člana 16. stav 2. Zakona o Vladi Zeničko-dobojskog kantona (Sl. novine ZD kantona, br. 16/00) donijela dana 19.08.2002 godine Odluku br. 02-14-17602/02 o preuzimanju obaveza preduzeća „KIMO“ doo Zenica.

---

Navedenom Odlukom Vlada ZE-DO kantona je preuzela obaveze preduzeća Kimo d.o.o. Zenica iskazane u njegovom revidiranom bilansu stanja na dan 30.06.2001. godine, u ukupnom iznosu od 3.466.139,00 KM, kao i obaveze nastale do dana zaključenja ugovora o kupoprodaji predmeta tendera sa Prevent Sarajevo doo Visoko i to po osnovama poreza, doprinosa, carina, te zateznih kamata po javnim prihodima (detaljno opisano u dijelu izvještaja 4.1.3. Odluke Vlade i Skupštine ZD kantona).

U Odluci je navedeno i da će 110.000 navedenog preuzetog duga biti uplaćeno u 2002. godini, a ostatak će biti planiran u budžetu Zeničko – dobojskog kantona za 2003. godinu.

Istog dana kada je donesena gore navedena Odluka Vlade ZD kantona, dakle 19.08.2002. godine potpisan je Ugovor o kupoprodaji predmeta tendera br. T-21-01, između Agencije za privatizaciju ZD kantona kao prodavca, Prevent Sarajevo doo Visoko kao kupca i Vlade Zeničkodobojskog kantona predstavljane po predsjedniku koja je učestvovala u pregovorima o kupoprodaji i preuzela određeni dug preduzeća Kimo gore navedenom Odlukom (tekst Ugovora prezentovan u dijelu 5. Izvještaja – Promjena vlasničke strukture).

U postupku revizije je utvrđeno da Ugovor o kupoprodaji predmeta tendera broj: T-21-01 nije sačinjen u skladu sa Pravilnikom o postupku prodaje javnim prikupljanjem ponuda (tender) u velikoj privatizaciji (Sl. novine F BiH, br.21/00), jer tenderska komisija nije donijela Odluku o proglašenju pobjednika kako je to predviđeno članom 18. Pravilnika. Prema članu 18. Pravilnika nakon što tenderska komisija donese Odluku o proglašenju pobjednika potpisuje se kupoprodajni ugovor. U ovom slučaju to se nije desilo, te je nejasno kako je Agencija za privatizaciju, pristupila potpisu ugovora, bez odluke o proglašenju pobjednika. Pogotovo ističemo da pored što ne postoji Odluka o proglašenju pobjednika tendera, takođe ne postoji ni vrednovanje ponude ponuđača Prevent Sarajevo doo Visoko, a prema kriterijima koji su navedeni u Javnom pozivu.

U vezi sa gore navedenim Ugovor o kupoprodaji predmeta tendera broj: T-21-01 nije uopšte ni mogao biti zaključen.

Prema članu 6. navedenog Ugovora o kupoprodaji (dio III Ugovora Prava i obaveze tačka c), Prevent Sarajevo doo Visoko, kao kupac se obavezao da će izmiriti obaveze društva Kimo d.o.o. u iznosu od 1.300.000,00 KM i to prema bankama i ostali dio prema prioritetima, a isključivo do navedenog iznosa.

Samatramo da su prioriteti trebali biti navedeni u ovom članu Ugovora.

Ova revizija potvrđuje da je kupac ispunio obaveze iz navedenog člana i to na način kako je to navedeno u dijelu 5.2. Izvještaja (strana 65-66).

Međutim u članu 7. stav 4. Ugovora o kupoprodaji navodi se „Vlada ZE-DO kantona dat će saglasnost, da se nakon zaključivanja ovog Ugovora

- Prevent Sarajevo doo Visoko oslobodi plaćanja obaveza prema prihodima ZE-DO kantona, za iznos izmirenih obaveza preduzeća Kimo iznad iznosa od 1.300.000,00 KM,

---

- Povjerioci preduzeća Kimo d.o.o. Zenica mogu osloboditi plaćanja obaveza prema prihodima ZE-DO kantona do iznosa potraživanja prema preduzeću Kimo doo Zenica“.

Navedena odredba Ugovora u članu 7. stav 4. je nezakonita. Vlada ZE-DO kantona ne može dati saglasnost za oslobađanje kupca Prevent Sarajevo d.o.o. Visoko, niti povjerilaca društva Kimo kao i bilo kog drugog pravnog ili fizičkog lica za oslobađanje od plaćanja javnih prihoda, pa i onih koja se uplaćuju u budžet kantona. Ističemo da po navedenoj odredbi Ugovora nije došlo do oslobađanja bilo kog povjerioca plaćanja obaveza po osnovu javnih prihoda, a koji se uplaćuju u budžet kantona.

Član 7. stav 4 Ugovora nije zakonit niti je bio provodiv.

Stavom 2. člana 7. Ugovora o kupoprodaji navedeno je da Vlada ZE-DO kantona preuzima obaveze preduzeća Kimo d.o.o. iskazane u njegovom revidiranom bilansu stanja na dan 30.06.2001. godine, kao i do dana zaključivanja Ugovora, a po osnovu poreza, doprinosa, carina i zateznih kamata po zapisnicima Finansijske policije i Porezne uprave F BiH.

U navedenom članu nije preciziran iznos tih obaveza koje vlada preuzima. Imajući u vidu da je Vlada ZE-DO kantona na dan potpisa Ugovora usvojila i Odluku br. 02-14-17602/02 o preuzimanju obaveza preduzeća „KIMO“ doo Zenica.

Navedenom Odlukom Vlada ZD kantona je preuzela obaveze preduzeća Kimo d.o.o. Zenica iskazane u njegovom revidiranom bilansu stanja na dan 30.06.2001. godine, u ukupnom iznosu od 3.466.139,00 KM, kao i obaveze nastale do dana zaključenja ugovora o kupoprodaji predmeta tendera sa Prevent Sarajevo doo Visoko i to po osnovama poreza, doprinosa, carina, te zateznih kamata po javnim prihodima (detaljno opisanu u dijelu izvještaja 4.1.3. Odluke Vlade i Skupštine ZD kantona, te u tački 3. ovog dijela Izvještaja - Ocjena postupka privatizacije).

U Odluci je navedeno i da će 110.000 navedenog preuzetog duga biti uplaćeno u 2002. godini, a ostatak će biti planiran u budžetu Zeničko – dobojskog kantona za 2003. godinu.

Vlada ZD kantona je Odluku br. 02-14-17602/02 o preuzimanju obaveza preduzeća „KIMO“ d.o.o. Zenica, trebala poslati Skupštini ZE-DO kantona na usvajanje i tek nakon usvajanja od strane Skupštine, odredbe takve odluke o preuzimanju duga bi mogla biti sastavni dio Ugovora o kupoprodaji. Vlada kantona je samo predlagač budžeta, a Skupština kantona usvaja budžet. Dakle Vlada je Ugovorom prihvatila obavezu za koju nije znala da li će moći biti izvršena i da li će Skupština uopće usvojiti prijedlog budžeta sa navedenim obavezama.

Naknadno, a nakon potpisa Ugovora o kupoprodaji predmeta tendera, Skupština Zeničko – dobojskog kantona je na III sjednici, održanoj 25.02.2003. godine donijela Odluku br. 03-14-3712/03 o preuzimanju obaveza „Kimo“ d.o.o. Zenica. Odluka je objavljena u Sl. novinama Zeničko-dobojskog kantona br. 5 od 14.04.2003. godine (strana 212) i to u iznosu 5.120.426,00 KM (detaljno opisano u dijelu Izvještaja 4. tačka 4.1.3.). Donošenjem

---

navedene Odluke od strane Skupštine Zeničko-dobojskog kantona, Vlada kantona jeste postala obveznik za preuzete obaveze po Ugovoru o kupoprodaji.

Gore opisanoj Odluci Skupštine prethodila je i Izmjena Odluke vlade br. 02-14-17602/02 od 19.08.2002.g. koja je donesena dana 02.10.2002 godine Odluku br. 02-14-21569/02 o preuzimanju obaveza preduzeća „KIMO“ d.o.o. Zenica u iznosu od 5.120.426,00 KM (detaljno opisano u dijelu Izvještaja 4. tačka 4.1.3.).

Navedenom Odlukom Vlada ZE-DO kantona je preuzela obaveze preduzeća Kimo d.o.o. Zenica iskazane u njegovom revidiranom bilansu stanja na dan 30.06.2001. godine, kao i obaveze nastale do dana zaključenja ugovora o kupoprodaji predmeta tendera sa Prevent Sarajevo doo Visoko.

U Odluci je navedeno da će Vlada ZD kantona preuzeti ispunjenje obaveza prema povjeriocima Kimo d.o.o. iznad iznosa od 1.300.000 KM, a u iznosu od 2.092.574 KM.

U ovoj Odluci je bilo potrebno specificirati prema kojim povjeriocima i koji pojedinačni iznos obaveza se preuzima.

Prema Zakonu o Vladi Zeničko – dobojskog kantona članom 15. je propisano:

Vlada u ostvarivanju svojih ovlašćenja utvrđenih ustavom i zakonom donosi: uredbе, odluke, rješenja i zaključke. Članom 16. je propisano:

Uredbom se uređuju najvažnija pitanja iz nadležnosti Vlade, bliže uređuju odnosi za sprovođenje zakona, osnivaju stručne i druge službe i utvrđuju načela za unutrašnje ustrojstvo kantonalnih organa uprave.

Odlukom se uređuju pojedina pitanja ili propisuju mjere Vlade i odlučuje o drugim pitanjima o kojima se ne odlučuje uredbom. Iz navedenog jasno proizilazi da u nadležnosti Vlade kantona nije donošenje budžeta, već samo predlaganje, te Vlada nije mogla na osnovu donesenih Odluka, a tiču se preuzimanja obaveza koje će biti plaćene iz budžetskih sredstava, ugovoriti sa kupcem u Ugovoru o kupoprodaji predmeta tendera.

Odluka Skupštine kako smo već naveli je trebala prethoditi potpisu Ugovora o kupoprodaji predmeta tendera.

Obzirom da su Agencija za privatizaciju i Vlada ZE-DO kantona potpisali Ugovor o kupoprodaji predmeta tendera sa kupcem, te da je kupac prema članu 6. Ugovora obavezan za izmirenje iznosa obaveza društva Kimo d.o.o. do iznosa od 1.300.000,00 KM, a da Vlada ZE-DO kantona prema članu 7. istog Ugovora preuzima obaveze po osnovu poreza, doprinosa, carina i zateznih kamata, bez da je u navedenom članu naveden nominalni ukupni iznos tih obaveza i pojedinačni, te da je Vlada donijela Odluku br. 02-14-17602/02 o preuzimanju obaveza preduzeća „KIMO“ d.o.o. Zenica, u ukupnom iznosu od 3.466.139,00 KM, a kasnije Odluku br. 02-14-21569/02 o preuzimanju obaveza preduzeća „KIMO“ d.o.o. Zenica u iznosu od 5.120.426,00 KM, a pozivajući se na stanje obaveza po revidiranom finansijskom izvještaju (bilans stanja) na dan 30.06.2001. godine,

---

postavlja se pitanje ko je bio obavezan platiti ostale obaveze društva Kimo d.o.o., a koje premašuju navedene iznose.

Prema revidiranom izvještaju na dan 30.06.2001. Pasiva iznosi 14.386.058,28 KM i sastoji se od kapitala 0,00 KM i ukupnih obaveza 14.386.058,28. Aktiva društva iznosi 14.386.058,28 i u istoj je uključen gubitak iznad visine kapitala 8.072.400,96 KM. Obavezivanjem kupca da izmiri obaveze do iznosa 1.300.000,00 KM i preuzimanjem Odlukom ukupnih obaveza u iznosu od 5.120.426,00 KM od strane Vlade ZE-DO kantona, što ukupno iznosi 6.420.426,00 KM, ostaju ukupne obaveze preduzeća Kimo d.o.o. 7.965.632,28 KM.

Agencija za privatizaciju i Vlada ZE-DO kantona nisu mogli osloboditi kupca izmirenja ovog ostatka obaveza, a da iste ne preuzmu, niti su mogli jednostavno zanemariti te obaveze. U navedenom ostatku obaveza za koje nije ugovoreno ko ih treba izmiriti su i obaveze prema radnicima 2.339.638,94 KM. Akontacije koje su uplaćene radnicima i navedene u aktivi revidiranog bilansa stanja iznose 1.298.824,62 KM.

Kako su potpisnici Ugovora o kupoprodaji i na koji način će riješiti ove obaveze, a imajući u vidu da nije trebalo očekivati da se povjerioci odreknu svojih potraživanja i da ih potpisnici ugovora potpuno zanemare. Ni jedna strana potpisnica Ugovora nije postavljala ovo pitanje, a sve strane su bile upoznate sa revidiranim finansijskim izvještajima na dan 30.06.2001. godine.

Prodavac Agencija za privatizaciju i Vlada ZE-DO kantona su na kupca prenijeli obavezu plaćanja 1.300.000,00 obaveza društva Kimo d.o.o., a društvo je imalo ukupno obaveza 14.386.058,28, ukupnu aktivu 14.386.058,28 od čega imovinu 6.313.657,32 i gubitak iznad visine kapitala 8.072.400,96 KM.

Ukoliko su obaveze za kupca ostale 1.300.000,00 KM od ukupnih obaveza, a aktiva 14.386.058,28 KM proizilazi da je prodat kapital od 5.013.657,32 KM za 1 KM (za jednu konvertibilnu marku)  $(14.386.058,28 - 1.300.000,00 = 13.086.058,28$  obaveza kojih se kupac oslobađa) (A - gubitak iznad visine kapitala  $14.386.058,28 - 8.072.400,96 = 6.313.657,32$  KM) (A - gubitak iznad visine kapitala  $-1.300.000,00 = 5.013.657,32$ ).

Nesporno je da je Kupac uplatio iznos na ime obaveza iz člana 6. Ugovora o kupoprodaji predmeta tendera, a od toga Obaveze prema radnicima 53.664,40 KM, a ostatak do 1.300.000,00 KM prema bankama i dobavljačima.

Ugovor o kupoprodaji predmeta tendera sadrži priloge 1,2 i 3.

- Prilog 1. je spisak radnika
- Prilog 2.- pregled obaveza koje će kupac izmiriti do 1.380.000,00 KM (u Ugovoru o kupoprodaji član 6. navodi se 1.300.000,00)
- Prilog 3. – pregled obaveza na dan 31.12.2001. g. koje preuzima Vlada ZE-DO kantona (U gore navedenim Odlukama Vlade ZE-DO kantona navedeno preuzimanje obaveza po revidiranom bilansu stanja na dan 30.06.2001.godine)

---

U prilogu 3. Ugovora navedeno je da su se radnici osim njih 22 izjasnili da se odriču svojih potraživanja.

U dokumentaciji koju su revizori pregledali nisu pronašli takve izjave, te se ne izjašnjavaju o eventualnom postojanju istih. Obzirom da nije poznato kada su date navedene Izjave, zaključeno je da nisu date prije 30.06.2001. godine, jer prema revidiranom bilansu stanja u pasivi preduzeća su iskazane obaveze prema radnicima.

Odricanje od potraživanja od strane radnika, odnosno otpis obaveza koje su u prethodnim periodima knjižene kao trošak preduzeća knjiži se u korist prihoda, što mora imati uticaj na povećanje dobiti ili smanjenje gubitka, a time i na povećanje kapitala ili smanjenje akumuliranog gubitka.

Pored svih drugih istaknutih nepravilnosti privatizacija društva Kimo d.o.o. i potpisivanje ugovora o kupoprodaji nije izvršena na zakonit način. Prije objave Javnog poziva potrebno je bilo sačiniti korigovani početni bilans stanja, isti razmotriti UO agencije i donijeti novo Rješenje, zatim u toku pregovora, a obzirom da se prodaja vršila pod povoljnijim uvjetima po Zaključku Vlade ZE-DO kantona (član 17. Zakona o privatizaciji preduzeća) za tačno definisane obaveze po revidiranom izvještaju sačiniti prijedlog koje od tih obaveza preuzima Vlada (navesti ih pojedinačno), za Odluku o preuzimanju obaveza dobiti saglasnost Skupštine kantona i nakon toga pristupiti potpisu ugovora.

4. Shodno odredbama Uputstva o obavljanju kontrole izvršenja obaveza iz kupoprodajnih ugovora u postupku privatizacije u F BiH ("Sl. Novine F BiH", br. 14/03), Pravilnika o obavljanju kontrole izvršenja obaveza iz kupoprodajnih ugovora u postupku privatizaciju u Federaciji BiH (Sl. Novine FBiH, br. 12/05, 17/06, 9/09, 13/09, 52/09), Kantonalna agencije za privatizaciju Zenica, je bila dužna vršiti (ne)posrednu kontrolu izvršavanja ugovornih obaveza po Ugovoru o kupoprodaji predmeta tendera broj: T-21-01 od 19.08.2002. godine i to svako 6 (šest) mjeseci neposrednu kontrolu od 19.8.2002.g. u roku od tri godine, dakle u roku u kome je kupac bio obavezan izmiriti svoje obaveze iz kupoprodajnog ugovora tj. zadržavanje postojećih radnika i novo upošljavanje, te investiranje u roku 3 godine od donošenja Rješenja o izvršenoj privatizaciji, što znači do 2007.g. jer je Rješenje doneseno 2004. godine. Od 2006. godine prema gore navedenom Pravilniku neposredne kontrole su bile obavezne jednom godišnje.

Agencija je izvršila ukupno 4 (četiri) neposredne kontrole i o istim sačinila Zapisnike. Kontrole su vršene 06.07.2004. godine, 15.03.2005.g., 25.10.2006.g. i 17.12.2009. godine. Dakle u periodu od tri godine od dana kupoprodaje Agencija je izvršila samo dvije neposredne kontrole, trebala je izvršiti ukupno 6 (šest) kontrola. Neposredne kontrole nakon isteka od 3 (tri) godine vršene su jer nisu bile ispunjene obaveze iz kupoprodajnog ugovora, kako obaveze kupca tako i Vlade ZD Kantona koja je preuzela određene obaveze po Ugovoru o kupoprodaji, ali samo 2006. i 2009. godine, dakle ne jednom godišnje. Od 2009.g. do 2014. kada je izdato Uvjerenje da su izvršene obaveze iz kupoprodajnog ugovora nije vršena uopšte neposredna kontrola.

---

Dakle Agencija za privatizaciju Zeničko-dobojskog kantona nije vršila neposredne kontrole u skladu sa Uputstvom o obavljanju kontrole izvršenja obaveza iz kupoprodajnih ugovora u postupku privatizacije u F BiH ("Sl. Novine F BiH", br. 14/03) i Pravilnikom o obavljanju kontrole izvršenja obaveza iz kupoprodajnih ugovora u postupku privatizaciju u Federaciji BiH (Sl. Novine FBiH, br. 12/05, 17/06, 9/09, 13/09, 52/09).

U svojim zapisnicima o kontroli izvršenja ugovorenih obaveza po pitanju zadržavanja postojećih radnika i upošljavanja novih radnika Agencija konstatuje da je do 2004. godine (Zapisnik I) kupac zadržao u radnom odnosu 291 radnika odmah, da je u 2003. godini uposleno 20 ranika i u 2004. godini 40 radnika, a u tabeli pod rednim brojem 2. konstatuje da je ukupno primljeno 168 radnika. (Zapisnik od 06.07.2004. dio Izvještaja 5.4. Kontrola ugovorenih obaveza). U Zapisniku stoji napomena da su radnici zadržani u preduzeću Prevent Sarajevo doo Visoko, te da je novo upošljavanje izvršeno takođe u Prevent Sarajevo doo Visoko, a ne u preduzeće Kimo doo Zenica. Obrazloženje kupca je da Vlada ZD Kantona nije izvršila svoje Ugovorom o kupoprodaji preuzete obaveze, te da zbog blokade računa društva Kimo d.o.o. nije bilo moguće u isto uposliti nove radnike i iz istog razloga i postojeći radnici su odjavljeni iz društva Kimo d.o.o. i prijavljeni u radni odnos u Prevent Sarajevo d.o.o. Visoko.

I u Zapisniku o izvršenoj neposrednoj kontroli od strane Agencije od 17.12.2009. godine, navodi se da je zadržano od 291 radnika njih 268 jer je 17 radnika sporazumno raskinulo radni odnos, a ostali su penzionisani, da je uposleno novih 60 radnika, te da je dodatno uposleno 406 radnika i da je ukupni broj radnika 674.

Zapisnicima Agencije za privatizaciju o kontroli izvršenja ugovorenih obaveza od strane Kupca konstatovano je da su radnici zaposleni u Prevent Sarajevo d.o.o., a ne Kimo d.o.o., kao i da su radnici preduzeća Kimo koje je kupac bio obavezan po Ugovoru o kupoprodaji predmeta tendera zadržati u društvu Kimo d.o.o. odjavljeni iz radnog odnosa u istom i prijavljeni u Prevent Sarajevo d.o.o. Visoko, te proizilazi da je Agencija vršila kontrolu u društvu Prevent Sarajevo koje je kupac, a ne u društvu Kimo d.o.o. u kome je trebalo zadržati postojeće i uposliti nove radnike.

U Zapisnicima je trebalo konstatovati da nisu izvršene obaveze iz člana 3. – zapošljavanje, Ugovora o kupoprodaji predmeta tendera broj: T-21-01 od 19.08.2002 u pogledu zapošljavanja. Obrazloženje Kupca za upošljavanje radnika u društvo Prevent Sarajevo d.o.o. Visoko nema nikakvu osnovu, jer je Kupac potpisao Ugovor o kupoprodaji predmeta tendera broj: T-21-01, i obavezao se prema članu 3. istog zadržati radnike u društvu Kimo d.o.o. i uposliti novih 60 radnika. To što Vlada Zeničko – dobojskog kantona nije izmirila obaveze preuzete gore navedenim Ugovorom nije obrazloženje niti opravdanje za postupanje kupca suprotno članu 3. Ugovora, jer je kupac potpisao Ugovor, a bez da su u istom utvrđeni tačni rokovi u kome će Vlada ZD Kantona izvršiti preuzete obaveze.

Pogotovo činjenica da su postojeći radnici društva Kimo doo odmah po potpisu Ugovora o kupoprodaji predmeta tendera broj: T-21-01 od 19.8.2002. godine odjavljeni iz Kimo d.o.o. i prijavljeni u društvo Prevent Sarajevo d.o.o. Visko, a neki čak i 2001. godine dok su još

---

pregovori o kupoprodaji bili u toku. Tačno 91 radnik je na dan potpisa Ugovora T-21-01 19.08.2002. godine objavljen iz Kimo d.o.o. i prijavljen u Prevent Sarajevo d.o.o. Visoko, iz čega jasno proizilazi da Kupac nije ni čekao da Vlada izmiri svoje preuzete obaveze.

Kupac se nije ponašao u pogledu zadržavanja postojećih i zapošljavanja novih radnika ni u skladu sa svojim ponuđenim biznis planom za preduzeće Kimo d.o.o., koji je bio obavezni sadržaj tenderske dokumentacije, jer je u istom predvidio zadržavanje postojećih i zapošljavanje novih radnika što je vidno i kroz projekciju bilansa uspjeha koji je u okviru tog biznis plana sačinio, jer je u istom predvidio troškove plaća.

Agencija za privatizaciju ZE-DO kantona kao prodavac, Prevent Sarajevo d.o.o. Visoko kao kupac i Vlada ZE-DO kantona su dana 18.09.2014. godine potpisali Anex br. 01/14 Ugovora o kupoprodaji predmeta tendera br. T-21-01. Aneks je potpisan na Zahtjev kupca upućen 01.02.2014. godine i odnosi se na izmjene člana 3. Osnovnog ugovora T-21-01 i u istom se navodi:

„Ugovorne strane su konstatovale da je od strane Vlade Zeničko – dobojskog kantona došlo do kašnjenja izvršenja ugovorenih obaveza iz člana 7. Osnovnog ugovora, a koje se odnose na izmirenje obaveza i deblokadu računa preduzeća Kimo d.o.o. Zenica.

Na osnovu naprijed navedenog ugovorne strane su saglasne da kupac obaveze zapošljavanja iz prethodnog stava, uz obezbjeđenje ostvarivanja prava i obaveza utvrđenih radnim zakonodavstvom i kolektivnim ugovorom može realizovati kroz društvo kupca Prevent Sarajevo“ doo Visoko“.

Dakle prodavac i Vlada ZE-DO kantona 18.09.2014. godine daju saglasnost da se zadržavanje postojećih radnika društva Kimo d.o.o. i upošljavanje novih realizuje kroz Prevent Sarajevo d.o.o. Visko, a ne kroz Kimo d.o.o. koje preduzeće je predmet prodaje. Međutim, radnici su (većina njih) objavljeni iz društva Kimo d.o.o. na dan potpisa Ugovora o kupoprodaji dakle 19.08.2002, te je zahtjev kupca upućen nakon 12 godina. Neosnovano je potpisivanje navedenog Anexa iz razloga što je kupac obaveze iz člana 3. Osnovnog ugovora trebao realizovati u roku od 3 godine, te je u tom roku moglo doći eventualno do potpisivanja Anexa, a ne 9 godina nakon isteka tog roka.

Iz svega navedenog revizijom je ustanovljeno da Kupac nije izvršio obaveze zadržavanja radnika i upošljavanja novih 60 u skladu sa članom 3. Ugovora T-21-01 19.08.2002.g.

5. Prema članovima 5. i 6. Ugovoru o kupoprodaji predmeta tendera br. T-21-01 od 19.08.2002. godine kupac je trebao izvršiti unos vlastitih sredstava kao obaveze novih investicija i izmirenja zatečenih dugovanja u iznosu od 5.285.000,00 KM, i to:

- Obaveze na ime novih ulaganja u preduzeće 3.985.000,00 KM, a prema sljedećoj dinamici: u prvoj godini 1.815.000,00 KM, u drugoj godini 1.500.000,00 KM, u trećoj godini 670.000,00 KM.

Navedena ulaganja kupac je trebao izvršiti u roku od 3 godine od dana pravosnažnosti

---

Rješenja o odobravanju upisa izvršene privatizacije.

Navedena ulaganja kupac je trebao izvršiti na osnovu Investicijskog programa koji će izraditi u roku od 30 dana od dana pravosnažnosti Rješenja o odobravanju upisa izvršene privatizacije (član 5. Ugovora).

- Obaveze za izmirenje zatečenih dugovanja do iznosa od 1.300.000,00 KM, rok: po potpisu ugovora (član 6. ugovora).

Obaveze na ime zatečenih dugovanja (član 5.) Ugovora **kupac je izmirio** i to u iznosu 1.359.240,00 KM u periodu 2002 - 2006. godina. Obzirom da je račun Kimo d.o.o. bio blokiran kupac je obaveze izmirio iz vlastitih sredstava direktnom uplatom povjeriocima (detaljno opisane uplate prema povjeriocima u dijelu Izvještaja 5.4. – kontrola ugovorenih obaveza str. 67-69).

Agencija za privatizaciju ZE-DO kantona izdala je Rješenje o odobravanju upisa izvršene privatizacije br. 23-03-10/04 06.01.2004. godine.

U skladu sa članom 16. Pravilnika o obavljanju kontrole izvršenja obaveza iz kupoprodajnih ugovora u postupku privatizaciju u Federaciji BiH (Sl. Novine FBiH, br. 12/05, 17/06, 9/09, 13/09, 52/09) Kupac je dostavio Agenciji za privatizaciju Revizorski izvještaj - nalaz i mišljenje ovlaštene revizorske kuće od 18.07.2007. godine. U izvještaju su navedena nova investicijska ulaganja u periodu 2002 - 2004. godina i to:

|   |                      |                 |
|---|----------------------|-----------------|
| - | Ulaganje u građevine | 596.699,00 KM   |
| - | Ulaganje u opremu    | 122.380,00 KM   |
| - | Održavanje           | 517.093,00 KM   |
| - | Sitan inventar       | 6.569,00 KM     |
|   | Ukupno:              | 1.242.741,00 KM |

U izvještaju je navedeno i da je Kupac nabavio novu opremu za Kimo d.o.o., s tim da ista nije prenesena u vlasništvo Društva, obzirom da proces privatizacije nije okončan, odnosno kupac nije registrovan u registru Suda kao 100% vlasnik. Nabavna vrijednost navedene opreme na dan 08.05.2007. godine iznosila je 4.114.698,00 KM.

Takođe je stavljena napomena da Rješenje br. 23-03-10/04 06.01.2004. godine, u vrijeme izrade nalaza i mišljenja nije bilo pravosnažno.

Dana 14.01.2014. godine ponovo je dostavljen nalaz neovisnog revizora o ispunjavanju ugovorenih obaveza po ugovoru T-21-01.

U nalazu je navedeno da je izvršeno investiranje u ukupnom iznosu od 6.161.010,00 KM i to u periodu od 2002 -2006 godina 4.091.686,00 KM, a u periodu 2007-2009 godina 2.069.324,00 KM.

- 
- Postojeći objekat 1.338.255,00 KM
  - Oprema 2.771.096,00 KM
  - Izgradnja objekta 2.051.659,00 KM

Navedeni iznos ulaganja prema nalazu je evidentiran u poslovnim knjigama kupca, dok je u poslovnim knjigama Kimo d.o.o. evidentirano 1.290.056,00 KM kao trošak održavanja i rekonstrukcije postojećeg objekta do 31.12.2012. godine.

U nalazu nije potvrđeno postojanje Investicijskog programa usvojenog od strane Agencije.

Dopuna navedenog izvještaja izvršena je 14.02.2014. godine u kome je navedena nabavka opreme u 2013. godini u vrijednosti 64.890,00 KM, te evidencija nabavne vrijednosti opreme na 31.12.2012 godine 2.771.096,00 KM i akumulirana amortizacije iste 2.655.774,00 KM, što znači da je sadašnja vrijednost iste 115.322,00 KM.

U osnovnom nalazu od 14.01.2014. godine za koji je rađena dopuna navedeno je da je nabavljena oprema evidentirana u poslovnim knjigama kupca, te je zaključno sa 31.12.2013, evidentirana u poslovnim knjigama Kimo d.o.o.

Iz navedenog zaključujemo da je kupac nabavio opremu, koristio je u svom proizvodnom procesu i istu poslije prenio u društvo Kimo d.o.o ali već do određenog iznosa amortizovanu, te se može smatrati da je izvršeno ulaganje samo koliko je sadašnja vrijednost te opreme.

Kupac nije ispunio obavezu investiranja u rokovima i na način kako je ugovoreno u članu 5. Ugovora o kupoprodaji predmeta tendera.

Kupac nije dostavljao investicijski plan na saglasnost Agenciji za privatizaciju kako je navedeno u članu 5. Ugovora.

Agencija nije vršila neposredne kontrole ispunjenja obaveza kupca po osnovu investiranja na način i u rokovima kako je to predviđeno Pravilnikom o obavljanju kontrole izvršenja obaveza iz kupoprodajnih ugovora u postupku privatizaciju u Federaciji BiH (Sl. Novine FBiH, br. 12/05, 17/06, 9/09, 13/09, 52/09).

Nakon proteka roka za investiranje ili dok je trajao rok investiranja, tri godine od pravosnažnosti Rješenja o odobravanju upisa izvršene privatizacije, trebalo je potpisati Anex ugovora o produženju roka.

Agencija za privatizaciju ZE-DO kantona izdala je dana 29.09.2014. godine Uvjerenje br. 15-03-238/2014, kojim se potvrđuje da su izvršene ugovorene obaveze iz Ugovora o kupoprodaji predmeta tendera T-21-01 potpisanog dana 19.08.2002.godine. Prema članu 20c. Pravilnika o obavljanju kontrole izvršenja obaveza iz kupoprodajnih ugovora u postupku privatizaciju u Federaciji BiH (Sl. Novine FBiH, br. 12/05, 17/06, 9/09, 13/09, 52/09), navedeno uvjerenje se izdaje nakon što kupac izvrši sve obaveze iz ugovora o kupoprodaji. Iz ocjene postupka privatizacije proizilazi da nisu ispunjeni uslovi za

---

postupanje po članu 20. Pravilnika, jer Kupac nije izvršio obaveze na način i u rokovima kako je to definisano u Ugovoru o kupoprodaji br. T-21-01 od 19.08.2002. godine.

Vlada Zeničko-dobojskog kantona nije izmirila preuzete obaveze u 2003. godini. I ako u ugovoru o kupoprodaji nisu navedeni rokovi izvršenja ovih obaveza, u Odluci br. 02-14-17602/02 je naznačeno da će dio obaveza biti izmiren u 2002. godine, a ostatak u 2003. godini (detaljno opisano u ovoj ocjeni i dijelu izvještaja 4.1.3. i 5.4.).

## **5. „SARAJEVOPUTEVI“ D.D. SARAJEVO**

Na osnovu odredbi Zakona o reviziji privatizacije državnog kapitala u privrednim društvima i bankama ("Službene novine Federacije BiH", br. 55/12), Zakona o reviziji institucija u Federaciji Bosne i Hercegovine ("Službene novine Federacije BiH", br. 22/06) i Rješenjem broj: 01-02-1-187/24 od 18.03.2024. godine, obavljena je revizija privatizacije privrednog društva „Sarajevoputevi“ d.d. Sarajevo.

Privredno društvo „Sarajevoputevi“ d.d. Sarajevo, pravilno je provelo pravni postupak vlasničke transformacije, shodno Zakonu o prometu i raspolaganju društvenim kapitalom ("Službeni list SFRJ", br. 84/89 i 46/90), Zakonu o isplati ličnih dohodaka sredstava za neposrednu zajedničku potrošnju i sredstava za ishranu radnika u toku rada („Službeni list SFRJ“, broj 37/90 i 84/90) i Uredbi o reviziji prethodne vlasničke transformacije („Sl. Novine F BiH“, br. 1/98).

Postupak privatizacije privrednog društva „Sarajevoputevi“ d.d. Sarajevo obavljen je u skladu s Okvirnim zakonom o privatizaciji preduzeća i banaka u Bosni i Hercegovini („Službeni glasnik BiH“, broj: 14/98, 12/99, 14/00), Zakonom o privatizaciji preduzeća ("Sl. Novine F BiH", br. 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), te u skladu sa Pravilnikom o postupku prodaje imovine i dionica ili udjela preduzeća (Sl. Novine F BiH, br. 16/02).

Postupak revizije pretvorbe i privatizacije izvršili su ovlašteni revizori Agencije za reviziju privatizacije u Federaciji Bosne i Hercegovine, u skladu sa Zakonom o reviziji privatizacije u Federaciji Bosne i Hercegovine, te Zakonom o reviziji institucija u F BiH. Revizija je obavljena u periodu od 18.03.2024. godine do 27.05.2024. godine. Postupak revizije proveden je u skladu sa revizorskim standardima Međunarodne organizacije vrhovnih revizijskih institucija – INTOSAI ("Službene novine Federacije BiH", br. 30/11 i 62/14) i Etičkim kodeksom profesionalne etike revizora.

Na osnovu provedenog postupka revizije pretvorbe i privatizacije privrednog društva „Sarajevoputevi“ d.d. Sarajevo, sačinjen je Nacrt izvještaja o izvršenoj reviziji pretvorbe i privatizacije broj 02-15-1-189-16/24 od 30.05.2024. godine koji je dostavljen društvu „Sarajevoputevi“ d.d. Sarajevo, na Komentar/Očitovanje.

---

Agencija za reviziju privatizacije u Federaciji Bosne i Hercegovine u ostavljenom roku zaprimila je očitovanje Uprave „Sarajevoputevi“ d.d. Sarajevo. Aktom br. 3234/24 od 25.06.2024. godine. Uprava društva je obavijestila Agenciju da nema komentara na dostavljeni Nacrt izvještaja, nakon čega je Agencija sačinila konačan Izvještaj o izvršenoj pretvorbi i privatizaciji „Sarajevoputevi“ d.d. Sarajevo br. 02-15-1-189-20/24 od 02.07.2024. godine, a koji čini sastavni dio Rješenja broj 01-02-1-187-3/24 od 02.07.2024. godine.

Revizijom su obuhvaćeni dokumenti, odluke, poslovne knjige, ugovori i akti na osnovu kojih je obavljena pretvorba i privatizacija, radi provjere da li je pretvorba i privatizacija provedena u skladu sa odredbama Zakona o privatizaciji preduzeća ("Sl. Novine F BiH", br. 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), i drugim posebnim propisima.

Na osnovu prikupljene i analizirane dokumentacije u ovoj reviziji, utvrđeno je sljedeće:

1. Procedure, dokumenti, poslovne knjige i računovodstveno finansijski izvještaji koji su korišteni za pripremu Početnog bilansa za privatizaciju "Sarajevoputevi" d.d. Sarajevo su u skladu sa Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99). Sačinjen je Aktivni, Pasivni i Neutralni podbilans.
2. Preduzeće je pripremio Program privatizacije u skladu sa odredbama članova od 8. do 18. Uredbe o metodologiji za pripremu programa i izradu Početnog bilansa stanja preduzeća za privatizaciju ("Službene novine Federacije BiH", br. 10/98, 26/98, 49/99 i 40/00 ), osim odredbe iz člana 8. tačka 11. privremena pravila dioničkog društva.
3. Agencija za privatizaciju u Sarajevskom kantonu je Rješenjem broj: 21-04/3-19-598-44 od 09.01.2004. godine odobrila Program privatizacije i Početni bilans na dan 30.06.2003.g., sa utvrđenim ukupnim kapitalom u iznosu od 2.799.851,00 KM i to državni kapital u procentu od 87,72 % u nominalnom iznosu od 2.456.074,00 KM i privatni kapital u procentu 12,28%, u nominalnom iznosu 343.777,00 KM. Prema Rješenju 51% ili 1.427.924,00 KM kapitala ostaje državni kapital, a privatizira se 1.028.150,00 KM ili 36,72% kapitala i to metodom Aukcije.
4. Javni poziv za prodaju metodom Aukcije, sami postupak prodaje i provođenja Aukcije, te potpis Ugovora sa kupcem i plaćanje izvršeni su u skladu sa Pravilnikom o postupku prodaje imovine, dionica ili udjela preduzeća („Sl. novine Federacije BiH“ br. 64/02).

Privatizacija društva Sarajevoputevi d.d. Sarajevo izvršena na zakonit način. Nedostatak naveden u tački 2. ocjene, ne čini značajnu grešku koja bi uticala na ocjenu zakonitosti cjelokupnog postupka privatizacije.

---

Agencija za reviziju privatizacije je naknadno utvrdila da je imala još u nečemu odlučiti u vezi sa ovom upravnom stvari te je donijela dopunsko rješenje broj 01-02-1-187-8/24 od 02.09.2024. godine u kojem je detaljno obrazložila razloge za donošenje istog.

Dopunskim Rješenjem utvrđuju se činjenice koje su već opisane u Izvještaju o provedenoj reviziji privatizacije broj: **02-15-1-189-20/24 od 02.07.2024. godine**, a na osnovu kojeg je doneseno prvobitno rješenje i to na način da je nakon izvršene privatizacije promijenjena struktura kapitala utvrđena u postupku privatizacije na način koji nije u skladu sa pozitivnim propisima, i to po osnovu dvije korporativne radnje izvršene na osnovu Odluke Vlade Federacije BiH br. 161/05 od 23.03.2005. godine, te Odluke Nadzornog odbora Sarajevoputevi d.d. Sarajevo br. 290/05 od 27.04.2005.godine i Odluke Skupštine Sarajevoputevi d.d. Sarajevo br. 1644/05 od 24.11.2005. godine.

Povećanje osnovnog kapitala društva izvršeno na osnovu Odluke Vlade Federacije BiH br. 161/05 od 23.03.2005. godine za iznos od 3.243.748,19 KM, u korist većinskog vlasnika Federacije BiH, te Odluke Nadzornog odbora Sarajevoputevi d.d. Sarajevo od dana 27.04.2005. godine br. 290/05 o povećanju osnovnog kapitala emisijom 74.592 redovnih dionica nominalne vrijednosti 12,50 KM, sa rokom upisa od 25.07.2005 do 25.08.2005 godine i to isključivo u stvarima, te Odluke Skupštine Sarajevoputevi d.d. Sarajevo br. 1644/05 od 25.11.2005. godine o povećanju osnovnog kapitala, emisijom 184.907 običnih dionica, nominalne vrijednosti 12,50 KM, sa rokom upisa od 16.12.2005. do 31.12.2005. godine i to isključivo u stvarima, nije izvršeno u skladu sa zakonskim propisima, te je na nedozvoljen način promijenjena struktura kapitala utvrđena u postupku privatizacije upisana RJEŠENJEM broj 21-04/3-19-598-51/A o odobravanju upisa izvršene privatizacije i to:

a) dionički kapital u vrijednosti od 1.028.150,00 KM što je 36,72% od ukupnog kapitala društva čiji je vlasnik: Društvo za proizvodnju, trgovinu i usluge "HIGHNAY CONSTRUCTION COMPANY" d.o.o. Sarajevo sa sjedištem u Sarajevu, ul. Topal Osman Pašina br. 32-B, registrirano Rješenjem Kantonalnog suda Sarajevo broj: UF/I-1426/02 od 28.01.2003. godine, a po kupoprodajnom ugovoru broj: 21-04/3-19-598-49/A od 08.03.2004. godine;

b) dionički kapital u vrijednosti od 1.427.924,00 KM što je 51% od ukupnog kapitala društva ostaje u državnom vlasništvu čiji je vlasnik Kanton Sarajevo, kasnijim rješenjem Federacija BiH;

c) dionički kapital u vrijednosti od 343.777,00 KM što je 12,28% od ukupnog kapitala društva čiji su vlasnici dioničari po prethodno izvršenoj vlasničkoj transformaciji, prema spisku iz knjige dioničara koja se vodi u preduzeću.

U opisanim korporativnim radnjama povećanja osnovnog kapitala Sarajevoputevi d.d. Sarajevo izvršena je emisija dionica i to 74.592 redovnih dionica po odluci Nadzornog odbora društva i 184.907 redovnih dionica po odluci Skupštine društva. Nominalna

---

vrijednost dionice u obje emisije je iznosila 12,50 KM. Nakon navedenih emisija vlasnik dionica postaje Federacija BiH. Osnovni kapital je povećan za 3.243.737,50 KM, te je ukupni osnovni kapital nakon navedenih emisija iznosio 6.041.500,00 KM. Prije emisije Federacija BiH je bila vlasnik 51% kapitala društva, a nakon dvije opisane emisije postaje vlasnik 77,326% kapitala. Dionice iz opisane dvije emisije su plaćene u stvarima i to doniranim od strane Vlade Japana, razmjenom nota između Vlade Japana i Vlade Bosne i Hercegovine, a koje su već bile evidentirane u poslovnim knjigama Sarajevoputevi d.d. i to kao donacija.

U Odluci Vlade Federacije BiH br. 161/05 od 23.03.2005. godine, te u Odluci Nadzornog odbora Sarajevoputevi d.d. Sarajevo br. 290/05 od 27.04.2005. godine i odluci Skupštine Sarajevoputevi d.d. Sarajevo br. 1644/05 od 24.11.2005. godine navodi se da je oprema iz donacije Vlade Japana data na korištenje Sarajevoputevima d.d. Sarajevo, a ne uzimajući u obzir da je Rješenjem Federalnog ministarstva prometa i komunikacija br. 07/6-27-2459/00 od 21.09.2000. godine ista data na korištenje i raspolaganje Sarajevoputevima d.d. Sarajevo, te da je osnovna namjena sredstava bila Donacija, da je u Obrazloženju Rješenja Federalnog ministarstva prometa i komunikacija navedeno da je Ministarstvo samo odgovorno za realizaciju i implementaciju donacije Vlade Japana, tj. do same realizacije donacije, te je preduzeće Sarajevoputevi d.d. Sarajevo u svojim poslovnim knjigama evidentiralo opremu iz donacije.

U Odlukama Vlade Federacije BiH, Nadzornog odbora Sarajevoputevi d.d. Sarajevo i Skupštine Sarajevoputevi d.d., Sarajevo, a koje smo gore naveli navodi se da su sredstva u društvu evidentirana po MRS 20, što znači da je članovima Odbora i Skupštine ta činjenica bila poznata.

Vlada Federacije BiH zadužuje Ministarstvo prometa i komunikacija za provođenje Odluke br. 161/05 od 23.03.2005. godine, ne uzimajući u obzir činjenicu da je Rješenje Federalnog ministarstva prometa i komunikacija br. 07/6-27-2459/00 od 21.09.2000. godine na snazi i da je pravosnažno, tako da po tretmanu iste opreme postoje dva dokumenta i to: Rješenje ministarstva prometa i komunikacija i Odluka Vlade F BiH, a sa različitim tretmanom.

Davanjem opreme na korištenje i raspolaganja Sarajevoputevima d.d. Sarajevo još 2000-te godine, dakle prije privatizacije 36,72% kapitala, ispunjeni su uvjeti dati od samog donatora (Vlada Japana) da se donacija može dati preduzeću u većinskom državnom vlasništvu. Ova volja donatora je poštovana i prilikom same privatizacije Sarajevoputeva d.d. Sarajevo, jer je upravo iz tog razloga i privatizirano 36,72% kapitala, a Federacija BiH je ostala vlasnik 51% kapitala, dakle većinski vlasnik. Ostatak kapitala od 12,28% kapitala je privatiziran u postupku prethodne vlasničke transformacije.

Prije samog utvrđivanja Početnog bilansa stanja preduzeća i privatizacije dijela državnog kapitala oprema je dodijeljena na upravljanje i raspolaganje društvu Sarajevoputevi gore navedenim Rješenjem Federalnog ministarstva prometa i komunikacija, te činila imovinu društva, a samim tim kao takva evidentirana u početnom bilansu za privatizaciju.

---

Imajući u vidu činjenicu da je oprema data na upravljanje i raspolaganje društvu Sarajevoputevi d.d. Sarajevo nesporno postala imovina društva, a ne imovina Vlade Federacije BiH, istom nije bilo ni moguće izvršiti plaćanje redovnih dionica koje su emitovane na osnovu gore navedenih Odluka Nadzornog Odbora i Skupštine društva. Na osnovu opisanih korporativnih radnji kapital društva je povećan za 3.243.737,50 KM, a vlasnik je postala Vlada Federacije BiH, a da nije izvršila plaćanje emitovanih dionica, jer plaćanje opremom koja je nesporno vlasništvo društva, nije zakonit način kupovine dionica.

Komisija za vrijednosne papire Federacije BiH izdala je Rješenje br. 03/2-19-319/05, dana 18.08.2005. o upisu u registar emitenta i Rješenje br. 03/1-19-799/05, dana 12.01.2006. o upisu u registar emitenta. Sastavni dio oba Rješenja je Registarski list (obrazac 2.) u kome se pod tačkom 3. -Podaci o osnovnom kapitalu navodi da je kapital društva 6.041.500,00 i to u novcu. Na osnovu netačnih podataka od strane društva da je uplaćen kapital u novcu, te netačnog obavještenja banke depozitara (Upi banka, sadašnja Intesasanpaolo banka) da je plaćanje izvršeno u stvarima koja su vlasništvo Federacije BiH, a što banka uopće nije ni ustanovljavala, Komisija za vrijednosne papire je izdala navedena rješenja.

Obzirom da Vlada Federacije BiH, nije ni izvršila uplatu u skladu sa članom 50. Zakona o tržištu vrijednosnih papira za emitovane dionice, nije ni mogla postati vlasnikom istih, te ni vlasnik 77,326% kapitala, već 51% koliko je i zadržala nakon provedenog postupka privatizacije. Prema članu 47. tačka c. Odluka o emisiji vrijednosnih papira zatvorenom ponudom sadrži procjenu vrijednosti stvari i prava ukoliko se prihvate kao sredstvo uplate i način njihovog evidentiranja, čuvanja i predaje emitentu. Imajući u vidu navedeni član jasno je da nije moglo biti čuvanja i predaje stvari emitentu jer je izvršena procjena stvari koja su već činila imovinu emitenta, bila kod emitenta i služila mu kao oprema za rad, te nisu bila imovina kupca tj. Vlade Federacije BiH. Donacija Vlade Japana u opremi je i bila uslovljena tim da se dodijeli preduzeću koje je u većinskom vlasništvu Federacije, a ne da se dodijeli Federaciji BiH, te je kako je već obrazloženo taj zahtjev donatora ispoštovan i prije, a i pri samom postupku privatizacije.

Vlada Federacije BiH nije mogla u skladu sa članom 49. Stav 2. tačka b. dostaviti banci depozitaru dokaz o vlasništvu nad stvarima kojima vrši uplatu predmeta emisije, jer revizorski izvještaj za 2003 godinu, bilansi stanja na dan 31.12.2004. godine i 30.06.2005. godine, te Rješenje Federalnog ministarstva prometa i komunikacija br. 07/6-27-2459/00 od 21.09.2000. nedvojbeno pokazuju da se radi o imovini preduzeća Sarajevoputevi d.d., a ne o imovini Vlade Federacije BiH.

## **6. OPRESA D.D. SARAJEVO**

Rješenjem Agencije za reviziju privatizacije u FBiH broj: 01-02-1-182/24 od 15.03.2024. godine pokrenut je postupak revizije privatizacije privrednog društva „Opresa“ d.d. Sarajevo. Nakon provedenog postupka revizije, na osnovu utvrđenih činjenica i prikupljenih dokaza, pripremljen je Nacrt izvještaja o izvršenoj reviziji broj:

---

02-15-1-188-45/24 od 12.07.2024. godine koji je, u skladu sa odredbom člana 16. Zakona o reviziji privatizacije u FBiH, dostavljen na komentar društvu iNovine BH d.o.o., pravnom sljedniku "OPRESA" d.d. Sarajevo. Navedeni pravni sljednik „Opresa“ d.d. Sarajevo nije u predviđenom roku od 15 dana dostavio komentar na Nacrt izvještaja o reviziji, te je Agencija sačinila Izvještaj o reviziji pretvorbe i privatizacije privednog društva broj: 02-15-1-188-49/24 od 13.08.2024. godine.

Postupkom revizije privatizacije društva „Opresa“ d.d. Sarajevo, je utvrđeno:

I Privredno društvo „Opresa“ Sarajevo je pravilno izvršilo prethodnu vlasničku transformaciju u skladu sa odredbama Zakona o društvenom kapitalu („Sl. list R BiH“ br. 2/92) i Zakona o isplati ličnih dohodaka, sredstava za neposrednu zajedničku potrošnju i sredstava za ishranu radnika u toku rada („Sl. list SFRJ“ br. 37/90 i 84/90).

Reviziju prethodno izvršene vlasničke transformacije vršila je revizorska kuća „Revik“ d.o.o. Sarajevo, koja je sačinila Zapisnik broj: UP-I-01-38/98 od 30.10.1998. godine, na osnovu kojeg je doneseno Rješenje o rezultatima predhodno izvršene vlasničke transformacije kod dioničkog društva „Opresa“ Sarajevo broj: UP-I-02-25-1/99 dana 23.07.1999. godine. Rješenjem je naloženo usklađivanje knjigovodstvene vrijednosti i strukture kapitala iskazane u poslovnim knjigama na dan 31.12.1997. godine.

Navodi i nalozi iz zapisnika, zbog uništenja najvećeg dijela izvorne knjigovodstvene dokumentacije u toku ratnih dejstava, zasnivali su se na rekonstruisanom činjeničnom stanju. Na osnovu raspoložive dokumentacije utvrđeno je da je u toku 1991. godine "Opresa" Sarajevo provodila pravne radnje vlasničke transformacije na osnovu Zakona o društvenom kapitalu. Dana 29.03.1991. godine donesena je odluka o izdavanju internih dionica radi pribavljanja dodatnog kapitala i odluka o transformaciji dotadašnjeg društvenog preduzeća u dioničko društvo u mješovitoj svojini. U postupku revizije nije se mogao utvrditi ukupan broj upisnika internih dionica, a preduzeće je obezbijedilo dokumentaciju o izvršenom upisu od strane ukupno 665 upisnika. Transformacija dotadašnjeg društvenog preduzeća u dioničko društvo u mješovitoj svojini registrovana je kod Osnovnog suda udruženog rada Sarajevo, rješenjem tog suda broj: U/I-2008/91 od 19.04.1991. godine.

U postupku revizije nije se moglo utvrditi da li su vršene efektivne otplate upisanih internih dionica. Na osnovu sačuvane dokumentacije, izvršena je rekonstrukcija izdvajanja izvršenih u interne dionice po Zakonu o ličnim dohocima u toku 1990. i 1991. godine, ostvarenog popusta na te otplate, rasporeda revalorizacionih rezervi za 1990. i 1991. godinu i ostvarene dobiti za 1990. godinu, na osnovu čega je utvrđena rekonstruisana knjigovodstvena vrijednost i vlasnička struktura kapitala po stanju na dan 31.12.1991. godine. Na osnovu tako utvrđene strukture kapitala izvršen je i raspored revalorizacionih rezervi, dobiti, gubitaka, ratnih šteta i svih ostalih promjena (povećanja i smanjenja) knjigovodstvene vrijednosti kapitala za period od 1992. do 1997. godine.

---

Nakon provedenih knjiženja naloženih Rješenjem o rezultatima prethodno izvršene vlasničke transformacije kod dioničkog društva „Opresa“ Sarajevo broj: UP-I-02-25-1/99, ukupan kapital društva na dan 31.12.1997. godine je iznosio 15.188.126 KM, a isti su činili državni kapital u iznosu od 2.963.205 KM ili 48,60910% osnovnog kapitala, privatni kapital u iznosu od 3.132.784 KM ili 51,39090% osnovnog kapitala (ukupan osnovni kapital je iznosio 6.095.989 KM), nenominirani kapital u iznosu od 441.377 KM i stambeni fond 8.650.759 KM.

II Revizijom postupka privatizacije je utvrđeno da je postupak privatizacije privrednog društva „Opresa“ d.d. Sarajevo proveden u skladu sa zakonskim i drugim propisima.

Procedure, dokumenti, poslovne knjige i računovodstveno finansijski izvještaji koji su korišteni za pripremu Početnog bilansa za privatizaciju „Opresa“ d.d. Sarajevo su sačinjeni i izvršeni u skladu sa Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99).

Preduzeće je pripremio Program privatizacije u skladu Uredbom o metodologiji za pripremu Programa i izradu Početnog bilansa stanja preduzeća za privatizaciju ("Službene novine Federacije BiH", br. 10/98, 26/98, 49/99 i 40/00). Početni bilans je sadržavao Aktivni, Pasivni i Neutralni podbilans.

Kantonalna agencija za privatizaciju Sarajevo je Rješenjem broj: 21-04/7-19-36-1 od 03.04.2000. godine odobrila Program privatizacije i Početni bilans, sa utvrđenim državnim kapitalom u iznosu od 3.635.523,00 KM, koji je privatiziran u postupku Javnog upisa dionica u skladu sa Zakonom o privatizaciji preduzeća ("Sl. novine Federacije BiH", br. 27/97, 8/99, 32/00, 45/00, 54/00). Rješenjem Kantonalna agencija za privatizaciju Sarajevo broj: 21-04/7-19-316-8 od 01.08.2001. godine odobren je upis izvršene privatizacije u sudski registar 3.635.523,00 KM državnog kapitala, što predstavlja 33,30% od ukupnog kapitala preduzeća za unutrašnju i spoljnu trgovinu "Opresa" d.d. u mješovitoj svojini sa p.o. Sarajevo.

Sedam najvećih dioničara imalo je u vlasništvu 3.141.626 KM ili 28,778719% od ukupnog kapitala Društva, od čega su šest privatizacijski fondovi. Ostali dioničari, njih 165 koji su učestvovali u kupovini ovog dijela kapitala su imali udio manji od 0,02% u ukupnom kapitalu Društva.

Rješenjem Općinskog suda u Sarajevu broj 065-0-Reg-18-005689 od 04.12.2018. godine u sudskom registru upisani su podaci o promjeni oblika društva, umjesto dotadašnjeg dioničarskog društva postalo je Društvo sa ograničenom odgovornošću za unutrašnju i vanjsku trgovinu „Opresa“ Sarajevo. Prema navedenom rješenju osnivač subjekta upisa je British American Tobacco Investments (Central & Easterneurope) limited sa visinom kapitala u iznosu od 23.661.490,00 KM. Rješenjem Općinskog suda u Sarajevu broj 065-0-Reg-21-003036 od 22.10.2021. godine brisan je iz sudskog registra subjekt "Opresa" d.d. Sarajevo, radi pripajanja subjektu upisa

---

iNovine BH društvo sa ograničenom odgovornošću za unutašnju i vanjsku trgovinu, sa sjedištem u Sarajevu, dakle Društvo je nastavilo sa poslovanjem u okviru drugog pravnog subjekta koji se bavi istom djelatnošću.

Društvo u trenutku sačinjavanja Početnog bilansa nije uključilo u Pasivni podbilans potraživanja iz 1992. godine od Federalnog ministarstva finansija u iznosu od 148.122,64 KM, jer za isto nije imalo potvrđenu navedenog Ministarstva, te je isti iznos ostao u Aktivnom podbilansu što je uvećalo vrijednost državnog kapitala namijenjenog prodaji za 4,07 %, a umanjilo vrijednost privatnog kapitala za 2,03%.

„Opresa“ d.d. Sarajevo je sporna potraživanja trebala, u skladu sa članom 18. Uredbe o metodologiji za pripremu programa i izrade početnog bilansa preduzeća za privatizaciju, isknjižiti i za taj iznos umanjiti državni (društveni) kapital, jer bi po sili zakona došlo do zamjene ispunjenja. Umjesto plaćanja dugovanog iznosa, došlo bi do umanjenja državnog kapitala za cjelokupni iznos duga.

Društvo je tužbom pokrenulo parnični postupak protiv Federacije BiH, za Ministarstvo odbrane i Ministarstvo finansija i BiH za Ministarstvo odbrane. Presudom Općinskog suda broj 09 65 Ps 014239 03 Ps od 08.07.2024. godine Društvo, kao tužitelj, je odbijeno s postavljenim tužbenim zahtjevom. Navedena presuda je potvrđena i presudom Kantonalnog suda broj: 65 0 Ps 014239 12 PŽ od 15.10.2012. godine. Protiv drugostepene odluke Društvo je podnijelo reviziju koju je Vrhovni sud presudom broj: 65 0 Ps 014239 13 Rev od 10.09.2013. godine odbio. Društvo je 11.12.2013. godine podnijelo apelaciju Ustavnom sudu BiH. Odlukom Ustavnog suda BiH broj AP 5092/13 odbijena je apelacija protiv presude Vrhovnog suda Federacije BiH. Nakon donošenja navedenih presuda više nije bilo moguće korigovati Početni bilans za navedeni iznos.

## **7. MAJEVICA D.D. SREBRENİK**

Na osnovu odredbi Zakona o reviziji privatizacije državnog kapitala u privrednim društvima i bankama ("Službene novine Federacije BiH", br. 55/12), u skladu sa revizorskim standardima Međunarodne organizacije vrhovnih revizijskih institucija – INTOSAI ("Službene novine Federacije BiH", br. 30/11 i 62/14) i Etičkim kodeksom profesionalne etike revizora, na osnovu Rješenja Agencije za reviziju privatizacije u Federaciji BiH broj: 01-02-1-190/22 od 31.03.2022. godine, obavljena je revizija privatizacije privrednog društva „društva „MAJEVICA“ d.d. Srebrenik, u periodu od 19.03.2024. godine do 11.10.2024. godine.

Postupak vlasničke transformacije društva „MAJEVICA“ d.d. Srebrenik je proveden u skladu sa Zakonom o društvenom kapitalu („Službeni list RBiH“, broj 2/92), Zakonom o isplati ličnih dohodaka, sredstava za neposrednu zajedničku potrošnju i sredstava za ishranu radnika u toku rada („Službeni list SFRJ“, broj 37/90 i 84/90) i Uredbom o reviziji prethodno izvršene vlasničke transformacije (Sl. Novine FBiH, br. 1/98, 16/99).

---

Postupak privatizacije društva „MAJEVICA“ d.d. Srebrenik proveden je u skladu s Zakonom o privatizaciji preduzeća („Službene novine Federacije BiH“, broj: 27/97, 8/99, 32/00, 45/00, 54/00), Zakonom o početnom bilansu stanja preduzeća i banaka („Službene novine Federacije BiH“, br. 12/98, 40/99, 47/06), Uredbom o metodologiji za pripremu programa i izradu Početnog bilansa stanja preduzeća za privatizaciju („Službene novine Federacije BiH“, br. 10/98, 26/98, 49/99 i 40/00) i drugim propisima, u pogledu procedura, dokumenata, poslovnih knjiga i računovodstveno finansijskih izvještaja. Izvještaj o obavljenoj reviziji pretvorbe i privatizacije je sastavni dio konačnog rješenja.

Na osnovu provedenog postupka revizije pretvorbe i privatizacije privrednog društva društva „MAJEVICA“ d.d. Srebrenik sačinjen je Nacrt izvještaja o izvršenoj reviziji pretvorbe i privatizacije broj: 02-15-1-199-32/24 od 14.10.2024. godine, koji je dostavljen Upravi društva na očitovanje 16.10.2024. godine. Uprava društva nije u zakonom predviđenom roku dostavila komentar na Nacrt izvještaja, nakon čega je sačinjen konačan izvještaj broj 02-15-1-199-33/24 od 11.11.2024. godine.

Revizijom su obuhvaćeni dokumenti, odluke, poslovne knjige, ugovori i akti na osnovu kojih je obavljena pretvorba i privatizacija, radi provjere da li je pretvorba i privatizacija provedena u skladu sa odredbama Zakona o privatizaciji preduzeća („Službene novine Federacije BiH“, broj: 27/97, 8/99, 32/00, 45/00, 54/00) i drugim posebnim propisima.

Na osnovu prikupljene i analizirane dokumentacije, utvrđeno je sljedeće:

Postupak vlasničke transformacije „MAJEVICA“ d.d. Srebrenik je proveden u skladu sa Zakonom o društvenom kapitalu („Službeni list RBiH“, broj 2/92) i Zakonom o isplati ličnih dohodaka, sredstava za neposrednu zajedničku potrošnju i sredstava za ishranu radnika u toku rada („Službeni list SFRJ“, broj 37/90 i 84/90).

Postupak prethodno izvršene vlasničke transformacije je izvršen u skladu sa Zakonom o društvenom kapitalu (Službeni list RBiH , broj 2/92), Zakonom o isplati osobnih dohodaka, sredstava za neposrednu zajedničku potrošnju i sredstava za ishranu radnika u toku rada (Službeni list SFRJ, broj 37/90 i 84/90).

Preduzeće za reviziju, računovodstvo i finansijski konsalting „RECON“ d.o.o. Sarajevo sačinilo Rješenje o rezultatima prethodno izvršene vlasničke transformacije br. UP-I-02-088-RC/99 od 03.07.1999. godine. Nakon izvršene revizije prethodno izvršene vlasničke transformacije utvrđena je vrijednost i struktura kapitala odnosno iznos državnog i privatnog kapitala i ona glasi:

|                      |                                |
|----------------------|--------------------------------|
| Državni kapital      | 13.188.072,80 KM ili 70,78526% |
| Privatni kapital:    | 5.443.028,70 KM ili 29,21474%  |
| Nenominirani kapital | -367.075,60 KM                 |

---

---

Stambeni fond: 964.652,00 KM

Ukupno: 19.228.677,90 KM

Postupak privatizacije "MAJEVICA" d.d. Srebrenik proveden je u skladu s Zakonom o privatizaciji preduzeća („Službene novine Federacije BiH“, broj: 27/97, 8/99, 32/00, 45/00, 54/00), Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99) i drugim propisima, u pogledu procedura, dokumenata, poslovnih knjiga i računovodstveno – finansijskih izvještaja.

Procedure, dokumenti, poslovne knjige i računovodstveno finansijski izvještaji koji su korišteni za pripremu Početnog bilansa za privatizaciju MP "Majevica" d.d. Srebrenik su sačinjeni u skladu sa Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99).

Preduzeće je pripremio Program privatizacije u skladu sa odredbama Uredbe o metodologiji za pripremu Programa i izradu Početnog bilansa stanja preduzeća za privatizaciju ("Službene novine Federacije BiH", br. 10/98, 26/98, 49/99 i 40/00). Početni bilans za privatizaciju je sadržavao Aktivni, Pasivni i Neutralni podbilans. Društvo je imalo u posjedu 32 stanova prikazanih u neutralnom podbilansu shodno članu 16. Zakona o početnom bilansu („Sl. Novine F BiH“, br. 12/98, 40/99), prikazani se stanovi u skladu sa članom 18. stav 2. Zakona o prodaji stanova na kojima postoji stanarsko pravo („Sl. Novine F BiH“, br. 27/97) i uknjižen je iznos građevinske vrijednosti od 1.078.800,00 KM. što predstavlja vrijednost stanova ukupne površine 1.798 m<sup>2</sup>. U pasivnom podbilansu naveden je u neto iznosu od 1.654.259,00 KM koji čine Saldo obveza prema bankama po osnovu inozemnih kredita dobivenih prije 31.03.1992.godine.

Rješenjem Kantonalne agencije za privatizaciju Tuzla br. 19/01-021-6268/2000 od 25.08.2000. godine odobren je program privatizacije i početni bilansa preduzeća MP „MAJEVICA“ Srebrenik, sa sjedištem u Tuzli. Rješenjem je utvrđeno da ukupan kapital preduzeća iznosi 15.640.518,00 KM. Vrijednost dioničkog kapitala iznosi 4.887.685,00 KM (31,25015%). Vrijednost državnog kapitala iznosi: 10.752.833,00 KM (68,74985%).

Državni kapital u nominalnom iznosu od 10.752.833,00 KM prodao se u postupku velike privatizacije prodajom dionica, metodom javne ponude dionica. Preduzeće je u svojim knjigama imalo evidentirano 15.661,4 m<sup>2</sup> zemljišta i 11 objekata (etažna svojina).

Postupak prodaje dijela od 68,74985% državnog kapitala MP „MAJEVICA“ Srebrenik putem javne ponude dionica prvi talas – drugi krug izvršen je 2001. godine i proveden je u skladu sa odredbama Zakona o privatizaciji preduzeća. Rješenjem Kantonalne agencije za privatizaciju Tuzla broj: 19/01-021-2960/2001 od 14.06.2001. godine odobren je upis u sudski registar izvršene privatizacije navedenog dijela državnog kapitala preduzeća MP „MAJEVICA“ d.d. Srebrenik. Rješenjem je utvrđeno da je ukupan kapital preduzeća sa stanjem na dan 31.12.1999. godine iznosio 15.640.518,00 KM ili 100%, iznos državnog-društvenog kapitala prije privatizacije po Zakonu o privatizaciji (Sl. Novine FBiH“ br. 27/97, 8/99, 32/00,45/00, 54/00) iznosio je 10.752.833,00 KM ili 68,74985%,

---

iznos dioničkog kapitala po osnovu prethodno izvršene vlasničke transformacije i odobrenog Programa privatizacije i Početnog bilansa stanja je 4.887.685,00 KM ili 31,25015%. Državni – društveni kapital koji je privatiziran po Zakonu o privatizaciji preduzeća prodat je u procesu javne ponude dionica, prvi talas – drugi krug, koji je objavljen u dnevnom listu „Oslobođenje“ dana 16.04.2001. godine, iznosio je 10.752.833,00 KM ili 68,74985% i prodat je kupcima dioničarima navedenim na Listi novih dioničara.

Nakon izvršene privatizacije društvo „MAJEVICA“ d.d. Srebrenik je već tokom 2001. godine generiralo velike gubitke usljed smanjenja prihoda i velikih obaveza što je dovelo do nelikvidnosti društva, a u konačnici rezultiralo pokretanjem stečajnog postupka rješenjem Općinskog suda u Tuzli broj: St: 79/04. Stečajni postupak je obustavljen Rješenjem Općinskog suda u Tuzli broj: 32 0 St 065164 04 St od 22.11.2012. godine.

Nakon obustave stečajnog postupka izvršeno je smanjenje osnovnog kapitala društva, koji po odobrenom smanjenju iznosi 4.066.530,00 KM, što je registrovano rješenjem Općinskog suda u Tuzli broj: 032-0-Reg-14-001520 od 03.10.2014. godine. Nakon obustave stečajnog postupka društvo je vršilo značajna ulaganja u proizvodne linije i opremu, što je rezultiralo povećanjem prometa društva (za 100%), broja zaposlenika (oko 50%), rastom proizvodnje, prihoda i dobiti društva. Fabrika „Corn Flips“ predstavlja lidera u proizvodnji snack namirnica, sa fokusom na domaće tržište kao i tržišta regije i Evropske unije.

## **8. MILKOS D.D. SARAJEVO**

Na osnovu člana 14. stav 1. Zakona o reviziji privatizacije državnog kapitala u privrednim društvima i bankama („Službene novine Federacije BiH“, broj 55/12), od 27.06.2012. godine i Rješenja o pokretanju postupka revizije privatizacije „MILKOS“ d.d. Sarajevo br. 01-02-1-383/24 od 07..10.2024. godine pokrenut je postupak revizije pretvorbe i privatizacije privrednog društva „MILKOS“ d.d. Sarajevo. Postupak revizije privatizacije izvršili su ovlašteni revizori Agencije za reviziju privatizacije u Federaciji Bosne i Hercegovine u skladu sa Zakonom o reviziji privatizacije u Federaciji BiH, Zakonom o reviziji institucija u FBiH, INTOSAI standardima, te usvojenim Planom rada za 2024. godinu.

U društvu je vršena prethodna vlasnička transformacija u skladu sa Zakonom o društvenom kapitalu (Službeni list R BiH , broj 2/92), Zakonom o isplati ličnih dohodaka, sredstava za neposrednu zajedničku potrošnju i sredstava za ishranu radnika u toku rada (Službeni list SFRJ, broj 37/90 i 84/90).

Na osnovu odredbe člana 4. stav 1. i 3. Uredbe o reviziji prethodno izvršene vlasničke transformacije („Službene novine Federacije BiH“ broj 1/98), a u vezi sa članom 5. Zakona o privatizaciji preduzeća („Sl.novine FBiH“ broj 27/97) i člana 200. Zakona o upravnom postupku („Sl.novine FBiH“ broj 2/98), izvršena je revizija prethodno

---

izvršene vlasničke transformacije kod dioničkog društva Milco'S d.d. Sarajevo, ul. Pofalićka br.3, Sarajevo. Reviziju je vršilo preduzeće za reviziju, računovodstvo, finansije i konsalting „Revik“ d.o.o. Sarajevo i donio je 02.11.1998. godine Rješenje broj: UP-I-02-76/98.

Revizija prethodno izvršene vlasničke transformacije je izvršena u skladu sa Uredbom o reviziji prethodno izvršene vlasničke transformacije (Sl. Novine FBiH, br. 1/98, 16/99) i Uputstva o sadržaju i obliku zapisnika o izvršenoj reviziji p rješenja o rezultatima revizije prethodno izvršene vlasničke transformacije (Sl. Novine FBiH , br. 10/98), što je predstavljalo osnov za proces privatizacije državnog kapitala preduzeća.

Rješenjem je ustanovljena struktura kapitala i to 87,37030 % državni kapital i 12,62961% privatni kapital (detaljno opisano u dijelu Izvještaja – revizija prethodne vlasničke transformacije).

Revizija je obuhvatila pravni aspekt pravilnosti provođenja postupaka vlasničke transformacije, finansijski aspekt i knjigovodstveni aspekt na dan 31.12.1997. godine.

Rješenjem je konstatirano da je:

- pravilno proveden pravni postupak vlasničke transformacije;
- nepravilno iskazana vlasnička transformacija sa finansijskog aspekta;
- nepravilno iskazana knjigovodstvena vrijednost i strukturu kapitala u poslovnim knjigama i bilansu stanja na dan 31.12.1997. godine.

Rješenjem broj: UP-I-02-76/98 od 02.11.1998. godine društvu je naloženo da izvrši ispravke nepravilno iskazanog knjigovodstvenog stanja i uskladi sa nalazom revizije.

Revizijom postupka pretvorbe utvrđeno je da je društvo postupilo u skladu sa Rješenjem, te uskladilo knjigovodstveno stanje kapitala sa nalazom revizije u datom roku i prije sačinjavanja Početnog bilansa stanja.

Postupak privatizacije privrednog društva „MILCO'S“ d.d. Sarajevska mljekara, Sarajevo je proveden u skladu sa odredbama člana 2. Zakona o privatizaciji preduzeća (Službene novine Federacije BiH broj: br. 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04), odredbama Pravilnika o postupku prodaje imovine i dionica ili udjela preduzeća („Službene novine F BiH“, br. 19/98, 15/99, 32/99, 36/99, 48/99, 3/00, 5/00, 7/00, 17/00, 18/00, 38/00, 52/00, 2/01, 13/01 i 42/01) i odredbama Pravilnikom o postupku prodaje preduzeća koja se prodaju u saradnji sa Međunarodnom savjetodavnom grupom za privatizaciju (IAGP) tenderom u velikoj privatizaciji („Sl. novine F BiH“ br.54/00, 42/01, 55/03).

---

Preduzeće je pripremio Program privatizacije u skladu sa odredbama članova od 8. do 18. Uredbe o metodologiji za pripremu programa i izradu Početnog bilansa stanja preduzeća za privatizaciju ("Sl. novine Federacije BiH", br.10/98, 26/98, 49/99).

Procedure, dokumenti, poslovne knjige i računovodstveno finansijski izvještaji korišteni u pripremi Početnog bilansa za privatizaciju su izvršeni u skladu sa Zakonom o početnom bilansu stanja preduzeća i banaka („Sl. novine FBiH“ br. 12/98, 40/99), a kako je detaljno propisano u dijelu Izvještaja 4.1.

Sačinjen je Aktivni, pasivni i neutralni podbilans.

Preduzeće nije imalo stavki koje se prema članu članu 8. Zakona o početnom bilansu stanja preduzeća i banaka („Sl. Novine F BiH“, br. 12/98, 40/99), prikazuju u pasivnom podbilansu, te po osnovu istog nije došlo do korekcija kapitala.

Neutralni podbilans kao dio početnog bilansa stanja , sačinjen je u skladu sa članom 16. stav 1. Zakona o početnom bilansu stanja preduzeća i banaka („Sl. novine FBiH“ br. 12/98, 40/99, 47/06, 38/08 i 65/09).

Prema mišljenju revizora Početni bilans stanja za privatizaciju preduzeća „Milco's“ d.d Sarajevska mljekara, Sarajevo na dan 30.06.2000. godine, prikazuje istinito i objektivno po svim bitnim pitanjima stanje imovine, kapitala i obaveza.

U septembru 2000. godine Upravni odbor Agencije za privatizaciju u FBiH je odlukom broj 01-02-3782/2000 o utvrđivanju procenta državnog/društvenog kapitala za preduzeća za prodaju u velikoj privatizaciji utvrdio da će se u preduzećima koja se prodaju metodom javnog prikupljanja ponuda (tenderom) ponuditi 51 do 67 % ukupnog kapitala preduzeća. Dana 09.11.2000. godine Kantonalna agencija za privatizaciju je izdala Rješenje o obnavljanju postupka odobravanja Programa i početnog bilansa "MILCO'SA" odnosno usaglašavanja postupka privatizacije sa spomenutom odlukom Agencije za privatizaciju u FBiH.

Državni kapital društva vrijednosti 1.222.744,00 KM ili 20,67% od ukupnog kapitala prodat je metodom javnog upisa dionica, a prema odredbama Pravilnika o postupku prodaje imovine i dionica ili udjela preduzeća („Službene novine F BiH“, br. 19/98, 15/99, 32/99, 36/99, 48/99, 3/00, 5/00, 7/00, 17/00, 18/00, 38/00, 52/00, 2/01, 13/01 i 42/01).

Procedure objavljivanja javnih poziva, dostavljanja ponude, pregovora, i zaključivanja Ugovora o kupoprodaji 67% državnog kapitala preduzeća „Milco's“ d.d. Sarajevo broj: 21-04/2-19-629-137/NPNP provedene u skladu sa privatizacijskim propisima.

Agencija za privatizaciju Sarajevskog kantona je provodila posrednu i neposrednu kontrolu u skladu sa odredbama Pravilnika o obavljanju kontrole izvršenja obaveza iz

---

kupoprodajnih ugovora u postupku privatizaciju u Federaciji BiH (Sl. Novine FBiH, br. 12/05, 17/06).

Kao dokaz konačnog izvršenja obaveza investiranja-ulaganja kupac Teleoptic d.o.o. Sarajevo je dostavio Agenciji nalaz i mišljenje ovlaštene revizorske kuće o ispunjenju ugovorenih obaveza po osnovu investiranja-ulaganja, a što je provisano članom 16. Pravilnika.

Kupac je u ugovorenom periodu izvršio obaveze iz Ugovora br. 21-04/2-19-629-137/NPNP.

Na osnovu finansijskih izvještaja preduzeća može se zaključiti da isto nakon privatizaciju uspješno posluje (bilježi pozitivne finansijske rezultate) već dvadeset godina, te su ispunjeni ciljevi privatizacije: ubrzavanje razvoja, poboljšanje finansijske profitabilnosti preduzeća, stvaranje konkurencije, uvođenje novih tehnologija i sl.

## **9. ENERGOINVEST – TERMOAPARATI“ – TAT D.D. SARAJEVO**

Rješenjem broj 01-02-01-321/24 od 12.08.2024. godine pokrenuta je revizija privatizacije “Energoinvest -Termoaparati (TAT)” D.D. Sarajevo. Odlukom broj 01-02-1-321-1/24 od 12.08.2024. godine su imenovani su ovlašteni revizori Agencije. Nakon provedenog postupka revizije sačinjen je Nacrt izvještaja broj 02-15-1-331-27/24 od 04.12.2024. godine. Na Nacrt izvještaja aktom broj: TAT-HM-II-91/2024 od 20.12.2024. godine, dostavljene su primjedbe i prijedlozi, koji su uvršteni u Nacrt, nakon čega je sačinjen Izvještaj o reviziji privatizacije “Energoinvest – Termoaparati (TAT)” D.D. Sarajevo 02-15-1-331-29/24 od 23.12.20124. godine.

Revizijom postupka privatizacije je utvrđeno da je postupak privatizacije privrednog društva Energoinvest - Termoaparati d.d. – Sarajevo proveden u skladu sa važećim zakonima i ostalim propisima.

Temeljni kapital (100% državni) u iznosu od 48.920.228,80 KM je privatizovan putem javne ponude dionica u drugom krugu. Upisani kapital kupaca je iznosio 9.184.631,20 KM, dakle 18,70% u odnosu na ponuđeni kapital. Upisom kapitala stečene su 3.913.603 dionica, nominalne vrijednosti 12,50 KM. Vlasnicima dioničkog kapitala postalo je 27 dioničara.

Iako je privatizacija provedena zakonito ista nije polučila efekte privrednog rasta i povećanja zaposlenost što je osnovni cilj privatizacije. U trenutku privatizacije bilo je 253 zaposlena radnika, dok na dan 31.12.2018. godine Društvo nije imalo zaposlenih. Rješenjem Općinskog suda u Sarajevu broj: 65 0 St 142104 10 St od 25.02.2011. godine otvoren je stečajni postupak.

Postupak privatizacije privrednog društva „Energoinvest – termoaparati“ – TAT d.d. Sarajevo - u stečaju proveden je u skladu s Zakonom o privatizaciji preduzeća

---

(„Službene novine Federacije BiH“, broj: 27/97, 8/99, 32/00, 45/00, 54/00, 61/01), Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99), Uredbom o metodologiji za pripremu programa i izradu Početnog bilansa stanja preduzeća za privatizaciju ("Službene novine Federacije BiH", br. 10/98, 26/98, 49/99 i 40/00) i drugim propisima, u pogledu procedura, dokumenata, poslovnih knjiga i računovodstveno – finansijskih izvještaja. Izvještaj o obavljenoj reviziji pretvorbe i privatizacije je sastavni dio ovog rješenja.

Na osnovu provedenog postupka revizije privatizacije privrednog društva „Energoinvest – termoaparati“ – TAT d.d. Sarajevo - u stečaju, sačinjen je Nacrt izvještaja o izvršenoj reviziji pretvorbe i privatizacije broj 02-15-1-331-27/24 od 04.12.2024. godine. Postupajući u skladu sa odredbama člana 16. Zakona o reviziji privatizacije u Federaciji BiH, Agencija za reviziju privatizacije u Federaciji BiH je dostavila Nacrt izvještaja o izvršenoj reviziji pretvorbe i privatizacije „Energoinvest-termoaparati“-TAT d.d. Sarajevo - u stečaju, upravi društva na komentar/očitovanje. Društvo je u zakonskom roku dostavilo komentar na Nacrt izvještaja, koji je uvršten u izvještaj nakon čega je sačinjen konačan Izvještaj o izvršenoj reviziji pretvorbe i privatizacije broj: 02-15-1-331-29/24 od 23.12.2024. godine. Revizijom su obuhvaćeni dokumenti, odluke, poslovne knjige, ugovori i akti na osnovu kojih je izvršena pretvorba i privatizacija, radi provjere da li su pretvorba i privatizacija provedeni u skladu sa odredbama Zakona o privatizaciji preduzeća („Službene novine Federacije BiH“, broj: 27/97, 8/99, 32/00, 45/00, 54/00, 61/01), i drugim posebnim propisima.

Na osnovu prikupljene i analizirane dokumentacije, revizijom je utvrđeno:

Revizijom je utvrđeno da je postupak privatizacije „Energoinvest-termoaparati“-TAT d.d. Sarajevo- u stečaju proveden u skladu sa Zakonom o privatizaciji preduzeća i drugim propisima.

Procedure, dokumenti, poslovne knjige i računovodstveno finansijski izvještaji koji su korišteni za pripremu Početnog bilansa za privatizaciju „Energoinvest-termoaparati“-TAT d.d. Sarajevo- u stečaju su sačinjeni i izvršeni u skladu sa Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99). Program privatizacije je u skladu Uredbom o metodologiji za pripremu Programa i izradu Početnog bilansa stanja preduzeća za privatizaciju ("Službene novine Federacije BiH", br. 10/98, 26/98, 49/99 i 40/00). Početni bilans je sadržavao Aktivni i Pasivni podbilans, a Neutralni podbilans je vodila firma matica Energoinvest d.d. Sarajevo.

Rješenjem Agencije za privatizaciju u Federaciji BiH broj: 01-02-4457/2000 od 27.09.2000. godine odobren je Program privatizacije i Početni bilans Energoinvest - Termoaparati d.d. – Sarajevo sa strukturom kapitala iskazanom u Aktivnom podbilansu na dan 31.12.1999. godine kako slijedi: Državni kapital 54.201.493,80 KM 100%.

---

Iz Aktivnog podbilansa, do konačnog rješenja OHR-a po pitanju dvojno iskazane imovine, privremeno je isključena imovina i pripadajući iznos kapitala odmarališta u Neumu, knjigovodstvene vrijednosti 5.281.265 KM.

Državni kapital za prodaju, po umanjenju za pripadajući iznos kapitala dvojno iskazane imovine, iznosi 48.920.228,80 KM.

Rješenjem je odobrena prodaja državnog kapitala u iznosu od 48.920.228,80 KM metodom javne ponude dionica.

U Početnom bilansu za privatizaciju dioničko društvo „Energoinvest – Termoaparati“-TAT d.d. Sarajevo – u stečaju je imalo, pored aktivnog podbilansa, iskazane stavke na poziciji Pasivnog podbilansa u iznosu od 71.586.645,00 KM, a isti su činile ratne štete na objektima u iznosu od 6.586.645,00 KM i ratne štete na opremi u iznosu od 65.000.00,00 KM.

U Početnom bilansu za privatizaciju dioničko društvo „Energoinvest – Termoaparati“-TAT d.d. Sarajevo- u stečaju nije imalo iskazane stavke u Neutralnom podbilansu. U skladu sa odlukom Upravnog odbora Energoinvesta d.d. cjelokupan stambeni fond vodi se u poslovnim knjigama Energoinvesta d.d. Sarajevo, što je navedeno u Rješenju o rezultatima revizije predhodno izvršene vlasničke transformacije broj: UP-02-1006-15/99 od 15.04.1999. godine.

Cjelokupni temeljni kapital (100% državni) u iznosu od 48.920.228,80 KM je privatizovan putem javne ponude dionica u drugom krugu. Upisani kapital kupaca je iznosio 9.184.631,20 KM, dakle 18,70% u odnosu na ponuđeni kapital. Upisom kapitala stečene su 3.913.603 dionica, nominalne vrijednosti 12,50 KM. Vlasnicima dioničkog kapitala postalo je 27 dioničara.

Agencija za privatizaciju u FBiH je donijela Rješenje kojim se odobrava upis u sudski registar izvršene privatizacije državnog kapitala u vrijednosti od 48.920.228,80 KM, koja čini ukupni osnovni kapital preduzeća „Energoinvest – Termoaparati“ d.d. Sarajevo broj: 01-03-5584/2001 od 29.11.2001. godine. Preduzeće je bilo dužno oblik, firmu, temeljni kapital i statut uskladiti sa odredbama Zakona o privrednim društvima, što je i izvršeno.

## **10. „INDUSTRIJA GRAĐEVINSKOG MATERIJALA POSUŠJE“ SA P.O. POSUŠJE**

Postupak privatizacije privrednog društva „Industrija građevinskog materijala Posušje“ sa p.o. Posušje nije proveden u skladu sa Zakonom o privatizaciji preduzeća („Sl. novine Federacije BiH“, br. 27/97, 8/99, 32/00, 45/00, 54/00, 61/01, 27/02, 33/02) i drugim propisima. Sastavni dio ovog rješenja čini Izvještaj o reviziji privatizacije privrednog društva „Industrija građevinskog materijala Posušje“ sa p.o. Posušje.

Rješenjem Agencije za reviziju privatizacije u FBiH broj: 01-02-1-288/24 od 13.06.2024. godine pokrenut je postupak revizije privatizacije privrednog društva

---

„Industrija građevinskog materijala Posušje“ sa p.o. Posušje, na osnovu člana 14. Zakona o reviziji privatizacije državnog kapitala u privrednim društvima i bankama („Službene novine Federacije BiH“ broj: 55/12). Revizijom su obuhvaćeni dokumenti, odluke, poslovne knjige, i akti na osnovu kojih je izvršen postupak privatizacije, radi provjere da li su isti provedeni u skladu sa odredbama Zakona o privatizaciji preduzeća, Zakona o početnom bilansu stanja preduzeća i banaka, i drugim posebnim propisima. Nakon provedenog postupka revizije privatizacije privrednog društva „Industrija građevinskog materijala Posušje“ sa p.o. Posušje, na osnovu utvrđenih činjenica i prikupljenih dokaza, sačinjen je Izvještaj o izvršenoj reviziji broj: 02-15-1-291-16/24 od 18.10.2024. godine, koji čini sastavni dio ovog Rješenja.

U postupku revizije utvrđeno je da društvo „Industrija građevinskog materijala Posušje“ sa p.o. Posušje nije provelo postupak vlasničke transformacije, u skladu sa Zakonom o prometu i raspolaganju društvenim kapitalom ("Službeni list SFRJ", br. 84/89 i 46/90).

Revizijom je utvrđeno da postupak privatizacije privrednog društva „Industrija građevinskog materijala Posušje“ sa p.o. Posušje nije proveden u skladu sa Zakonom o privatizaciji preduzeća („Sl. novine Federacije BiH“, br. 27/97, 8/99, 32/0045/00, 54/00, 61/01, 27/02, 33/02) i drugim propisima.

Kupac nije ispunio obaveze iz člana 2. i 3. Ugovora o kupoprodaji broj: 149/2003 od 17.03.2003. godine, šifra tendera: 080100035. Članom 2. Ugovora Kupac se obvezao na preuzimanje postojeća 63 djelatnika i rješavanje njihovog radno pravnog statusa, i osiguranja svih prava utvrđena radnim zakonodavstvom, kolektivnim ugovornim aktima poduzeća. Članom 3. Ugovora Kupac se obvezao investirati u poduzeće ukupan iznos od 915.140,40 KM u roku od jedne godine po preuzimanju poduzeća, o čemu je dužan podnijeti Agenciji ili njenom pravnom sljedniku koncem godine nalaz neovisnog revizora o izvršenom ulaganju, uz priloženu vjerodostojnu dokumentaciju.

Presudom Općinskom suda u Širokom Brijegu broj: 64 0 P 004434 08 P od 28.09.2010. godine utvrđeno je da je raskinut ugovor o kupoprodaji predmeta tendera broj: 08080100035 od 17.03.2003. godine i Aneksi ugovora o kupoprodaji od 16.06.2003. godine, 04.11.2004. godine, i 30.03.2005. godine sklopljeni između tužitelja Agencije za privatizaciju ŽZH i tuženika Tomislava Marića. Presudom je takođe utvrđeno da ne postoji obveza tužitelja za povrat uplate u gotovini u iznosu od 98.981,90 KM, te uplate u certifikatima u iznosu od 890.937,10 KM, te je utvrđena obaveza tuženika da vrati predmet kupoprodaje tendera u roku 30 dana.

Iz Ugovora o kupoprodaji predmeta tendera od 17.03.2003. godine utvrđeno je da su tužitelj i tuženik 17.03.2003. godine zaključili kupoprodajni ugovor, da je predmet kupoprodaje dio državnog kapitala u iznosu od 989.819,00 KM ili 67% od ukupnog kapitala poduzeća IGM s.p.o. Posušje, da je cijena predmeta kupnje 989.819,00 KM, da se kupac obavezao na obavljanje temeljne djelatnosti poduzeća i preuzimanje 65 uposlenika poduzeća i rješavanje njihovog radno-pravnog statusa, da se obvezao u skladu sa biznis planom uložiti u opremu i postrojenja iznos od 915.140,40 KM u roku od jedne godine, da

---

se točke 1, 2 i 3 čl. 3. Ugovora smatraju bitnim sastojcima ugovora i u slučaju njihova neispunjenja od strane kupca ugovor će se smatrati raskinutim po zakonu, da će u slučaju neispunjavanja ugovornih obveza od strane kupca prodavatelj zadržati uplaćeni dio kupoprodajne cijene, da je prodavatelj u javnom pozivu naveo materijalne nedostatke predmeta tendera koji su mu poznati, a nije odgovoran za eventualne skrivene nedostatke predmeta prodaje, da je prodavatelj odgovoran za predmet prodaje ukoliko treća osoba postavi zahtjev koji isključuje, umanjuje ili ograničava kupčevo pravo, a o čijem postojanju kupac nije obaviješten niti je pristao da kupi stvar opterećenu tim pravom.

Sud je utvrdio da je kupac temeljem ugovora o kupoprodaji predmeta tendera uplatio 98.981,00 KM u gotovini i 890.837,00 KM u privatizacijskim certifikatima, da je kupac zadržao temeljnu djelatnost, da na dan 31.12.2005. godine nije bilo sklopljenih ugovora o radu i da do navedenog dana nisu plaćene obveze za MIO preuzete početnom bilancom za privatizaciju, da je društvo obračunavalo samo doprinose za MIO za 63 uposlenika za 2001, 2002., i 2003.

godinu, sve doprinose za jednog uposlenika u 2004. godini i samo doprinos za MIO za 57 uposlenika u 2005. godini, da kupac nije mogao doći u posjed zemljišta navedenog u početnoj bilanci za privatizaciju, da glede ulaganja u opremu i postrojenje prema biznis planu nema dokaza o unosu, nema navedene opreme u knjigama ni na popisnim listama zaključno do 31.12.2005. godine, da u analitičkoj bilanci od 31.12.2005. godine nema ulaganja koja se vode na kontima kapitala vezana za unos po ugovoru o kupoprodaji predmeta tendera vezano za opremu niti drugih ulaganja, da uvjeti ugovora broj 149/2003 sa navedenim aneksima nisu ispunjeni realno i objektivno u svim značajnijim aspektima sukladno općeprihvaćenim računovodstvenim načelima.

Utvrđeno je da Kupac nije ispunio obvezu iz Ugovora o kupoprodaji predmeta tendera od 17.03.2003. godine u roku godine dana, odnosno rokovima prolongiranim aneksima ugovora i odlukom Upravnog odbora tužitelja do 31.12.2005. godine, da nije riješio radno-pravni status 63 uposlenika, niti izvršio investiciona ulaganja u skladu sa biznis planom u iznosu od 915.140,40 KM, da ne postoje dokazi o isplaćenim doprinosima za određeni broj uposlenika, da je čl. 6. Ugovora propisano da će Prodavatelj u slučaju neispunjenja ugovornih obaveza zadržati uplaćeni dio kupoprodajne cijene, da sukladno čl. 124-132. Zakona o obveznim odnosima strana koja nije ispunila svoju obvezu ne može zahtijevati raskid ugovora, da se tuženik ne može pozivati da je doveden u zabludu odnosno da je prevaren glede vlasništva nekretnina Ričine i Dočić, obzirom da je u javnom pozivu navedeno da radnje (kupovine i dodjele) nisu provedene u zemljišnim knjigama i katastru Općine Posušje, tako da se vode na drugim subjektima. Presudom Županijskog suda Široki Brijeg broj: 64 0 P 004434 10 GŽ od 31.11.2010. godine žalba Kupca tuženika protu tužitelja izjavljena protiv prvostepene presude je odbijena, i presuda Općinskog suda u Širokom Brijegu broj: 64 0 P 004434 08 P potvrđena u cijelosti.

---

## 11. ŠTAMPARIJA FOJNICA” D.D. FOJNICA

Rješenjem broj 01-02-01-287/24 od 13.06.2024. godine pokrenuta je revizija privatizacije “Štamparija Fojnica” d.d. Fojnica. Za provođenje postupka revizije, Odlukom broj 01-02-1-287-1/24 od 13.06.2024. godine, imenovani su ovlašteni revizori Agencije. Nakon provedenog postupka sačinjen je Nacrt izvještaja broj 02-15-1-290-18/24 od 08.10.2024. godine. Na Nacrt izvještaja nije bilo prigovora u predviđenom roku, te je sačinjen Izvještaj o obavljenoj reviziji privatizacije “Štamparija Fojnica” d.d. Fojnica broj 02-15-1-290-19/24 od 04.11.2024. godine.

Revizijom postupka privatizacije je utvrđeno da je postupak privatizacije privrednog društva „Štamparija Fojnica“ d.d. Fojnica proveden u skladu sa zakonskim i drugim propisima.

Procedure, dokumenti, poslovne knjige i računovodstveno finansijski izvještaji koji su korišteni za pripremu Početnog bilansa za privatizaciju „Štamparija Fojnica“ d.d. Fojnica su sačinjeni i izvršeni u skladu sa Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99). Preduzeće je pripremio Program privatizacije u skladu Uredbom o metodologiji za pripremu Programa i izradu Početnog bilansa stanja preduzeća za privatizaciju ("Službene novine Federacije BiH", br. 10/98, 26/98, 49/99 i 40/00). Na osnovu člana 9. Zakona o privatizaciji preduzeća ("Službene novine Federacije BiH" broj: 27/97), direktor Agencije za privatizaciju ŽSB/SBK donio je Rješenje broj: 03-19-792/1-2000 od 10.02.2000. godine o odobravanju početnog bilansa preduzeća „Štamparija Fojnica“ d.d. Fojnica. Početni bilans je sadržavao Aktivni, Pasivni i Neutralni podbilans.

Revizijom je konstatovano da su u društvu Štamparija FOJNICA d.o.o. Fojnica, izvršena ulaganja i zapošljavanje u cijelosti, na osnovu Ugovora o kupoprodaji predmeta tendera broj: 281/00 od 26.04.2000. godine.

Postupak vlasničke transformacije privrednog društva „Štamparija FOJNICA“ d.d. Fojnica je proveden u skladu sa Zakonom o društvenom kapitalu („Službeni list RBiH“, broj 2/92), Zakonom o isplati ličnih dohodaka, sredstava za neposrednu zajedničku potrošnju i sredstava za ishranu radnika u toku rada („Službeni list SFRJ“, broj 37/90 i 84/90) i Uredbom o reviziji prethodno izvršene vlasničke transformacije (Sl. Novine FBiH, br. 1/98, 16/99).

Postupak privatizacije privrednog društva „Štamparija FOJNICA“ d.d. Fojnica proveden je u skladu s Zakonom o privatizaciji preduzeća („Službene novine Federacije BiH“, broj: 27/97, 8/99, 32/00, 45/00, 54/00, 61/01), Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99), Uredbom o metodologiji za pripremu programa i izradu Početnog bilansa stanja preduzeća za privatizaciju ("Službene novine Federacije BiH", br. 10/98, 26/98, 49/99 i 40/00) i drugim propisima, u pogledu procedura, dokumenata, poslovnih knjiga i računovodstveno-finansijskih izvještaja. Izvještaj o obavljenoj reviziji pretvorbe i privatizacije je sastavni dio ovog rješenja.

---

Na osnovu provedenog postupka revizije pretvorbe i privatizacije privrednog društva „Štamparija FOJNICA“ d.d. Fojnica, sačinjen je Nacrt izvještaja o izvršenoj reviziji pretvorbe i privatizacije broj 02-15-1-290-18/24 od 08.10.2024. godine. Postupajući u skladu sa odredbama člana 16. Zakona o reviziji privatizacije u Federaciji BiH, Agencija za reviziju privatizacije u Federaciji BiH je dostavila Nacrt izvještaja o izvršenoj reviziji pretvorbe i privatizacije „Štamparija FOJNICA“ d.d. Fojnica, upravi društva na komentar/očitovanje. Društvo u zakonskom roku nije dostavilo komentar na Nacrt izvještaja, nakon čega je sačinjen konačan Izvještaj o izvršenoj reviziji pretvorbe i privatizacije broj: 02-15-1-290-19/24 od 04.11.2024. godine. Revizijom su obuhvaćeni dokumenti, odluke, poslovne knjige, ugovori i akti na osnovu kojih je izvršena pretvorba i privatizacija, radi provjere da li su pretvorba i privatizacija provedeni u skladu sa odredbama Zakona o privatizaciji preduzeća („Službene novine Federacije BiH“, broj: 27/97, 8/99, 32/00, 45/00, 54/00, 61/01), i drugim posebnim propisima.

Na osnovu prikupljene i analizirane dokumentacije, revizijom je utvrđeno:

Shodno Programu privatizacije i dostavljenoj dokumentaciji utvrđeno je da je društvo Štamparija Fojnica d.d. Fojnica izvršilo prethodnu vlasničku transformaciju u skladu sa odredbama Zakona o društvenom kapitalu („Sl. list R BiH“ br. 2/92) i Zakona o isplati ličnih dohodaka, sredstava za neposrednu zajedničku potrošnju i sredstava za ishranu radnika u toku rada („Sl. list SFRJ“ br. 37/90 i 84/90).

Reviziju prethodne vlasničke transformacije je vršila revizorska kuća „Revsar“ d.o.o. Sarajevo. Na osnovu raspoložive dokumentacije utvrđena je knjigovodstvena vrijednost i vlasnička struktura kapitala „Štamparija Fojnica d.d. Fojnica po stanju na dan 31.12.1991. i 31.12.1997. godine. „Revsar“ d.o.o. Sarajevo je dana 19.03.1999. godine izdao Rješenje o rezultatima prethodno izvršene vlasničke transformacije kod dioničkog društva „Štamparija Fojnica“ d.d. Fojnica, broj: UP-I-02-15/99. Revizijom je ustanovljena struktura kapitala i to 80,34354% državni kapital koji je iznosio nominalno 3.408.987,00 KM, a privatni je bio 19,65646% nominalne vrijednosti 834.026,00 KM.

Ovom revizijom je utvrđeno da je, u roku predviđenom članom 206. Zakona o upravnom postupku, izvršeno knjiženje navedeno u Rješenju, te je usklađena vrijednost kapitala prema Rješenju broj UP-I-02-15/99 od 19.03.1999. godine, nakon čega je sačinjen Početni bilans stanja.

Revizijom je utvrđeno da je postupak privatizacije „Štamparija Fojnica d.d. Fojnica proveden u skladu sa Zakonom o privatizaciji preduzeća i drugim propisima.

Procedure, dokumenti, poslovne knjige i računovodstveno finansijski izvještaji koji su korišteni za pripremu Početnog bilansa za privatizaciju „Štamparija Fojnica“ d.d. Fojnica su sačinjeni i izvršeni u skladu sa Zakonom o početnom bilansu stanja preduzeća i banaka („Službene novine Federacije BiH“, br. 12/98, 40/99). Program privatizacije je u skladu Uredbom o metodologiji za pripremu Programa i izradu Početnog bilansa stanja preduzeća za privatizaciju („Službene novine Federacije BiH“, br. 10/98, 26/98, 49/99 i 40/00). Na

---

osnovu člana 9. Zakona o privatizaciji preduzeća ("Službene novine Federacije BiH" broj: 27/97), Agencija za privatizaciju ŽSB/SBK donijela je Rješenje broj: 03-19-792/1-2000 od 10.02.2000. godine o odobravanju početnog bilansa preduzeća „Štamparija Fojnica“ d.d. Fojnica. Početni bilans je sadržavao Aktivni, Pasivni i Neutralni podbilans.

U okviru Pasivnog podbilansa od 1.500,00 KM koji se odnosi na salda potraživanja preduzeća od Federacije po osnovu isporuka gotovih proizvoda, repromaterijala i opreme i obaveza poduzeća prema Federaciji po osnovu neplaćenih carina, poreza, doprinosa i finansijskih pozajmica. U aktivni su za navedeni iznos smanjene zalihe u Aktivnom podbilansu, a u pasivi je smanjen kapital za isti iznos.

U Neutralnom podbilansu „Štamparija Fojnica“ d.d. Fojnica je u aktivni na poziciji materijalnih sredstava- stanova, imala iskazan iznos od 419.118,00 KM. Za ovaj iznos su umanjena materijalna sredstva u aktivnom podbilansu, a u pasivi aktivnog podbilansa, je za navedeni iznos umanjen državni / društveni kapital. Nakon umanjenja za iznos pasivnog i neutralnog dijela od ukupno 420.618,00 KM, kapital je iznosio u aktivnom podbilansu 4.271.750,00 KM, a isti je bio predmet privatizacije nakon odobravanja Početnog bilansa od strane Agencije za privatizaciju srednjobosanskog kantona aktom broj: 09-19-792/1-2000 od 10.02.2000. godine. U okviru iznosa 419.118,00 KM je bila proknjižena neto knjigovodstvena vrijednost 11 stanova ukupne površine 619 m<sup>2</sup>, a prosječne površine 56,27 m<sup>2</sup>. Vrijednost jednog m<sup>2</sup> stana u okviru građevinske vrijednosti stanova od 371.400,00 KM je iznosila 600,00 KM. Ukupna bruto knjigovodstvena vrijednost stanova je iznosila 519.274,00 KM, a ispravka vrijednosti je bila 100.156,00 KM što je dalo u razlici neto knjigovodstvenu vrijednost stanova u iznosu od 419.118,00 KM.

Ukupan kapital je iznosio u Aktivnom podbilansu 5.317.222,00 KM i nalazio se na klasi 4, tako što je državni /društveni kapital od 4.271.750,00 KM bio evidentiran na grupi konta 40, a iznos od 1.045.472,00 KM je bio evidentiran na grupi konta 47 – vlastite dionice koje drži preduzeće, dionički kapital kako je navedeno u Programu privatizacije.

Upravni odbor Agencije za privatizaciju u SBK/ŽSB ja dana 18.02.2000. godine donio Odluku o odobravanju Programa privatizacije broj: 04-19-1485/2000. Iznos državnog/društvenog kapitala koji se privatizira je 4.271.750,00 KM što predstavlja 80,33% ukupnog kapitala preduzeća. Državni/društveni kapital će se prodati metodom javnog prikupljanja ponuda (tender) u velikoj privatizaciji.

Upravni odbor Agencije za privatizaciju u SBK/ŽSB ja dana 18.02.2000. godine donio Odluku broj: 04-19-1485-1/2000, u kojoj je definisano da se privatizacija preduzeća d.d. Štamparija „Svjetlost Fojnica“ vrši prodajom paketa dionica koji predstavlja 80,33 % državnog kapitala društva i početne vrijednosti 4.271.750,00 KM.

---

Javni poziv za prikupljanje zatvorenih ponuda za prodaju kapitala objavljen je u dnevnim novinama „Dnevni avaz“ 02.03.2000. godine broj 323. Na javni poziv prispjela je jedna ponuda.

Agencija za privatizaciju u ŽSB/SBK i Buljina Šehzija iz Fojnice, zaključili su Ugovor o kupoprodaji predmeta tendera od 26.04.2000. godine, broj ugovora: 281/00.

Članom 1. definisano je da je predmet kupoprodaje paket dionica državnog kapitala društva Štamparija „Svjetlost-Fojnica“ d.d. Fojnica, koji predstavlja 80,33% ukupnog kapitala Društva koji je utvrđen početnim bilansom društva i koji iznosi 4.271.750,00 KM.

Ovom revizijom je konstatovano da su u društvu Štamparija FOJNICA d.o.o. Fojnica, izvršena ulaganja i zapošljavanje u cijelosti, na osnovu Ugovora o kupoprodaji predmeta tendera broj: 281/00 od 26.04.2000. godine.

Članom 3. Ugovora, Kupac se obavezao ispuniti sljedeće:

1. Zadržavanje 45 radnika preduzeća Štamparija „Svjetlost-Fojnica“ Fojnica i dodatno zapošljavanje 7 novih radnika, sve na period od tri (3) godine počev od dana preuzimanja predmeta kupoprodaje iz ovog Ugovora;
2. investirati u preduzeće (unos nove opreme i tehnologije) u iznosu od 320.000,00 KM, u periodu od 1 godine od potpisivanja Ugovora, po dinamici koja je utvrđena planom investiranja, koji je prilog Ugovora.

Agencija za privatizaciju SBK donijela je rješenje broj: 01-19-2919/2000 od 25.05.2000. godine o odobravanju upisa izvršene privatizacije u sudski registar sa kapitalom koji je utvrđen početnim bilansom stanja preduzeća koji iznosi 4.271.750,00 KM i koji predstavlja 80,33%. Nakon prodaje državnog kapitala utvrđen je ukupan dionički kapital sa stanjem 31.12.1999. godine, u ukupnom iznosu od 5.317.222,00 KM, koji je u vlasništvu fizičkih osoba.

Analizom bilansa stanja i uspjeha kao i drugih dokumenata u setu finansijskih izvještaja, za period 31.12.2003. godina do 31.12.2023. godina, utvrđeno je da je „Štamparija Fojnica“ d.d. Fojnica uspješno poslovala. Svake poslovne godine u pomatranom periodu nakon privatizacije poslovni rezultat je bila dobit, tako da je generisano ukupno 386.658,00 KM dobiti, a pri tome je broj radnika prosječno bio 45, kao i u trenutku kupovine društva.

## **12. „ANTIKOROZIJA – ILIJAŠ“ ILIJAŠ, sa p.o**

Na osnovu odredbi Zakona o reviziji privatizacije državnog kapitala u privrednim društvima i bankama ("Službene novine Federacije BiH", br. 55/12), u skladu sa revizorskim standardima Međunarodne organizacije vrhovnih revizijskih institucija – INTOSAI ("Službene novine Federacije BiH", br. 30/11 i 62/14) i Etičkim kodeksom profesionalne etike revizora, na osnovu Rješenja Agencije za reviziju privatizacije u Federaciji BiH broj: 01-02-1-337/24 od 28.08.2024. godine, pokrenut postupak revizije

---

privatizacije privrednog društva „ANTIKOROZIJA“ ILIJAŠ (preimenovano u društvo DEBOS d.o.o. Sarajevo). Prikupljena je obimna dokumentacija potrebna za obavljanje revizije ovog privrednog društva.

Postupak privatizacije Preduzeća za antikorozivnu zaštitu „ANTIKOROZIJA – ILIJAŠ“ ILIJAŠ, sa p.o., proveden je u skladu s Zakonom o privatizaciji preduzeća („Službene novine Federacije BiH“, broj: 27/97), Zakonom o početnom bilansu stanja preduzeća i banaka („Službene novine Federacije BiH“, br. 12/98), Uredbom o metodologiji za pripremu programa i izradu Početnog bilansa stanja preduzeća za privatizaciju („Službene novine Federacije BiH“, br. 10/98, 26/98) i drugim propisima, u pogledu procedura, dokumenata, poslovnih knjiga i računovodstveno – finansijskih izvještaja. Izvještaj o obavljenoj reviziji pretvorbe i privatizacije je sastavni dio ovog rješenja.

Na osnovu provedenog postupka revizije privatizacije Preduzeća za antikorozivnu zaštitu „ANTIKOROZIJA-ILIJAŠ“ ILIJAŠ, sa p.o., sačinjen je Nacrt izvještaja o izvršenoj reviziji pretvorbe i privatizacije broj: 02-15-1-346-20/24 od 06.12.2024. godine, koji je dostavljen Upravi društva na očitovanje 09.12.2024. godine. Privredno društvo „DEBOS“ d.o.o. Sarajevo, kao pravni sljednik društva „Antikorozijska Ilijaš“ d.o.o. Ilijaš se, aktom broj: 45-4/24 od 16.12.2024. godine dostavljenim putem punomoćnika-advokata, očitovalo da nema primjedbe na dostavljeni Nacrt izvještaja, nakon čega je Agencija za reviziju privatizacije u Federaciji BiH sačinila konačan izvještaj o reviziji pretvorbe i privatizacije društva „Antikorozijska Ilijaš“ Ilijaš, sa p.o. broj: 02-15-1-346-22/24 od 19.12.2024. godine.

Na osnovu prikupljene i analizirane dokumentacije, utvrđeno je sljedeće:

Procedure, dokumenti, poslovne knjige i računovodstveno finansijski izvještaji koji su korišteni za pripremu Početnog bilansa za privatizaciju Preduzeća za antikorozijsku zaštitu „Antikorozijska – Ilijaš“ Ilijaš sa potpunom odgovornošću Ilijaš su sačinjeni i izvršeni u skladu sa Zakonom o početnom bilansu stanja preduzeća i banaka („Službene novine Federacije BiH“, br. 12/98, 40/99). Preduzeće je pripremio Program privatizacije u skladu Uredbom o metodologiji za pripremu Programa i izradu Početnog bilansa stanja preduzeća za privatizaciju („Službene novine Federacije BiH“, br. 10/98, 26/98 i 49/99). Početni bilans je sadržavao Aktivni, Pasivni podbilans i Neutralni podbilans. Rješenjem Kantonalne agencije za privatizaciju Sarajevo broj: 21-04/2-19-1538-1 od 30.09.1999. godine odobren je Program privatizacije i početni bilans Preduzeća za antikorozivnu zaštitu „ANTIKOROZIJA – ILIJAŠ“ Ilijaš sa p.o., dostavljen Kantonalnoj agenciji za privatizaciju Sarajevo pod brojem 21-04/7-19-1538 od 30.09.1999. godine. Privatizirao se iznos od 446.480,00 KM, što je iznos državnog/društvenog kapitala preduzeća „ANTIKOROZIJA – ILIJAŠ“ Ilijaš. Iznos državnog/društvenog kapitala prodavao se metodom tendera. Na javni poziv Kantonalne agencije za privatizaciju Sarajevo objavljen 24.09.1999. godine za prikupljanje zatvorenih ponuda za prodaju preduzeća „ANTIKOROZIJA – ILIJAŠ“ Ilijaš stigla je jedna ponuda, koju je Agencija ocijenila formalno ispravnom. Kantonalna

---

agencija za privatizaciju Sarajevo je 11.11.1999. godine sa ponuđačima zaključila Ugovor o kupoprodaji preduzeća za antikorozionu zaštitu „Antikorozija – Ilijaš“ Ilijaš broj: 21-04/7-19-1538/7. Kupci su izvršili obavezu plaćanja kupoprodajne cijene u iznosu od 127.565,72 KM, po sljedećoj specifikaciji: gotovinski dio u iznosu od 44.648,00 KM Kupci su uplatili kao depozit na račun Kantonalne agencije za privatizaciju Sarajevo u roku utvrđenim javnim pozivom, čime je ispunjena obaveza Kupaca plaćanja najmanje 35% kupoprodajne cijene u gotovini, a prestali dio cijene u iznosu od 82.917,72 KM uplaćen je u certifikatima. Kupci su 23.11.1999. godine izvršili uplatu cjelokupnog iznosa kupoprodajne cijene, čime su se stekli uvjeti za predaju predmeta prodaje koja je izvršena 30.11.1999. godine.

Članom 3. Ugovora Kupci su bili obavezni ispuniti sljedeće uvjete:

3.1. Zadržati postojećih 19 uposlenih radnika na period od 3 godine i zaposliti još 7 radnika u periodu od 2 godine od dana potpisivanja Ugovora.

3.2. Kupci su dužni zadržati osnovnu djelatnost preduzeća upisanu kod Zavoda za statistiku, pod šifrom 050302 i istu proširiti sa proizvodnom djelatnošću.

3.3. Kupci su dužni izvršiti ulaganja u nabavku opreme u iznosu od 120.000,00 KM u roku od 18 mjeseci.

Rješenjem Kantonalne agencije za privatizaciju Sarajevo broj: 21-04/7-19-1538-9 od 23.12.1999. godine odobren je upis u sudski registar izvršene privatizacije.

U skladu sa odredbama Ugovora o kupoprodaji Agencija za privatizaciju je izvršila tri kontrole izvršenja ugovornih obaveza i to: 17.08.2000. godine, 31.05.2001. godine i 19.02.2002. godine. Posljednjim Zapisnikom o kontroli ugovora Agencije broj: 21-04/7-19-1538-8 od 19.02.2002. godine konstatovano je da je broj zadržanih radnika: 16 (1 sporazumni raskid, 1 penzija i 1 smrt). Broj zaposlenih po Ugovoru: 9. Ukupno 25 radnika. Osnovna djelatnost preduzeća je zadržana. U izgradnju radionica i renoviranje postojećih objekata uloženo je 53.116,87 KM, a za nabavku mašina i opreme 74.076,00 KM. Na spisku zaposlenih radnika „Antikorozija-Ilijaš“ na dan 01.02.2002. godine nalazi se 25 radnika.

„Antikorozija-Ilijaš“ društvo sa ograničenom odgovornošću za antikorozivnu zaštitu Ilijaš je nakon provedenog postupka privatizacije iz godine u godinu imalo porast prihoda, pa se uočava da je ukupan prihod u 2003. godini iznosio 321.513,00 KM, dok je u 2023. godini isti iznosio 10.138.773,00 KM. Poduzeće od 2004. godine svake godine posluje sa dobiti, koja je u u 2023. godini dosegla preko 900.000 KM. Poduzeće je 2011. godine promijenilo naziv u „DEBOS“ Društvo sa ograničenom odgovornošću za građevinsko – zanatske radove i inženjering Ilijaš.

### **13. JP „ŠUME TK“ D.D. KLADANJ**

Na osnovu člana 14. stav 1. Zakona o reviziji privatizacije državnog kapitala u privrednim društvima i bankama („Službene novine Federacije BiH“, broj 55/12), od

---

27.06.2012. godine i Rješenja o pokretanju postupka revizije pretvorbe i privatizacije JP „Šume TK“ d.d. Kladanj br. 01-02-1-322/24 od 12.08.2024. godine pokrenut je postupak revizije pretvorbe i privatizacije privrednog društva JP „Šume TK“ d.d. Kladanj. Postupak revizije pretvorbe i privatizacije izvršili su ovlašteni revizori Agencije za reviziju privatizacije u Federaciji Bosne i Hercegovine u skladu sa Zakonom o reviziji privatizacije u Federaciji BiH, Zakonom o reviziji institucija u FBiH, INTOSAI standardima, te usvojenim Planom rada za 2024. godinu.

Postupak revizije proveden je u periodu od 12.08.2024. godine do 26.11.2024 godine. Revizija je obuhvatila period počev od 1991. godine, i ustanovljeno je da je u društvu vršena vlasnička transformacija, period privatizacije JP „Šume TK“ d.d. Kladanj, te period nakon privatizacije do dana završetka revizije.

Revizijom su obuhvaćeni dokumenti, odluke, poslovne knjige, ugovori i akti na temelju kojih je obavljena pretvorba i privatizacija, radi provjere da li je privatizacija provedena u skladu s odredbama Zakona o privatizaciji i drugim posebnim propisima.

Nakon provedenog postupka revizije pretvorbe i privatizacije JP „Šume TK“ d.d. Kladanj, sačinjen je Nacrt izvještaja o izvršenoj reviziji pretvorbe i privatizacije br. 02-15-1-325-19/24 od 26.11.2024. godine. Postupajući u skladu sa odredbama člana 16. Zakona o reviziji privatizacije u FBiH, Agencija za reviziju privatizacije u FBiH je 26.11.2024. godine Upravi društva JP „Šume TK“ d.d. Kladanj, dostavila Nacrt izvještaja o izvršenoj reviziji pretvorbe i privatizacije, na komentar/očitovanje koje je navedeno pravno lice bilo dužno dostaviti u roku od 15 dana od dana prijema Nacrta izvještaja. Uprava društva JP „Šume TK“ d.d. Kladanj, u zakonskom roku Agenciji nije dostavila svoj komentar na dostavljeni Nacrt izvještaja.

U preduzeću JP „Šume TK“ d.d. Kladanj bilo je prethodno izvršene vlasničke transformacije, shodno Zakonu o prometu i raspolaganju društvenim kapitalom ("Službeni list SFRJ", br. 84/89 i 46/90).

Utvrđuje se da u toku postupka privatizacije JP „Šume TK“ d.d. Kladanj nije došlo do povrede propisa koji regulišu postupak privatizacije. Sastavni dio Rješenja čini Izvještaj o izvršenoj reviziji pretvorbe i privatizacije JP „Šume TK“ d.d. Kladanj br. 02-15-1-325-20/24 od 17.12.2024. godine.

Navodi iz dispozitiva Rješenja zasnivaju se na činjeničnom stanju utvrđenom u postupku revizije i konstatovanog Izvještajem o izvršenoj reviziji pretvorbe i privatizacije državnog kapitala JP „Šume TK“ d.d. Kladanj br. 02-15-1-325-20/24 od 17.12.2024. godine, i to:

U postupku revizije je utvrđeno da je u JP „Šume TK“ d.d. Kladanj vršena prethodna vlasnička transformacija, shodno Zakonu o prometu i raspolaganju društvenim kapitalom ("Službeni list SFRJ", br. 84/89 i 46/90).

---

Predhodna vlasnička transformacija je vršena u društvu DD "MILJEVICA" Šumarstvo Kladanj, dok u ostalim društvima koja su ušla u sastav JP Šume Tuzlanskog kantona nije bilo predhodne vlasničke transformacije.

Na osnovu Zakona o društvenom kapitalu i odluke o izdavanju internih dionica radi sticanja dodatnog kapitala, u preduzeću Miljevica d.d. je u toku juna 1991. godine izvršen upis internih dionica. Otplata dionica je vršena izdvojenim sredstvima po Zakonu o ličnim dohodcima u augustu 1990. godine.

U društvu d.d. Miljevica Kladanj izvršena je revizija prethodne vlasničke transformacije, a na osnovu člana 4 stav 1 i 3 Uredbe o reviziji prethodno izvršenih vlasničkih transformacija („Službene novine FBiH“, broj:1/98) a u vezi sa članom 5 Zakona o privatizaciji preduzeća („Službene novine FBiH“, broj: 27/98).

Nakon izvršene revizije sačinjen je zapisnik i u skladu sa članom 200. Zakona o upravnom postupku („Službene novine FBiH“, broj 2/98 ) , doneseno je Rješenje broj UP-I-02-370/99 od 29.03.1999. godine o rezultatima revizije prethodno izvršene vlasničke transformacije.

Obzirom da na Rješenje nije bilo izjavljene žalbe od strane preduzeća, dioničara i Agencije za privatizaciju isto je postalo pravosnažno.

Ustanovljena je vrijednost i struktura kapitala na dan 31.12.1998. godine i to državni kapital nominalne vrijednosti 13.498.710,47 KM ili 97,52157% i dionički kapital nominalne vrijednosti 343.058,47 KM ili 2,47843%.

Obzirom da je vlasnička transformacija provedena ispravno sa pravnog aspekta, ali ne i finansijskog, preduzeću je Rješenjem broj UP-I-02-370/99 od 29.03.1999. godine, naložena ispravka u knjigovodstvenoj evidenciji kojom se kapital usaglašava po vrijednosti i strukturi sa nalazom revizije.

Ustanovljeno je da su u društvu izvršene ispravke naložene Rješenjem, te da je prilikom osnivanja društva JP Šume Tuzlanskog kantona ispravno evidentiran dionički kapital u poslovnim knjigama.

Revizijom postupka privatizacije državnog kapitala JP „Šume TK“ d.d. Kladanj, utvrđeno je da je ista provedena na zakonit način i to kako slijedi:

Preduzeće je pripremio Program privatizacije u skladu sa odredbama članova od 8. do 18. Uredbe o metodologiji za pripremu programa i izradu Početnog bilansa stanja preduzeća za privatizaciju ("Službene novine Federacije BiH", br. 10/98, 26/98, 49/99 i 40/00 ) i člana 4. Zakona o privatizaciji preduzeća.

Procedura, dokumenti, poslovne knjige i računovodstveno finansijski izvještaji koji su korišteni za pripremu Početnog bilansa za privatizaciju JP „Šume TK“ d.d. Kladanj su u skladu sa Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99). Sačinjen je Početni bilans stanja preduzeća

---

koji se sastoji od Aktivnog, Pasivnog i Neutralnog podbilansa, te isti pokazuje objektivno stanje imovine, kapitala i obaveza društva.

Preduzeće nije imalo u ukupnom bilansu stavki koje bi prema Zakonu o početnom bilansu stanja preduzeća i banaka i to člana 8. iskazalo u pasivnom podbilansu. U skladu sa članom 16. Zakona o početnom bilansu stanja preduzeća i banaka preduzeće je u neutralnom podbilansu prikazalo neto knjigovodstvenu vrijednost stanova u vrijednosti 2.076.752 KM.

Preduzeće je postupilo u skladu sa članovima 5. i 6. Zakona o privatizaciju preduzeća, tj. izvršena je revizija prethodne vlasničke transformacije po Zakonu o društvenom kapitalu (Službeni list SFRJ, br. 84/89 I 46/90), te je nalaz revizije sastavni dio početnog bilansa stanja preduzeća.

Vrijednosti u početnom bilansu stanja su iskazane u KM, sukladno članu 6. Zakona o početnom bilansu.

Preduzeće je postupilo u skladu sa članom 6. Zakona o početnom bilansu stanja preduzeća i banaka, te nakon sačinjenog početnog bilansa stanja na dan 31.12.1999. godine, sačinjavalo korigirane bilanse stanja svakih 6 (šest) mjeseci.

Pod stavkom ostalo početnog bilansa stanja preduzeće je u skladu sa članom 8. Zakona o privatizaciju preduzeća isknjižilo prirodna bogadstva (šume i šumsko zemljište) u vrijednosti 62.962.366 KM, te vrijednost dobara u općoj upotrebi (šumski putevi i lugarnice) 4.447.787, što znači da isto nije prikazalo u aktivnom podbilansu stanja.

Sačinjeni Aktivni podbilans je pregled stvari, obaveza i kapitala s kojim je preduzeće ušlo u proces privatizacije, a nakon što je odobren i prihvaćen od nadležnih organa kako je to propisano članovima 5. i 2. Zakona o početnom bilansu stanja. Nadležni organi koji su odobrili početni bilans su Upravni odbor JP „Šume Tuzlanskog kantona“ i Agencija za privatizaciju Tuzlanskog Kantona.

Na osnovu odluke Upravnog odbora agencije za privatizaciju Tuzlanskog kantona br. 19/03-021-3897/2001 od 20.08.2001 direktor Kantonalne agencije za privatizaciju donio je Rješenje broj: 19/0 1-021-3929/2001 od 23.08.2001. godine o odobravanju korigovanog početnog bilansa preduzeća JP "Šume Tuzlanskog kantona" d.d. Kladanj.

Odobren je korigovani početni bilans preduzeća JP "ŠUME TUZLANSKOG KANTONA", na dan 30.06.2001.godine, sa slijedećom veličinom i strukturom kapitala:

|                                                |                             |
|------------------------------------------------|-----------------------------|
| Ukupan kapital preduzeća iznosi                | 2.467.711,00 KM             |
| Nominalna vrijednost dioničkog kapitala iznosi | 368.734,00 KM (14,94233%)   |
| Nominalna vrijednost državnog kapitala iznosi  | 2.098.977,00 KM (85,05767%) |

Dio državnog kapitala u nominalnom iznosu od 1.258.533,00 KM (51,00% ukupnog kapitala) ostaje je državni, a preostali dio državnog kapitala u nominalnom iznosu od 840.444,00 KM (34,06% ukupnog kapitala) prodaje se u postupku velike privatizacije prodajom dionica metodom javne ponude dionica.

---

U skladu sa odredbama Pravilnika o postupku prodaje imovine i dionica ili udjela preduzeća („Službene novine F BiH“, br. 19/98, 15/99, 32/99, 36/99, 48/99, 3/00, 5/00, 7/00, 17/00, 18/00, 38/00, 52/00, 2/01, 13/01 i 42/01), te Odluke UO Agencije za privatizaciju u Federaciji Bosne i Hercegovine br. 01-02-5355/2001 od 05.11.2001. godine, Agencija za privatizaciju u Federaciji Bosne i Hercegovine, u saradnji sa kantonalnom agencijom za privatizaciju, dana 19.11.2001. godine u dnevnom listu „Dnevni avaz“ objavila je Drugi javni poziv za upis dionica u Federaciji Bosne i Hercegovine – Drugi krug.

U navedenom Pozivu na stranici 28. dnevnih novina, pod rednim brojem 18. Poziva, odnosno rednim brojem 125. Liste preuzeća nadležne Agencije za privatizaciju TK, navodi se „Šume Tuzlanskog kantona“ Tuzla. Ukupan kapital preduzeća iznosio je 2.467.711,00 KM, a isti je 85,06% državni, u nominalnoj vrijednosti 2.098.977,00 KM i 14,94% privatni, u nominalnom iznosu 368.734,00 KM. Iznos ponuđenog kapitala za prodaju putem Javnog poziva je 840.444,00 ili 34,06%.

Državni kapital koji je privatiziran po Zakonu o privatizaciji preduzeća prodat je u procesu javne ponude dionica, drugi talas - drugi krug, koji je objavljen u dnevnom listu "Dnevni avaz" dana 19.11.2001. godine, iznosi 840.444,00 KM ili 34,06% ukupnog kapitala i prodat je kupcima-dioničarima navedenim na stranama 1 do zaključno sa 23 ovjerene Liste novih dioničara, nastalih u procesu javne ponude dionica za drugi talas - drugi krug za JP "Šume Tuzlanskog kantona".

Državni kapital u nominalnom iznosu od 1.258.533,00 KM (51% ukupnog kapitala) ostaje državni.

Na osnovu člana 38. Zakona o privatizaciji preduzeća ("Sl. novine FBiH" broj 27/97) i člana 38. Zakona o početnom bilansu stanja preduzeća i banaka ("Sl. novine FBiH" broj 12/98) direktor Kantonalne agencije za privatizaciju u TK donio je Rješenje broj: 19/01-021-6013/2001 od 21.12.2001. godine kojim se odobrava se upis izvršene privatizacije u Sudski registar preduzeća JP "Šume Tuzlanskog kantona". Ovjerena Lista novih dioničara sastavni je dio Rješenja.

#### **14. SRC „VLAŠIĆ“ D.O.O. TRAVNIK**

Na osnovu odredbi Zakona o reviziji privatizacije državnog kapitala u privrednim društvima i bankama ("Službene novine Federacije BiH", br. 55/12), Zakona o reviziji institucija u Federaciji Bosne i Hercegovine ("Službene novine Federacije BiH", br. 22/06) i Rješenjem broj: 01-02-1-294/24 od 26.06.2024. godine, obavljena je revizija privatizacije privrednog društva SRC "Vlašić" d.o.o. Travnik.

Postupak revizije pretvorbe i privatizacije izvršili su ovlašteni revizori Agencije za reviziju privatizacije u Federaciji Bosne i Hercegovine, u skladu sa Zakonom o reviziji privatizacije u Federaciji Bosne i Hercegovine, te Zakonom o reviziji institucija u F BiH.

---

Postupak revizije proveden je u skladu sa revizorskim standardima Međunarodne organizacije vrhovnih revizijskih institucija – INTOSAI ("Službene novine Federacije BiH", br. 30/11 i 62/14) i Etičkim kodeksom profesionalne etike revizora.

Na osnovu provedenog postupka revizije pretvorbe i privatizacije privrednog društva SRC „Vlašić“ d.o.o. Trvnik, sačinjen je Nacrt izvještaja o izvršenoj reviziji pretvorbe i privatizacije broj 02-15-1-295-35/24 od 08.11.2024. godine. Prema odredbama člana 16. stav 2. Zakona o reviziji privatizacije državnog kapitala u privrednim društvima i bankama (Sl. Novine FBiH broj: 55/12), Nacrt izvještaja dostavljen je dana 18.11.2024. godine društvu SRC „Vlašić“ d.o.o. Travnik, na Komentar/Očitovanje.

Agencija za reviziju privatizacije u Federaciji Bosne i Hercegovine u ostavljenom roku zaprimila je očitovanje Uprave SRC „Vlašić“ d.o.o. Travnik. Aktom br. 0197/24 od 29.11.2024. godine. Uprava društva je obavijestila Agenciju da nema primjedbi na dostavljeni Nacrt izvještaja, nakon čega je Agencija sačinila konačan Izvještaj o izvršenoj pretvorbi i privatizaciji SRC „Vlašić“ d.o.o. Travnik broj: 02-15-1-295-37/24 od 04.12.2024. godine, a koji čini sastavni dio ovog Rješenja.

Revizijom su obuhvaćeni dokumenti, odluke, poslovne knjige, ugovori i akti na osnovu kojih je obavljena privatizacija, radi provjere da li je privatizacija provedena u skladu sa odredbama Zakona o privatizaciji preduzeća ("Sl. Novine F BiH", br. 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), i drugim posebnim propisima.

U privrednom društvu SRC „Vlašić“ d.o.o. Travnik, nije vršena prethodna vlasnička transformacija, shodno Zakonu o prometu i raspolaganju društvenim kapitalom ("Službeni list SFRJ", br. 84/89 i 46/90), Zakonu o isplati ličnih dohodaka, sredstava za neposrednu zajedničku potrošnju i sredstava za ishranu radnika u toku rada („Službeni list SFRJ“, broj 37/90 i 84/90), te samim tim društvo nije ni bilo obavezno vršiti Reviziju prethodne vlasničke transformacije.

Postupak privatizacije privrednog društva SRC „Vlašić“ d.o.o. Travnik obavljen je u skladu s Okvirnim zakonom o privatizaciji preduzeća i banaka u Bosni i Hercegovini („Službeni glasnik BiH“, broj: 14/98, 12/99, 14/00), Zakonom o privatizaciji preduzeća ("Službene Novine F BiH", broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), te u skladu sa Pravilnikom o postupku prodaje imovine i dionica ili udjela preduzeća (Sl. Novine F BiH, br. 16/02) i Pravilnikom o postupku prodaje metodom neposredne pogodbe („Službene Novine F BiH“, broj 75/05).

Sastavni dio Rješenja čini Izvještaj o izvršenoj reviziji pretvorbe i privatizacije SRC „Vlašić“ Travnik, br. 02-15-1-295-37/24 od 04.12.2024. godine.

Privatizacija je provedena zakonito i ista je polučila potrebne rezultate privrednog rasta i razvoja u Federaciji Bosne i Hercegovine.

Na osnovu prikupljene i analizirane dokumentacije u ovoj reviziji, utvrđeno je sljedeće:

---

**1.** Program privatizacije društva SRC „Vlašić“ d.o.o. Travnik, sačinjen je u skladu sa odredbama člana 4. Zakona o privatizaciji preduzeća (Sl. novine Federacije BiH, br. 27/97, 8/99, 32/00, 45/00, 54/00, 61/00, 27/02, 33/02, 28/04, 44/04, 42/06 4/09).

**2.** Procedure, dokumenti, poslovne knjige i računovodstveno finansijski izvještaji korišteni u toku pripreme Početnog bilansa za privatizaciju SRC „Vlašić“ d.o.o. Travnik su u skladu sa Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99).

Sačinjen je aktivni, pasivni i neutralni podbilans.

Preduzeće nije imalo u ukupnom bilansu stavki koje bi prema Zakonu o privatizaciji i to članovima 8. i 16. iskazalo u pasivnom i neutralnom podbilansu. Preduzeće u svom ukupnom bilansu nije imalo iskazanih prava .

**3.** Upravni odbor SRC „Vlašić“ d.o.o. je dana 27.02.2008. godine donio Odluku br. 01-93/08 o prodaji državnog kapitala SRC „Vlašić“ d.o.o. metodom tendera u velikoj privatizaciji.

Općinsko vijeće Travnik je dana 02.04.2008. godine donijelo Odluku br.S-177/08 o prodaji državnog kapitala SRC „Vlašić“ d.o.o metodom tendera u velikoj privatizaciji, te Prijedlogu kriterija za prodaju državnog kapitala SRC „Vlašić“ d.o.o. u velikoj privatizaciji br. S-178/08-1.

Agencija za privatizaciju Srednjobosanskog kantona/županije u skladu sa odredbom člana 9. Zakona o privatizaciji preduzeća, izdala je Rješenjem br. 04-19-364/08 od 28.08.2008. godine i izmjene navedenog Rješenja br. 04-19-454/08 od 24.11.2008.godine. Utvrđen je ukupni kapital društva u vrijednosti 5.164.821,00 KM, po strukturi 100% državni, te prodaja istog metodom tendera u velikoj privatizaciji. Na navedeno Rješenje nije bilo izjavljenih žalbi te je isto postalo konačno.

**4.** Agencija za privatizaciju SB kantona/županije je objavila ukupno 4 (četiri) javna poziva za prodaju 100% državnog kapitala u SRC „Vlašić“ d.o.o. Travnik. Na prva tri poziva nije pristigla niti jedna ponuda. Na četvrti javni poziv za prodaju 100% državnog kapitala SRC „Vlašić“ d.o.o. metodom neposredne pogodbe objavljenog 06.08.2009. godine pristigle su dvije ponude i to ponuđača: Fabrika duhana Sarajevo d.d. i Ozon d.o.o. Travnik. Ponude su podnesene na način i u roku kako je to propisano članom 8. tačke 1. i 2. Pravilnikom o postupku prodaje metodom neposredne pogodbe (Sl. novine Federacije BiH, br. 75/05), te je uplaćen depozit u skladu sa tačkom 3. navedenog člana.

Javni pozivi su objavljivani u skladu sa članom 11. i 14. Zakona o privatizaciji preduzeća (Sl. novine Federacije BiH, br. 27/97, 8/99, 32/00, 45/00, 54/00, 61/00, 27/02, 33/02, 28/04, 44/04, 42/06 4/09), u skladu sa dijelom C, član 52. Pravilnikom o postupku prodaje imovine i dionica ili udjela preduzeća (sl. novine Federacije BiH, br. 28/05), i u skladu sa članom 3. i 17. Pravilnika o postupku prodaje metodom neposredne pogodbe (Sl. novine Federacije BiH, br. 75/05).

---

Prema odredbama člana 1. Pravilnika o postupku prodaje metodom neposredne pogodbe (Sl. novine Federacije BiH, br. 75/05), te člana 87. Pravilnika o postupku prodaje imovine i dionica ili udjela preduzeća (sl. novine Federacije BiH, br. 28/05), prodaja državnog kapitala neposrednom pogodbom može se vršiti nakon neuspjele prodaje tenderom ili aukcijom. Odluku o prodaji putem neposredne pogodbe donosi nadležna Agencija (član 88. stav 1. Pravilnika o postupku prodaje imovine i dionica ili udjela preduzeća). Iz navedene odredbe Pravilnika proizilazi da je Agencija za privatizaciju ispravno i u skladu sa Zakom i Pravilnikom postupila kada je nakon neuspjele prodaje tenderom objavila Javni poziv za prodaju metodom neposredne pogodbe.

U skladu sa članom 13. Zakona o privatizaciji preduzeća, te članom 46.tačka 1. Pravilnika o postupku prodaje imovine i dionica ili udjela preduzeća (sl. novine Federacije BiH, br. 28/05), Agencija je ispravno odredila početnu cijenu predmeta prodaje i to knjigovodstvenu vrijednost kapitala utvrđenu u početnom bilansu stanja. Pored početne cijene kapitala u Javnom pozivu su jasno određeni kriteriji za vrednovanje ponuda, a u skladu sa članom 52. tačka 4. Pravilnika o postupku prodaje imovine i dionica ili udjela preduzeća.

Za prodaju neposrednom pogodbom Agencija je u skladu sa članom 5. Pravilnika o postupku prodaje neposrednom pogdbom imenovala tročlanu komisiju. U postupku neposredne pogodbe pristigle su dvije ponude na Javni poziv od 06.08.2009. godine. Komisija za neposrednu pogodbu je postupala na način kako je to propisano odredbama članova 9., 10., 11., Pravilnika o neposrednoj pogodbi.

Kada je odluka o proglašenju pobjednika neposredne pogodbe postala konačna u upravnom postupku, sa pobjednikom neposredne pogodbe preduzećem Ozon d.o.o. Travnik u skladu sa članom 15. Zakona o privatizaciji preduzeća i članom 12. Pravilnika o postupku prodaje metodom neposredne pogodbe dana 12.07.2010 godine potpisan Ugovor br.65/10 o kupoprodaji predmeta neposredne pogodbe.

**5.** Kupac je izvršio obaveze koje je preuzeo Osnovnim ugovorom o kupoprodaji predmeta neposredne pogodbe br. 65/10 od 12.07.2010 god. i Aneksom IV osnovnog ugovora od 23.03.2018 i to člana 2. Osnovnog ugovora uplatio kupoprodajnu cijenu u iznosu 550.000,00 KM , člana 3. i člana 4. stav 2. upošljavanje i člana 3. stav 1. i člana 4. stav 1., te člana 3. Anexa III od 23.03.2018 godine investiranje-ulaganje.

Agencija za privatizaciju SB kantona/županije je provodila posrednu i neposrednu kontrolu u skladu sa odredbama članova 7., 8., 9. ,10., 17. Pravilnika o obavljanju kontrole izvršenja obaveza iz kupoprodajnih ugovora u postupku privatizacije u Federaciji Bosne i Hercegovine (Sl. novine Federacije BiH, br. 52/09), te u skladu sa dijelom V tačka 1 – Investicije/ulaganja Pravilnika.

Kao dokaz konačnog izvršenja obaveza investiranja – ulaganja kupac Ozon d.d. Travnik je dostavio Agenciji nalaz i mišljenje ovlaštene revizorske kuće o ispunjenju ugovorenih obaveza po osnovu investiranja – ulaganja, a što je propisano članom 16. Pravilnika.

---

Kupac je vezano za dio ulaganja dostavio Agenciji, a i Društvu za reviziju koje je vršilo reviziju ulaganja nalaz i mišljenje sudskog vještaka o procjeni vrijednosti određenih ulaganja – investiranja, a što je propisano odredbama člana 15. Pravilnika.

**6.** Na osnovu izvršenih posrednih i neposrednih kontrola izvršenja obaveza Kupca preuzetih Ugovorom o kupoprodaji predmeta neposredne kontrole, te Nalaza i Mišljenja neovisnog revizora, nalaza i mišljenja vještaka, a prema odredbi člana 23. Pravilnika o obavljanju kontrole izvršenja obaveza iz kupoprodajnih ugovora u postupku privatizacije u Federaciji BiH (Službene novine Federacije BiH broj: 52/09, 5/11 ), nakon kontrole izvršenja obaveza iz člana 4. stava 1. tačka 1, te stava 2. tačka 2. Ugovora o kupoprodaji predmeta neposredne pogodbe broj: 65/10 koji se, temeljem člana 21. tog ugovora, smatra zaključenim na dan 28.08.2010. godine između Agencije za privatizaciju KSB/SBK, kao prodavatelja i "OZON" d.o.o. Travnik (sada registriran kao "OZON" d.d. Travnik) kao kupca državnog kapitala u SRC "Vlašić" d.o.o. Travnik, te odredbi anexa IV Ugovora od 23.03.2018. godine, Agencija za privatizaciju SB kantona /županije je dana 12.06.2018. godine izdala kupcu Potvrdu br. 01-19- 143/18 da su izvršene ugovorene obaveze utvrđene članom 4. stav 1. tačka 1. (ulaganja ugovorena za prvu, drugu i treću godinu izvršenja Ugovora) te članom 4. stav 2. tačka 2. tog ugovora (upošljavanje).

## **9. FAKTORI USPJEHA RADA I RIZICI**

Agencija sprovodeći Zakon nailazi na određene poteškoće u radu na reviziji privatizacije. Naime, prilikom dostavljanja tražene dokumentacije za pojedine postupke revizije pojavljuju se određene poteškoće. Prednje se uglavnom manifestuje kroz odugovlačenje postupka dostave tražene dokumentacije od strane učesnika u postupku privatizacije, nepoštivanje rokova za dostavu dokumentacije i sl. Nadalje, kod nekih revizorskih postupaka konkretnu dokumentaciju vezanu za privatizaciju je veoma teško i skoro nemoguće pribaviti. Određena dokumentacija je izgubljena, uništena ili je jednostavno nema, što mi uredno dokumentujemo i bitno je za takvu dokumentaciju da je ovlašteno lice ili organ dokažu da je nema. Isto tako, određene organizacijske promjene kod privrednog subjekta usložnjavaju proces. Situacija se dodatno usložnjava u slučajevima kada se vezano za postupak privatizacije već vode ili su prethodno vođeni određeni sporovi, ili kada je pravni subjekt kod kojeg se provodi revizija u međuvremenu prestao sa radom, odnosno obustavio poslovne aktivnosti. U takvim slučajevima dokumentacija se nalazi kod više različitih subjekata ili institucija, što zahtijeva dodatno vrijeme neophodno za kompletiranje iste.

Agencija nema mehanizam da pokrene procedure kaznenih odredbi, a koje su kao takve navedene u Zakonu. *Iako je Predstavnički dom Parlamenta Federacije na svojoj 8. sjednici održanoj 20.11.2019. godine usvojio neophodne izmjene Zakona o reviziji privatizacije državnog kapitala privrednih društava i banaka, a koje se odnose na*

---

*inspekcijski nadzor, to još nije uradio i Dom naroda Parlamenta Federacije Bosne i Hercegovine te s tim u vezi član zakona koji govori o kaznenim odredbama još uvijek nije u cijelosti provodiv jer je potrebno da identičan tekst usvoji i Dom naroda parlamenta Federacije BiH.*

S tim u vezi Agencija može tek da obavijesti nadležno tužilaštvo, što Agencija trenutno i radi. U postupku revizije i primjene Zakona uočene su određene nejasnoće i neusklađenosti Zakona sa drugim općim zakonima u Federaciji Bosne i Hercegovine. Pojedine odredbe zakona su prevaziđene, a neke je opet nemoguće primjeniti.

Agencija se u zadnje vrijeme suočava i sa problemom dostavljanja dokumentacije od strane kantonalnih/županijskih Agencija. Naime, pojedine Agencije nemaju mogućnosti da dostavljaju zatraženu dokumentaciju koja je potrebna u postupku revizije privatizacije privrednih društava koja se nalaze u kantonima iz nadležnosti tih agencija. Razlozi su različite prirode od financijske do kadrovske. U tom smislu uposlenici Agencije za reviziju privatizacije u Federaciji BiH nemaju drugi način za pribavljanje navedene dokumentacije nego da samostalno odlaze u pojedine agencije i izuzimaju registratore za svako pojedino privredno društvo koje se revidira. Iako je zakonom drugačije navedeno, Agencija kao odgovorna institucija koja želi sve planirane i započete revizije okončati, ipak nađe način da pribavi i izuzme dokumentaciju iz kantonalni agencija, koju po okončanju revizije privatizacije i vrati. Ista situacija je i sa pribavljanjem dokumentacije od Federalne agencije za privatizaciju Federacije BiH, a posebno u periodu zastoja u radu iste.

Posebno je bitno naglasiti, da je članom 69. stav (3) Zakona o stečajnom postupku Federacije Bosne i Hercegovine, propisano da se prije otvaranja procedure stečajnog postupka prethodno treba izvršiti kontrola izvršene privatizacije za preduzeća koja su privatizovana ili su u procesu privatizacije, a u svemu tome ključnu ulogu ima Agencija za reviziju privatizacije u Federaciji Bosne i Hercegovine, na čiju se adresu obraćaju i stečajni upravnici, posebno u posljednje vrijeme. Pretpostavka je da će u narednom periodu biti i više zatjeva.

S obzirom da je broj privrednih društava i banaka koje Agencija treba da revidira, a koje su privatizirane u prošlom peridu, znatno veliki, a isto tako i onih narednih privatizacija koje tek trebaju da se izvrše, za uspješno obavljanje revizija, neophodno je u budućem periodu raditi na povećanju budžeta kako bi se povećao broj revizora i administrativnog osoblja, a samim tim bi se povećao i broj revizija i po tom osnovu Agencija bi mogla u većem obimu uzimati predmete u rad. Agencija se već susreće sa obimnošću posla, a za to nema ni dovoljan broj administrativnog osoblja da može opslužiti i stizati sve zakonom definisane aktivnosti.

---

## 10. ZAKLJUČAK

Uspostavljanje Agencije za reviziju privatizacije i njena Zakonom i aktima Vlade Federacije Bosne i Hercegovine definisana djelatnost ima važnu ulogu u ostvarenju ciljeva ulaska u evropske integracije. Proces revizije privatizacije s aspekta evropskih integracija je veoma važan i bitan, što se pokazalo i kod Upitnika Evropske komisije upućenog Bosni i Hercegovini. Transparentnost procesa provedene privatizacije, najbolje se može sagledati kroz revidirani proces, što u konačnici traži i zahtjeva i Evropska komisija.

Revizija pretvorbe i privatizacije predstavlja obiman i složen posao, koji se u relativno kratkom periodu mora obaviti kod velikog broja firmi, pa se brzina i efikasnost, revizije nameće kao imperativ. S tim u vezi, Agencija će i u narednom periodu tražiti da joj se odobri zadovoljavajući broj zaposlenika kako bi mogla izvršavati zakonom utvrđene zadatke.

Agencija za reviziju privatizacije je u potpunosti posvećena da izvrši sveobuhvatnu reviziju privatizacije na profesionalan i odgovoran način, na načelima dosljedne primjene Zakona, uputa i odluka Vlade Federacije Bosne i Hercegovine, transparentnosti u radu i otvorenosti za sve institucije i stručnu javnost, ali i primjerenog pravnog okruženja, te adekvatnog provođenja aktivnosti nadležnih institucija kako bi ostvarila uspješan rad i strateške ciljeve.

**Broj: 01-04-1-204/25**  
**Sarajevo, 13.03.2025. godine**

**DIREKTOR**

Vedad Duraković, dipl.oec.